

賽金丹

賽金丹小引

道有大小活人之道可爲術分正邪濟世
之術宜學靈樞素問無非聖帝之傳心橋
井杏林要同良相之醫國愚點金乏術修
丹未成抱恙多疑每乞靈於乩卜學醫未
澈時寄意於旁搜方以類求治歸經驗多
附簡易俾促辨於窮鄉略註減加請斟酌

夫明哲治雖未備簡而能賅用藥如用兵
須隨機而應變固本如固國宜思患以預
防捨藥施材尤望富翁以濟世扶危起死
或賽金丹之度人

蘊真子識

賽金丹上下編凡例

一是編先治未病首重精氣神及攝養諸論四診要訣寒熱虛實表裡陰陽用藥宜忌藥性炮製臟腑圖考以為認症下藥準的閱者先於此參究

一是編所列仙方係歷年為己為人所請均已經驗令刪去醫案只以聖號列在各方頭上但症治未備因略採古方緊要者以便施治又慮用方者泥而不變於各方下詳註加減尤慮貧乏者無力服藥及倉猝難辦因彙集簡易方以附一所列方先正而後奇分門別類各門中論症則先輕而後重每方下論治及後加減均以病屬全身者在前零星者則自

頭至足藥味或補或瀉各以類從簡易方中亦遵此編次序
着眼字句用△湯頭用卜通編俱有圈點俾閱者燎然不蹈
雜亂之譏且上下兩編合成一卷易於繙閱出門易於攜帶
三易稿始成熟費苦心其有立效立愈真神極驗等字多從
刪削省文也

一施藥不如傳方每見人私秘小方甚屬可鄙然經廣刻又恐
人以等閒相忽此刻乃體不出門救萬命之說最爲善本閱
者珍之

一簡易方宜常看記熟講與人聽更好至藥有宜預辨栽種收
買者須先爲辦備以濟己利人即少取人財半積陰功半養

身亦有功德

一 所選單方有傷生命者必萬不得已而後用之雖貴人賤物然萬物一體必曲全補救始可

一 每症選方頗多詳問病源擇其對症者用之或內外兼治竒正參用至於戕分須隨病加減不必拘定或服此不效另揀一方勿謂不驗但恐膠柱鼓瑟以致病不投方耳

一 服仙方必須誠信配合不可預先洩破默禱神靈加護改惡從善雖冤債夙孽亦必解釋獲效

一 服藥全貴真材製熬孝子慈父藥必經手始克奏功若隨藥舖配合輕重顛倒及委粗心年幼煎藥多有悞也

一是編所載不藥奇術既未經口授無師可以默想須凝神如
太上在前一誠相感方驗

一是編端爲養病及好行方便者應用故症治終多缺畧欲學
醫濟世者由此畧觀大意再讀本草從新醫方集解醫學心
悟景岳全書尊生全書石室秘錄醫學匯參傷寒集註等書
方能貫通

賽金丹上編目錄

冷真人却病論

懼仙保養精氣神論

孫真人枕上記

普明子保生四要

附寡慾却病說

四診要訣

普明子寒熱虛實表裏陰陽辨

用藥宜忌錄要

藥性炮製

以道療病論

養生銘

醫喻 醫略

銅人圖

賽金丹下編目錄

風寒

瘟疫

暑症

痧症

虛損

腫脹

血症

狂癲癩

頭痛

眼目

耳鼻

齒牙

口舌

咽喉

咳嗽

脾胃

腹痛

腰痛

前陰諸症

後陰諸症

腳膝筋骨

婦科

兒科

外科

雜治

鴉菴

畜類

賽金丹提綱上編

天醫主院冷真人却病論

夫上古之世人心醇厚世俗敦龐人俱壽享百餘皆由無紛靡奢華以搖奪三寶所以元氣流行而無大夭大札之患也迨至末世人心不古世風日下善氣閉掩惡氣充盈黑籍如山惡鬼橫行聚則爲刀兵散則爲瘟疫刀兵擾也而加以凶荒瘟疫行也而繼以水火嗟乎上帝本好生之德神聖多方便之路而忍羣生受此災厄耶抑生民自造之孽有令造物無權者若能存心改悔何患疫氣之染哉吾賜諸弟子三方寡嗜慾以保精減言語以保氣少思慮以保神三者既固長生之道也三者

有傷戕生之路也。欲求長生，須求長死。能遵吾言，百病不生。

臞仙保養精氣神論

精者身之本，氣者神之主，形者神之宅也。故神太用則絕，精太用則竭。是以人之生者神也，形之托者氣也。若氣衰則形耗，而欲長生者，未之聞也。夫有者因無而生焉，形者須神而立焉。有者無之館，形者神之宅也。倘不全宅以安生，修身以養神，則不免於氣散歸空，遊魂爲變。方之於燭燭盡，則火必滅。譬之於堤，堤壞則水不存矣。夫魂者陽也，魄者陰也。神能服氣，形能食味。氣清則神爽，形勞則氣濁。服氣者千百不死，故身飛於天；食穀者千百皆死，故形歸於地。人之死也，魂飛於天，魄

落於泉。水火皆散。各歸本源。生則同體。死則相捐。飛沉各異。稟之自然。譬如一根之木。以火焚之。烟則上升。灰則下沉。亦自然之理也。夫神明者。生化之本。精氣者。萬物之體。全其形。則生。養其精氣。則性命長存矣。

以道療病論

古之神醫。能療人之心。預使不至於有疾。今之醫者。惟知療人之疾。而不知療人之心。是猶捨本逐末。不通其源。而攻其流。欲求疾愈。不亦愚乎。雖一時僥倖而安之。亦世俗之庸醫。不足取也。太白真人云。欲治其疾。先治其心。必正其心。乃資於道。使病者盡去。心中疑慮思想。一切妄念。一切不平。一切人我。悔悟平。

生所爲過惡。便當放下身心。以我之天。而合所事之天。久之遂
凝於神。自然心君泰寧。性地和乎。知世間萬事。皆是空虛。終日
營爲。皆是妄想。我身皆是虛幻。禍福皆是無有。生死皆是一夢。
慨然領悟。頓然解釋。心地自然清淨。疾病自然安全。能如是。則
藥未到口。病已亡矣。此真人以道治心療病之大法也。

孫真人枕上記

怒甚偏傷氣。思多太損神。神疲心易疫。氣弱病相侵。勿使悲歡
極。常食飲食勻。若要無百病。常當節五辛。再三防夜醉。第一戒
晨噴。亥寢鳴天鼓。寅興漱玉津。妖邪難犯己。精氣自全身。安神
宜悅樂。惜氣保和純。壽夭休言命。修行本在人。果能遵此理。平

地可朝真。

養生銘

人欲小勞形。百病不能成。飲酒勿大醉。百病自不生。酸味傷於筋。苦味傷於骨。辛多敗正氣。甘即不益肉。鹹多促人壽。不得偏嗜欲。飽食反傷脾。忍飢戒勞役。飢則坐游尿。飽放小便出。食了行百步。數以手摩肚。寅丑日剪甲。日梳頭百度。每去鼻中毛。常習津不唾。行處勿當風。小隙亦宜杜。每夜足濯湯。不得覆首卧。春夏少施泄。秋冬固陽事。獨卧自保真。清淨乃爲至。既寢勿再言。既醒勿煩思。平明欲起時。下床先左脚。一日無災殃。去邪兼辟惡。如能七星步。令人長壽樂。錢財生有分。知足乃爲貴。強知

是大患。少慾終無累。神靜自常安。修道宜終始。書之屋壁中。將以傳君子。

普明子保生四要惜精神

人之有生。惟精與神。嗟彼昧者。不愛其身。多言損氣。喜事勞心。或因名利。朝夕熱中。神出於舍。舍則空空。午未兩月。金水俱傷。隔房獨宿。體質輕強。亥子兩月。陽氣潛藏。君子固密。以養微陽。春方熱藥。切不可嘗。積精全神。壽命延長。

戒嗔怒

東方木德。在人屬肝。肝氣未平。虛火發焉。諸風內動。火性上炎。無嗔無恚。涵養心田。心田寧靜。生意悠然。善動肝氣。多至嘔血。

血枯肺燥。漸次發咳。凡人舉事。意豈皆得。偶爾失意。省躬自克。戒爾嗔怒。變化氣質。和氣迎人。其儀不忒。

慎風寒

人身之中。曰營與衛。寒則傷營。風則傷衛。百病之長。以風爲最。賊風偏枯。歪斜偏痺。寒邪相乘。經絡難明。初在三陽。次及三陰。更有中寒。肢冷如冰。急施溫補。方可回春。方其汗浴。切莫當風。四時俱謹。尤慎三冬。非徒衣厚。藏精厥躬。

節飲食

人身之貴。父母遺體。飲食非宜。疾病蜂起。外邪乘之。纏綿靡已。浸淫經絡。凝塞腠理。變症百端。不可勝紀。惟有縱酒。禍尤可畏。

酒毒上攻。虛炎灼肺。變為陰虛。祇緣酷醉。虛羸之體。全賴脾胃。莫嗜膏粱。淡食為最。口腹勿貪。謹慎為貴。

附寡慾却病說

人雖至愚。未有不喜康寧。而惡疾病者。而欲祛疾病。以享康寧。莫要於寡慾。古者男女以正。婚姻以時。發乎情。止乎禮。故其時人多上壽。降及後世。情竇日開。真性日漓。其有迷花卧柳。漁色雞姦。生為廢疾之人。死墮無間之獄者。姑無論矣。獨憫乎溺情伉儷。逸志閨幃。恩愛牽纏。綢繆莫解。遂至摧強壯為老病。易長命為夭折者。何可勝道。間有讀書明理。亦識多慾乃致病之源。而持之不堅。終至縱慾無度。瀕於危亡。或有異室異牀。離鄉別

館似亦能寡慾矣。乃以交會之疏。遂於三元五臟四始八節晦朔弦望疾風雷雨酷暑嚴寒之辰。不知禁忌。每至暗減其算。陰奪其齡。嗟嗟溫柔鄉乃英雄之陷阱。迷魂陣。實色鬼之網羅。其誰能超出慾海。渡過愛河。使疾病之不生乎。况夫人之有生。精氣神相依爲命。精足氣固神凝。乃可延年益壽。若精虧氣耗神散。死亡立至矣。尚冀疾病之不生耶。方之於燈。油盡則燈滅。比之於魚。水涸則魚困。理固然也。自來聖賢仙佛諄諄以寡慾爲言者。豈有他哉。良以精神爲造命之基耳。蓋精足則遜志時敏。而百事易成。神弱則心昏氣惰。而一籌莫展。雖具人形。旋登鬼錄。可不懼乎。或曰。男女居室。人之大欲。存焉。斤斤自守。不也。迂

乎。又况夫婦之情。近之則喜。遠之則怨。奈何。予曰。不觀之天地。日月乎。雖一陰一陽之謂道。而其位實相隔。而不相狎。故夫婦宜和。而有別。撫之以恩。接之以禮。諭之以道。我能修身以齊家。彼自降心而守義。祖宗之明。禋生子之福。壽皆係於斯也。豈徒謹一身之疾病哉。然則寡慾之功。何先。曰。先治心。心者身之主。而君火也。火性炎上。君火一動。則肝腎之火皆動。腎水遭爍。洩於外。而竭於內。百病乘之而入矣。即有心寡慾。而勉為強制。然外感之慾。易戒。內生之慾。無窮。或耳目聞見。而情動於中。或靜室坐卧。而慾念忽起。外雖未洩。內已離宮。不能復歸。故位經云。欲洩不洩。變成膿血。况浸久。則玉門不閉。萌動念。而精自流溢。

致成遺滑淋濁。有甚於男女之私者。更有年少無知。暗洩至寶。是未娶而先撥其本根。既娶而益伐其萌蘖。欲不至患成癆瘵。其可得乎。是故子弟婚娶不可太早。執業不可不勤。嘗見勞苦之人。少疾安逸之子。多病。其故何哉。蓋勞則善心生。逸則淫心熾耳。至於淫詞小說。春宮圖畫。斷不許入目。俾平日所觀覽者。無非善書。所交遊者。無非正人。若慾海慈航。所載戒期。並孫真人十二條。逐一開出。猛力堅守。聞人說穢事。趨而避之。美色當前。須想此物陰柔狐媚。敗國亡家。多由於此。君子惜身重命。何可貪迷色慾。自尋死路。將真精送與粉骷。護耶古聖制字。色字頭有刀。絕字半是色。如此設想。則慾火一萌。立即撲滅。天君自

然寧靜矣。予生卅年餘矣。稟弱多病。求其致病之由。半因色慾。同時故交。病死者十餘人。查其由。無非內作色荒之故。古人云。傷生之事。非一而好色者必死。不信然乎。惟願青年烈士。先破此關。早登覺路。則康寧可必。若忘身殉慾。病倒徒傷。悔之晚矣。

醫喻

古人云。不為良相。當為良醫。此何以說。蓋良醫保命治病。無異於良相保主克賊。間嘗論之。國家無事。內安外寧。如人天君。泰然百體。從令元氣充實。外患不侵。倘元氣稍虧。急宜培補。如嗣主闇弱。宜輔弼多賢。倉廩空虛。宜儲財節用。務使君明臣良。民殷國富。始無境內之憂也。設不幸而蠻夷竊發。擾亂邊疆。如人

偶為風寒外侵。一汗可愈。使純用補藥收斂。是謂關門逐賊。賊必深入。夫賊既深入。為良相者。必先薦賢保主。然後興兵討賊。如善醫者。必先審胃氣。然後用藥攻邪。更不幸而兵圍城下。糧絕。君危。惟有保主出奔。再圖恢復。如人元氣將脫。且緩治病而急保命。命存而病可徐圖也。蓋行軍以糧食為先用。藥以胃氣為本。軍無糧食。必困。藥非胃氣不行。庸醫不先固本。一意攻邪。何異姜伯約九伐中原。糧食不繼。出師未捷而昏主讒臣反納降於鄧艾。可借鑒焉。大將討賊。內顧雖已無憂。而用兵尤貴知法。如人氣血未虧。却病不難。不善醫者。雜亂用藥。自相矛盾。反壞胃而引賊。何異趙括將兵。漫無紀律。反折兵而喪國乎。良醫

用藥必如諸葛將兵運籌帷幄決勝千里心有主宰而不惑兵有紀律而不亂陣有變化而不拘相天時察地理乘機勢大軍對壘奇兵埋伏進可討賊退可自守雖三軍之士性情不同而我駕馭有法同心克敵則一也雖然敵雖克矣國家元氣必因此而耗傷城池闕隘或因此而崩圯為良相者安我人民實我倉庫固我封疆所必然也如人病後不服補藥營衛其何以固元氣其何以復乎至於內傷諸症不過三陰虧損本無外邪入寇善醫者如伊尹相太甲但使之處仁遷義救弊扶偏調燮陰陽而已矣何用霸功征伐以擾我境內耶若食積痰火虫瘕癰疽諸實症又如國有大奸急宜剪除不可純用王道之劑姑息

以養奸也。試觀元首股肱。君臣同歌一體。忠言良藥。救正信有
同途。良相之以道事君。何異良醫之以道療病。良醫之切脉審
症。何異良相之區畫籌謀。良相之陳善辟邪。何異良醫之延年
却病。故岐伯相黃帝。即推此意。以作靈樞。觀仲景傷寒用藥。如
講兵法。他如兵法云。知己知彼。百戰百勝。兵不在多。貴於善用。
皆與醫道無二理也。吁。上醫醫國。良相知醫用藥。如用兵。古人
先我而言矣。保命如保主。庸醫不能識也。誠能引仲觸類。舉一
反三。則於醫道。豈復有餘蘊哉。

唐則天末年。益州賣藥父老語曰。人之一身。便如一國也。人心
即帝王也。傍列臟腑。即宰輔也。外具九竅。即羣臣也。故心病則

內外不可救之。何異君亂於上。臣下不可止之乎。但凡欲身之無病。必須先正其心。不使氣索。不使狂思。不使嗜慾。不使迷惑。則心先無病。心無病。則餘臟腑雖有病。不難療也。外之九竅。亦無由受病也。况藥有君有臣有佐有使。或攻其病。君先。臣次。然後用。佐用。使自然合宜。如失其序。必自亂也。又何能救病。此猶家國任人也。老夫賣藥。常以此為念。每見愚者一身。君不君。臣不臣。使九竅之邪。恣納其病。以至良醫目逃。名藥不效。猶不自知。悲夫。士君子記之。

醫畧

醫貴知要。知其要者。數言而終。不知其要。流散無窮。切脉先辨

浮沉遲數胃氣神根審症先辨內傷外感外因則風寒暑濕燥
火內因則氣血痰鬱食蟲陰陽虛耳然內外因俱有表裏虛實
寒熱之辨方藥當分補瀉攻散固因五味之別經云虛者補之
實者瀉之寒者熱之熱者寒之高者抑之陷者舉之急者緩之
散者收之鬱者發之客者除之留者攻之燥者潤之驚者平之
佐以所利和以所宜務在調和元氣攻賊不傷主耳方不在多
貴於善用如四君主氣四物主血二陳主痰越鞠主鬱平胃行
氣去濕理中溫中助陽六味主水八味主火補中湯可治氣分
百病地黃湯可治精分百病五福可補五臟八珍兼補氣血十
全養營補中有熱六君逍遙補中兼行黃連承氣解毒開闔古

方極多。豈能盡記。引伸加減。驅使由吾。但當知緩急標本。宜忌時勢。不可躁率。優柔以人。試藥耳。至於傷寒瘟疫。須熟六經傳經傳腑。守經合病。併病兼症。燎若觀火。起死回生。時醫糊塗。曷反自省。雖醫乃仁術。而庸術殺人。罪豈淺鮮哉。

四診要訣望色

春夏秋冬四季時。青黃赤白黑隨之。左肝右肺。形呈頰心額腎。頤鼻主脾。察位須知。生者吉。審時若遇尅。堪悲。赤紅多火。分虛實。青白爲寒。辨似疑。潤澤蒼黃。休過慮。焦枯黯淡。定非宜。蒼中有嫩。都非吉。嫩裡微蒼。是愈期。舌上有胎。病入裡。無胎紅火白。寒知白胎。半表黃爲裡。黑入少陰。病甚危。更於滑濇分寒熱。無

澤無胎是死時。

聞聲

肝怒聲呼。心喜笑。脾為思念發為歌。肺金憂慮形為哭。腎主呻。吟恐亦多。氣衰語微。中氣弱。怒罵粗狂。實證疴顛。倒語言神志亂。痰聲漉漉。病難瘥。久病聞呃為胃絕。用心審聽記心窩。

問症

一問寒熱。二問汗。三問頭身。四問便。五問飲食。六問胸。七問鼻。八問渴。俱當辨。九問舊病。十問因。再問服藥。參機變。婦人尤必問經期。遲速閉崩。難臆斷。更添片語告兒科。天花麻疹。度占驗。

切脉

脉經鋪叙似支離。遲數浮沉仔細思。浮表裏沉參活法。遲寒數
熱辨精微。浮數爲陽多外感。沉遲爲陰內病。知外感陰來非吉
兆。內虛陽現實堪悲。諸凡偏勝皆成疾。忽變非常即可疑。春夏
絃洪生尅驗。秋冬毛石逆從窺。有無力裡求虛實。和緩神來是
愈期。沉候有根多福壽。數言悟徹即良醫。

普明子寒熱虛實表裏陰陽辨

病有總要。寒熱虛實表裏陰陽八字而已。病情既不外此。則辨
症之法亦不出此。一病之寒熱全在口渴與不渴。渴而消水與
不消水。飲食喜熱與喜冷。煩躁與厥逆。溺之長短赤白。便之溇
結。脉之遲數以分之。假如口渴而能消水。飲食喜冷。心煩躁。溺

短赤便結脉數此熱也。假如口不渴或假渴而不能消水喜飲熱湯手足厥冷溺長白便澹脉遲此寒也。一病之虛實全在有汗無汗胸腹脹痛與否脹之減與不減痛之拒按與喜按病之新久稟之厚薄脉之虛實以分之。假如病中無汗腹脹不減痛而拒按病新得人稟厚脉實有力此實也。假如病中多汗腹脹時減移時如故痛而喜按按之則痛止病久稟弱脉虛無力此虛也。一病之表裏全在發熱與潮熱惡寒與惡熱頭痛與腹痛鼻塞與口燥舌胎之有無脉之浮沉以分之。假如發熱惡寒頭痛鼻塞舌上無胎脉息浮此表也。假如潮熱惡熱腹痛口燥舌胎黃黑脉息沉此裏也。至於病之陰陽統上六字而言所包者

廣熱者爲陽。實者爲陽。在表者爲陽。寒者爲陰。虛者爲陰。在裏者爲陰。寒邪客表。陽中之陰。熱邪入裏。陰中之陽。寒邪入裏。陰中之陰。熱邪達表。陽中之陽。而真陰真陽。素虛之別。則又不同。假如脉弦大滑數。口燥唇焦。內熱便結。氣逆上衝。飲食不喜。煎炒辛辣。此真陰不足也。假如脉沉微細弱。口淡唇白。肌冷便溏。飲食不化。四肢倦怠。神昏氣怯。喜食煎炒辛辣熱物。此真陽不足也。陰陽兩虛。其証互見。詳此八法。治病不難。臨症之際。觀其目瞑嗜卧。聲低息短。少氣懶言。身重惡寒。此陰症也。張目不眠。聲音响。口臭氣粗。身輕惡熱。此陽症也。然病中有熱症而喜熱飲者。同氣相求也。有寒症而欲冷飲。却不能飲者。假渴之象。

也。有熱症而大便溏瀉者。挾熱下利也。有寒症而大便反硬者。名曰陰結也。有熱症而手足厥冷者。所謂熱深厥亦深。熱微厥亦微也。有寒症而反煩燥發熱。欲坐卧泥水中者。名曰陰燥。真寒假熱症也。有有汗而為實症者。熱邪傳裏也。有無汗而為虛症者。津液不足也。有惡寒而為裏症者。直中陰寒也。有惡熱口渴而為表症者。溫熱之病自裏達表也。總之。真寒之脉必遲弱。無神真熱之脉必滑實有力。在表之脉必浮。緊在裏之脉非沉。緩則滑大。脉之真有力真有神者。方是真實症。脉之似有力似有神者。便是假實症。更有虛中挾實。實中挾虛。寒熱相兼。表裏兩見。陰陽相混者。法當知緩急標本通權達變。望聞問切互證。

參觀不可執一偏以悞人也。

用藥宜忌錄要

蓋聞藥能治病亦能殺人。知其宜尤貴知其忌。即如補方之制。補其虛也。氣虛者宜補其上。人參黃芪白朮之屬也。精虛者宜補其下。熟地棗皮枸杞之屬也。陽虛者宜補而兼暖。桂附乾薑之屬也。陰虛者宜補而兼清。門冬芍藥生地之屬也。至於調和元氣。陰虛而精血虧損者。忌利小水。四苓通草湯之屬也。肺熱乾咳者。忌用辛燥。細辛芎歸香附半夏白朮蒼朮之屬也。陽虛於下。忌沉寒。黃柏知母梔子木通之屬也。大便溏瀉者。忌滑利。二冬牛膝菴蓉。

當歸柴胡童便之屬也。表邪未解者忌收斂。五味棗仁地榆文蛤之屬也。氣滯者忌閉塞。黃芪白朮薯芋甘草之屬也。經滯者忌寒凝。門冬生地石斛苓連之屬也。火在上者不宜升。寒在下者不宜降。火動者忌溫煖。血動者忌辛香。汗動者忌蘇散。神動者忌耗傷。此和劑用藥之概也。若夫傷寒峻散者麻黃桂枝平散者防風荆芥紫蘇溫散者細辛白芷生薑涼散者柴胡甘葛薄荷羌活蒼朮能走經去濕升麻川芎能舉陷上行邪淺者忌峻散之屬。氣弱者忌雄悍之屬。熱多者忌溫燥之屬。寒多者忌清涼之屬。熱渴煩燥者喜甘葛而嘔惡者忌之。寒熱往來者宜柴胡而泄瀉者忌之。寒邪在上者宜升麻川芎而內熱炎升者

忌之。至若輕清者宜以清上。黃芩、石斛、連翹、花粉之屬也。重濁者宜以清下。黃栢、梔子、龍膽、滑石之屬也。性力之厚者能清大熱。石膏、黃連、蘆薈、苦參、豆根之屬也。性力之緩者能清微熱。丹皮、玄參、貝母、石斛、童便之屬也。以攻而用者。去癰閉之熱。大黃、芒硝、木通、茵陳、猪苓、澤瀉之屬也。以補而用者。去陰虛枯燥之熱。生地、芍藥、二冬、梨漿、細甘草之屬也。詳用熱之法。乾薑能溫中。亦能散表。嘔惡無汗者宜之。肉桂能行血。善達四肢。血滯多痛者宜之。吳茱萸善煖下焦。腹痛泄瀉者極妙。肉豆蔻可溫脾胃。殮泄滑利者最奇。胡椒溫胃和中。其類近於葷撥。丁香止嘔行氣。其煖過於豆仁。故紙性降善閉。故納氣定喘。止帶濁泄瀉。

附子性行如酒。故無處不到。能救急回陽。審用攻之法。凡攻氣。攻血。攻痰。攻積。真實者。攻之未及。可以再加。微實者。攻之太過。每因致害。思用固之法。固肺。固腎。固表。固腸。當固不固。則滄海亦將竭。不當固而固。則開門揖盜也。可不慎歟。再如半夏。南星。化痰。堪用。津液枯者。忌之。木香。烏藥。調氣。治疼。氣虛者。忌之。巴戟。仙茅。羊藿。胡桃。皆能補腎。命火熾者。忌之。附子性悍。獨任爲難。必得熟地。人參。炙草。以制之。然陰分虛者。大忌。多汗者。忌薑。薑能散也。失血者。忌桂。桂動血也。氣短。氣怯者。忌故紙。故紙降氣也。况藥有八反。孕有宜忌。倘若悞用。人命所關。尤當審慎。大凡氣香者。多不利於氣虛症。味辛者。多不利於見血症。上虛者。

忌降。下虛者忌泄。上實者忌升。下實者忌秘。諸動者再動即散。諸靜者再靜即滅。欲表散者須遠酸寒。欲降下者勿兼升散。甘勿施於中滿。苦勿施於假熱。辛勿施於熱燥。鹹勿施於傷血。酸木最能尅土。脾胃虛者少設。陽中還有陰象。陰中復有陽訣。知宜知避。不可膠柱鼓瑟。使能通此元微。則醫理何難透澈。

藥性炮製

洋參 甘苦補氣血 瀉虛火 堅實 蘇條 甘補肺氣 下行 蜜蒸或炒

潞黨 補中氣 生津 綿軟 味甘者 泡參 甘苦微寒 補陰氣 清肺火

黃芪 用甘溫 補氣固表 生陰血 白朮 甘溫利腰 補氣生血 煨脾去

山藥 甘補脾肺 瀉精微炒 蓮米 甘溫補心 脾腎瀉精 固腸

白藕 散甘寒 熟補陰 節止吐衄 芡實 甘溫補脾 瀉精揀淨 蒸熟

苡仁 甘淡微寒 補脾肺 行水 擇扁豆 甘溫腥香 補脾除濕 消暑

龍眼 甘溫補心 脾去殼 大棗 甘溫補脾 胃潤心 肺調營

甘草 甘補中和 藥宜用宜 大瀉 黃精 甘平益氣 安五藏 益脾胃

玉竹 甘補氣血 去風濕 甜酒蒸 燕窩 大養肺 添陰化痰 煮汁服

黃母雞甘平補虛溫中治久痢羊肉甘熱補虛益氣發瘡

白蜜甘平補中潤燥滑腸熟性以上補氣健脾

地黃熟平補肝腎養血甜酒蒸棗皮辛溫酸濇補腎固精添肝

首烏苦溫甘補肝腎調氣血赤沙蒺藜苦辛溫補腎瀉肺散肝

桑葚甘涼補肝腎甜酒蒸女貞子甘苦而平滋陰降火甜

楮實子甘寒助陽氣補虛勞明覆盆子甘酸微溫平補肝腎

巨勝子甘平補肝腎潤臟滑腸黑豆甘寒補腎解毒甜酒蒸或

血餘苦寒補陰消痰通關利便龜板甘平補陰甜酒塗炙研末

礞石辛鹹補腎火煨醋淬研末枸杞甘平滋肝益腎甜酒蒸

鬼絲甘辛補三陰酒煮研破從蓉甘酸醎溫補腎命滑腸竹

巴戟 甘辛微温 補腎祛風去心

石斛 甘酸除虛熱 瀆元氣益精

杜仲 甘温微辛 補腎壯腰膝 鹽

益智仁 辛熱補心 腎煖脾胃解

鹿茸 甘温大補 陽虛添精養血

當歸 甘苦辛温 補血潤燥滑腸

白芍 苦酸微寒 補血瀉肝斂肺

丹皮 辛苦微寒 生血瀉火去痰

阿膠 甘平潤燥 和血補陰

仙茅 辛熱補腎 命煖筋骨去皮

淫羊藿 辛香甘温 補腎命羊脂

故紙 酒辛苦温 補命火止瀉降氣

川桃 皮甘熱補腎 命三焦潤燥去

以上補腎滋陰

川芎 辛温和血 升陽解鬱散痰

丹參 苦平去痰 生新甜酒蒸

益母草 辛微苦寒 生血去痰蜜

以上補血和血

志肉 甘草水煮去心 若辛温通心 腎驚痰開鬱 棗仁 甘酸補肝 胆斂汗寧心 醒

柏子仁 辛甘補心脾滋肝腎炒 茯神 甘溫開心益智安魂養神

琥珀 甘平安神散瘀行水同柏子仁煮半日研末 硃砂 甘涼鎮心泄熱辟邪研細

紫石英 甘平鎮心養肝同上製 以上補心安神

菖蒲 辛苦而溫通竅入心甜酒 牙皂 辛醜通竅驅風火炮研末

冰片 辛溫香竅通諸竅散鬱火 樟腦 辛熱香竅除濕殺虫通關

麝香 辛溫香竅通竅開經 以上通關竅

浮麥 醜涼斂汗微炒 五味 性溫脩五味斂肺瀉精蜜

白菓 甘苦溫瀉斂肺去濁痰生 訶子 苦酸溫瀉斂肺瀉腸去核

五倍子 酸醜性瀉斂肺止盜汗 文蛤 醜斂肺甜酒蒸

烏梅 酸澁瀉腸斂肺去核微炒 粟殼 酸瀉微寒因腸斂肺去筋

臭椿 苦寒 瀉血 燥濕 蜜炒 或醋

石榴皮 酸 瀉而溫 瀉腸 止痢 治崩帶脫肛

蓮鬚 甘溫 而瀉 清心 通腎 止夢

金櫻子 酸 瀉固精 秘氣 治瀉痢 夢洩便數去刺核

石脂 甘酸 固大小腸 研末 水飛

龍骨 甘 瀉微寒 瀉精固腸 鎮驚 酒煮研末 水飛三次

牡蠣 鹹 瀉精補水 軟堅 益水 煮

地榆 黑 苦酸 沉瀉 止血 取上截炒

棕子 黑 苦 瀉止血 陳敗 棕尤良 炒

以上收瀉

麻黃 辛溫 發汗 入太陽 經

桂枝 辛甘 而溫 解肌 調營衛 入

羌活 辛 苦性溫 發表 祛風 勝濕

防風 辛甘 微溫 發表 祛風 除濕

藁本 辛溫 祛風 治頭痛 入太陽

白芷 辛溫 祛風 散濕 入陽明

升麻 甘辛 微苦 升陽 解毒 入陽

葛根 佳 辛甘 解肌 升陽 散火 粉者

柴胡 苦微寒 發表 和裡 退熱 升

細辛 辛溫 散風 寒濕 行水 氣通

獨活 辛苦搜風去濕入少陰 症要藥

蔥白 辛溫發汗解肌

紫蘇 辛香發表散寒梗順氣性少緩

秦艽 苦辛去風濕下行

辛夷 辛溫散上焦風熱去毛炒

薄荷 辛涼升浮散風熱

桔梗 苦辛瀉火散寒載藥上升米泔浸微炒

穀精草 辛溫明目退翳

蒙花 甘寒潤肝明目酒浸炒

刺蒺藜 苦辛明目疏肝瀉肺

生薑 辛發表散寒開痰止嘔煨和平皮和脾行水

淡豆豉 苦寒發汗解肌

浮萍 辛發汗祛風行水七月半採晒乾

前胡 辛甘苦寒解表下氣治風痰

蔓荊 辛苦微寒散上部風熱酒炒打碎

荊芥 辛苦芳香發表祛風炒黑理血

香菇 辛溫清暑利濕

白菊 甘苦祛風濕明目補肺腎

蕤仁 甘溫明目消風清熱打碎取仁蒸研

木賊 甘苦微溫發汗解肌散火

青箱子 苦寒明目瀉肝

青菜子 苦辛明目清火利水收

天麻 辛温祛風湿疏痰氣

勾藤 甘苦寒除風濕定驚

海桐皮 苦温而辛祛風濕

桑枝 甘辛祛風

石楠葉 辛苦去風堅腎

白附子 辛熱祛風濕治面百病

續斷 苦辛而温補肝腎理筋骨

防己 辛苦寒瀉下焦血分湿熱

决明子 甘苦鹹平明目清肝

甘石 鹹点眼要藥沙鑕貯黃泥

威靈仙 辛鹹祛風行氣

松節 苦温祛風燥湿搗碎酒浸

五加皮 辛苦而温祛風濕壯筋

桑寄生 苦甘堅腎助筋固齒長

陳艾 苦辛逐寒湿理氣血

牛膝 苦酸壯筋骨下行出西川

骨碎 補苦温堅骨行血治折傷

木瓜 酸濇舒筋斂肺陳者良

土茯苓 甘淡祛濕熱消腫毒

華薛 甘苦祛風濕補下焦

川烏 辛苦逐風

草烏 辛苦開頑痰攻毒二味大燉濕俱姜汁炒

虎骨 辛熱去風健骨甜酒炙研末

殭蠶 辛鹹祛風化痰

全蝎 辛甘祛風

蟬退 甘寒散風熱去翅足用

蛇退 甘醜去風毒皂莢水洗淨酒炙黃

以上祛風寒強筋骨

枳殼 苦酸泄氣行痰陳者良麩炒

陳皮 辛苦理氣調中燉濕消痰脾肺要藥

青皮 辛苦瀉肝破氣散積去穢醋炒

檳榔 苦辛而溫破氣下行消食殺虫忌火

腹皮 辛溫下氣行水酒洗

厚朴 苦辛下氣散積紫油者良姜汁炒

烏藥 辛溫順氣酒浸一宿炒

木香 辛溫行氣廣者良磨冲

沉香 辛溫調氣煖胃沉水者真磨冲忌火

茴香 辛溫理氣開胃

藿香 辛温去惡氣

香附 辛苦調氣解鬱隨方製用

吳茱萸 辛熱下氣開鬱燥脾殺

蘇子 辛香降氣化痰止咳喘炒

蘿蔔子 辛甘破氣化痰消食炒

山楂 酸甘鹹温消食破氣散痰

神麩 辛甘消食行氣化痰自製

麥芽 性更温消食行氣微炒谷芽

三稜 苦平破血中之氣

莪朮 打食行氣散瘀醋炒

巴豆 辛熱大泄火燥去殼炒布

以上行氣消食

紅花 辛苦行血潤燥少卷

桃仁 苦甘破血潤燥行血連皮

延胡 辛苦活血利氣打碎醋炒

鬱金 非苦散鬱消瘀痧症攻心

蘇木 甘鹹辛涼行血解表多破

王不留行 甘苦而平通行血脉

藕葉 苦平升陽散瘀

澤蘭 苦辛甘香行血消水產後

茜草 温酸而鹹 行血用根

薑黃 苦辛 破血行氣

茅根 甘寒 涼血消痰止嘔

馬鞭草 苦破血通經消脹殺虫

薑莖 辛温 散血消腫

乳香 苦辛 活血舒筋止痛

自然銅 辛活 血續筋骨火煨醋

靈脂 甘温 行血止痛 研末酒飛

蒼朮 甘温 辛烈 燥濕升陽 解鬱

猪苓 甘温 辛烈 燥濕升陽 解鬱

蒲黃 甘平 生滑 行血炒漚止血

側柏 苦澁 微寒 清血今温熱

苧根 甘寒 補陰破瘀

韭菜 辛温 微酸 散瘀逐痰 治吐

三七 甘苦 微温 破瘀定痛

沒藥 苦辛 散瘀定痛 二味俱錘

童便 鹹寒 降火清瘀

以上破血行血

茯苓 甘淡 利竅除濕 寧心益脾

澤瀉 甘淡 微鹹 利水瀉膀胱 濕

木通 甘淡行水瀉心小腸火 車前草 甘寒行水瀉熱涼血

前仁 甘寒利水清肝肺 燈草 甘淡利水降心火

瞿麥 苦寒利水逐膀胱邪熱為 茵陳 苦寒利濕熱治諸草

滑石 寒甘淡行水瀉火 大戟 苦寒瀉藏府水濕

甘遂 苦寒除經隧水濕麪包煨 丑牛 辛熱大瀉氣分濕熱下命

大黃 苦寒大瀉下有形積滯酒 芒硝 辛苦鹹寒大瀉潤脾軟堅

海藻 鹹潤下軟堅行水泄熱消 海帶 功同海藻

昆布 功同海藻而少滑治水腫 冬瓜 甘寒利二便消水腫止消

通草 淡利小便下乳汁 麻仁 甘平緩脾潤燥利便通乳

穿山甲 鹹寒善竄通絡治風 以上利水去濕下行

本草綱目卷之五十一 藥性

半夏 辛燥 浸七日洗淨 推片 薑汁炒 南星 辛祛痰 燥濕 竹刀切片 酒

常山 苦寒 祛痰 截瘧 行水 甘草 草蓰 辛除痰 截瘧 火炮去殼 用水蒸或酒炒

芥子 辛化痰 行氣 炒研 貝母 苦辛 微寒 潤肺 化痰 去心 糯米炒 黃研末

瓜蔓 甘寒 瀉火 潤肺 治熱 痰止 瓜蒂 苦寒 吐風 熱痰 涎

花粉 酸甘 微苦 寒生津 潤燥 消 芫花 苦溫 去水 飲痰 癖

藜蘆 辛寒 至苦 引吐 痰涎 天竺黃 甘寒 瀉熱 熱痰

竹瀝 甘寒 滑痰 潤燥 荆瀝 甘平 化痰 祛風

礪砂 甘酸 去痰 熱 青礪 酸 渣燥 濕化痰

白礪 酸寒 治同上 煨用 性溫 生 以上化痰

天冬 甘苦 大寒 潤肺 補腎 除痰 麥冬 甘苦 微寒 潤肺 清心 去心 去心酒蒸

百合 甘平潤肺止咳廣產佳土 百部 甘苦微溫潤肺殺虫酒蒸

杏仁 潤肺解肌甜者佳苦者發 紫苑 辛溫潤肺下氣蜜炒

款冬花 辛溫潤肺馮熱止咳甘 枇杷葉 苦平瀉肺降氣蜜炙

桑皮 甘辛而寒瀉肺行水蜜炙 白前 辛甘微寒瀉肺降氣化痰

白薇 苦鹹益陰清熱 玄參 苦鹹清無根火補陰蒸用

苦參 苦寒瀉火燥濕補陰 地骨皮 甘寒除虛熱涼血

黃芩 苦寒瀉火除濕入少陽胆 黃栢 苦寒瀉相火燥濕清熱酒

知母 辛苦寒滑瀉火補水潤燥 槐實 苦寒瀉風熱涼大腸花性

青蒿 苦寒瀉熱 膽草 苦寒清肝胆火下焦濕熱

梔子 苦寒瀉肝胆火內熱用仁 連翹 苦寒散結瀉火瘡科痧症

金匱要略

卷之五

黃連 苦寒 瀉火 燥濕 蜜炙

胡黃連 苦寒 瀉熱 治骨蒸 療驚

竹葉 辛淡 甘寒 清上 焦煩 熱竹

犀角 苦酸 鹹寒 清心 胃火 熱磨

羚羊角 苦 微寒 瀉心 肝火 磨

射干 苦寒 瀉火 解毒 散血 消痰

山豆根 苦寒 瀉熱 解毒 治咽 痛

石膏 甘辛 寒 清胃 火 解肌 消痰

青黛 鹹寒 清胃 火 平肝

大青 微苦 鹹寒 瀉心 胃熱 毒

人中黃 甘寒 解疫 熱 甘草 末 貯

以上潤燥瀉火

肉豆蔻 辛溫 理脾 煖胃 調中 澆

白蔻 辛溫 煖胃 行氣

丁香 辛溫 溫胃 煖腎

砂仁 辛溫 溫中 進食 行氣 土炒

胡椒 辛熱 快膈 消痰

川椒 辛熱 散寒 燥濕 補火 安蛇

均薑 辛溫 逐寒 發表 通脉 炮則

良薑 辛熱 溫胃 散寒 土炒

肉桂 辛熱 補命門 平肝 通血 引桂心 乃苦辛大燥 補陽 活血 散寒

官桂 辛調 冷氣 散寒 附子 辛熱 大燥 回陽 補火 逐寒

硫黃 酸大熱 補陽 殺虫 番舶 佳 以上溫胃 燥火

貫眾 苦寒 瀉熱 解毒 夏枯草 辛苦 微寒 解毒 散結 消瘰

金銀花 甘寒 除熱 解毒 芙蓉花 辛平 涼血 解毒 消腫

蒲公英 甘瀉 熱解 毒消 腫核 絲瓜 甘平 涼血 解毒

綠豆 甘寒 解毒 清熱 連殼 用 山慈菘 甘平 瀉熱 解毒

草麻子 辛甘 拔毒 牛旁子 辛瀉 熱解 毒

漏蘆 酸苦 瀉熱 解毒 殺虫 扁竹 苦平 殺虫 疥虻 咬腹 痛虫

榧子 甘瀉 潤肺 殺虫 去殼 用 苦棟子 苦寒 瀉濕 熱治 疝殺 虫

史君子甘温健脾殺虫消積煨雷丸苦寒消積殺虫甘草水泡

鶴虱苦辛殺五藏虫治蛇嚙腹露蜂房甘辛殺虫止風虫牙痛

水銀辛寒外用殺虫雄黃辛温去毒殺虫明亮者佳

黃丹辛殺虫拔毒水飛去焰硝以上鮮毒殺虫

凡藥酸屬木入肝苦屬火入心甘屬土入脾辛屬金入肺

屬水入腎此五味之義也

凡藥青屬木入肝赤屬火入心黃屬土入脾白屬金入肺黑

屬水入腎此五色之義也

凡藥酸者能瀆能收苦者能瀉能燥能堅甘者能補能和能
緩辛者能散能潤能橫行鹹者能下能軟堅淡者能利竅能

滲泄。此五味之用也。

凡薑製溫散。酒製升提。入鹽走腎而軟堅。用醋注肝而收斂。童便製烈性而降下。米泔去燥性而和中。蜜甘緩益元。乳潤枯生血。泥包土炒。藉土氣以補中。州麩製麪煨。抑酷性勿傷上膈。甘草黑豆湯漬。并解毒致令平和。羊酥猪脂塗燒。咸滲骨。容易脆斷。去穰者免脹。去心者除煩。此製治所宜。隨其取用。

凡藥須俟製焙畢。然後稱用。戥分方足。不得生稱濕潤藥。

一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、


一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、

銅人十二經絡明堂之圖

陰圓陽圓分別各經

手足太陽用四方陽圓。手足太陰用四方陰圓。手足少陽用三尖陽圓。手足少陰用三尖陰圓。手足陽明用圓大陽圓。手足厥陰用圓大陰圓。督脉用圓小陽圓。任脉用圓小陰圓。



頭

頭

瞳子膠

瞳子膠

耳

耳

喉

膻中

大乳

中乳

小乳

臍

會陰

手衛

中衛

足衛

中衛

泉湧

大敦


隱白

中衛

大敦

銅人正面圖經絡

足陽明胃經絡起於頭維穴。終於厲兌穴。
 足少陽膽經絡起於瞳子膠。終於竅陰穴。
 手太陰肺經絡起於中府穴。終於少商穴。
 手少陰心經絡起於極泉穴。終於少衝穴。
 手厥陰心包經起於天池穴。終於中衝穴。
 足太陰脾經絡起於隱白穴。終於大包穴。
 足少陰腎經絡起於湧泉穴。終於脗府穴。
 足厥陰肝經絡起於大敦穴。終於期門穴。



會百後

泉極

泉極

長強

高陽

少澤

關衝

少澤

高陽

關衝

陰至

陰至


銅人背面圖經絡

手太陽小腸經絡起少澤穴終於聽官穴。
手陽明大腸經絡起商陽穴終於迎香穴。
手少陽三焦經絡起關衝穴終於耳門穴。
足太陽膀胱經絡起睛明穴終於至陰穴。
督脈起於下極並脊上風府入腦至鼻柱。
任脈起於中極之下循腹上關元至咽喉。
手之三陽從手走頭。手之三陰從胸走手。
足之三陽從頭走足。足之三陰從足走腹。

幼幼集成全身燈火禹鑄十三燈火合圖

全身燈火正反面

用△十三燈火用○作記凡小兒風急驚一切外感實邪
 俱效小兒心齋初起眉心鼻準忽黃吮乳口鬆多啼是其候也速
 旁額角共十二
 壯頂心承漿左
 右肩窩手彎外
 邊虎口后近又
 骨處共八壯左
 右十指第二節
 外邊及掌后高
 骨共四壯左右
 乳根從上至下
 各七壯肚臍下
 平起三壯背脊自頸骨第二節起共九壯左右后兩腋各一壯
 兩腿彎換外邊各一壯脚肚盡處各一壯左右脚外踝平起前
 後各一壯脚頸足心共四壯總六壯如未諸練即灸顧
 門印堂人中承漿手少商各一壯繞臍六壯帶未落帶上一壯
 帶落臍上一壯共十三燈火亦驗



頤門
 人中
 承漿
 少商
 臍輪

賽金丹仙方下編

風寒

風寒傷人。四時俱有。冬月為正。傷寒辛苦勞倦。及腎虛飢餓者。中之最深。春夏秋感傷。時令不同。中有一概。施治傷寒。大有強弱。當相時相。地相。人不可。一法與仙方而參酌之。六經見症。當用何方。俱。古法減學古而不泥於古。至於兼病。須於各門。求治此畧集定法。欲求精詳。再讀傷寒集註等書。

太陽經證方

加味香蘇散 按仲景桂枝麻黃二湯。雖為太陽經。傷風寒之

的劑。但有汗禁麻黃。無汗禁桂枝。且稟弱體虛者。俱禁用。普

明子用此方代之。不論冬月正傷寒。及三時感冒。但見發熱。

頭疼身痛。項脊腰強。脉浮無力。有汗惡風。為風傷衛。脉浮有

力無汗惡寒為寒傷營俱屬太陽表證服一二劑有效

香附錢半 蘇葉 防風錢各二 川芎一錢 秦艽

荆芥 蔓荆錢各二 陳皮錢半 炙草七分

生薑引水煎熱服取微汗如自汗惡風加桂枝白芍若在

春夏之交惟恐夾雜溫暑之邪不使用桂枝加白朮時行

寒疫加蒼朮挾暑氣加黃芩知母頭腦痛甚者加羌活

蔥白鼻衄或吐血本方去老薑加生地赤芍丹參丹皮

咽喉腫痛加薄荷桔梗牛蒡子喉中如有物不能吞吐者

加蘇梗桔梗發熱乾嘔而咳為裏有水氣加半夏茯苓

咳嗽加杏仁前胡桔梗停食胸膈痞悶加山查麥芽蘿蔔

子。便秘加枳殼、蘿蔔子。

濟時真人輔正祛邪湯 治氣血兩虛。發表不能作汗。宜此雲

騰致雨之劑。

洋參 三錢 熟地 二兩 當歸 一兩 柴首 三錢

薑棗引。如陽虛陰寒。表症悉具。但脉細無力。四肢厥冷。口

腹喜熱。本方加肉桂、焦朮、炙草、麻黃、煨薑引。即景岳大溫中

飲。真寒假熱。脉無神者。總宜此回陽作汗。如汗後起火。用一

柴胡飲以清解之。素稟陰虛內熱。加骨皮、白芍、甘草、沙參

代洋參。腎虛腰疼。加枸杞、杜仲、牛膝。

太陽腑證方

五苓散 治邪由太陽經傳入膀胱。口渴。小便澇赤不利。

茯苓 三錢 猪苓

澤瀉 錢各一 焦朮 錢半 桂枝 一錢 雜症用肉桂

水煎服。以利為度。如但小水不利為蓄熱。去桂加滑石。少

腹滿為蓄尿。桂當倍用。少腹硬滿。小便自利者為蓄血。用

後調胃承氣湯加桃仁。尿不得出。臃脹異常。氣閉者。單用

肉桂加白蔻砂仁半夏桔梗生薑開破中焦而下焦自運。

按風傷衛入本腑者。用此方。寒傷營入本腑者。即前香蘇散。

加茯苓澤瀉。應手而效。病若在經。不可妄用滲利。引邪入

腑。本方去桂。名四苓散。有火者宜之。

紫萸解肌湯 治冬傷於寒。至春夏因勞倦外感。發為溫熱之

症發熱頭痛與正傷寒同。但不惡寒而口渴與正傷寒異耳。

柴首

粉葛

生地

赤芍

丹皮錢二

枯苓

知母

貝母錢各一甘草五分

如外感重者。加羌活防風荆芥之屬。真陽素虛無內熱者。

去黃芩知母。謔語加石膏。心煩加淡竹葉。

觀音大士普濟丸。治太陽兼陽明諸證。能發表解肌。化痰利

水退熱不寒不熱。可以通用。故名普濟。以便施送。

麻黃

姜汁炒

桂枝

各三兩

羌活

五兩

防風

白芷

川芎

各三兩

升麻

五兩

紫蘇

葛根

生地

白芍

連翹

各三兩

藿香

五兩

陳皮

半夏

茯苓

甘草各三兩

右共爲末煉蜜丸每丸一錢五分重。

如感風寒生薑火蔥

紫蘇引。

時行瘟疫發熱無汗癍疹頭痛生薑火蔥引。

山

嵐瘴氣偶感一切不正薑棗引。

瘧疾熱多頭痛生薑引。

大熱受暑感冒香薷引。

內熱有火黃芩引。

陽虛不能作

汗生黃芪煨薑紅棗引。

脾虛作瀉焦朮砂仁黑薑引。

每

服二丸隨引送下其效如神重者再服如服二次變證傳經

詳檢後方施治。

陽明經證方

葛根湯

治陽明經病身熱不眠目痛鼻乾唇燥脉洪長此陽

明本經證。其經去太陽不遠。亦有發熱頭痛。宜用葛根湯解。肌不可悞認爲腑證。而用清涼攻下之法。

粉葛二錢

白芷

升麻

蘇葉

秦艽

荆芥

白芍

甘草

錢一

生薑引。如無汗而口渴者。加知母。自汗而口渴者。加石膏。泡參。凡陽明證。口渴之甚。即爲入腑。故加入清涼之藥。若自汗。口不渴者。乃陽明經中風。去蘇葉。加桂枝。若春夏之交。惟恐有溫暑之邪。不用桂枝。加白朮。如無太陽證。去紫蘇。荊。

陽明腑證方

白虎湯 治邪由陽明經傳入胃腑。潮熱自汗。譫語燥渴。或胃熱發癍。但腹中未堅硬。大便未閉結。此陽明散漫之熱。邪未結聚。故用本方辛涼和解之劑。

石膏五錢 知母三錢

粳米一撮引。如熱甚者。二味倍加。自汗多者。加洋參。名人參。白虎湯。按此方必潮熱自汗燥渴。脉洪。有此八字。方可與之。若表證仍在。而不煩渴者。切不可用也。又太陽證發熱而渴。小便不利者。為膀胱腑證。亦不可用。又真寒假熱。必須溫補。尤不可用。又血虛發熱。宜用當歸補血。若誤投石膏。知母。則危殆立至。

調胃承氣湯 治陽明腑證潮熱譫語便閉繞臍硬痛爲有燥
矢。此結聚之邪宜下之。

大黃三錢 芒硝二錢 甘草五分

本方去甘草加枳實厚樸名大承氣湯 按厚樸去滿枳實
消痞芒硝潤燥大黃瀉實四證兼全方可用大承氣若痞滿
而未燥實者宜用小承氣不用芒硝恐傷下焦陰血也燥實
而未痞滿者即用本方不用枳實恐傷上焦陽氣也承氣湯
有八禁用者審之。

少陽經證方

小柴胡湯 治少陽經病寒熱往來盜汗頭汗目眩耳聾口苦

舌滑咽乾。嘔吐胸滿。脇痛。脉弦數。但見一二證。即是不必悉具。此經乃半表半裏。禁汗吐下法。宜和解。

柴胡三錢。赤芍二錢。洋參一錢。半夏錢半。甘草一錢。

生薑大棗引。如口不渴。外有微熱。是表邪未解。加桂枝。

由本經傳入膽腑。口苦。加黃芩。無者不可妄加。以伐裏氣。蓋裏氣虛。則不能禦表也。膽腑無出路。故亦宜和解。肺寒

氣逆而咳者。去參。棗加乾薑。前胡。陳皮。以散寒降氣。口乾

口渴。去半夏。加天花粉。倍用洋參。以生津。胸中煩而不嘔。

是熱氣結聚。去半夏。洋參亦加。花粉瀉熱。心下悸。小便不

利。加茯苓以滲瀉。脇下痞硬。去大棗。加牡礪以軟堅。

翠湖真人清涼飲 治少陽兼陽明證。發熱口渴。微有火。

生地五錢 白芍三錢 粉葛 石斛各一錢 柴胡

黃芩各二錢 甘草一錢

如兼陽明腑證。熱渴甚者。加石膏知母。熱邪在胸。而痞滿

者。去生地。加枳實。

太陰經證方

大柴胡湯 治少陽傳入太陰。寒化爲熱。口燥。嗌乾。腹滿。脉沉

實大。

柴胡 錢半 白芍 黃芩 各二錢 半夏七分 枳實 一錢

大黃 二錢

如兼寒熱往來加薑棗。大便自利去大黃加黃連。

加味理中湯。治寒邪直中太陰。腹滿而吐。食不下。腹痛自利。

手足溫。脉沉細。或太陽證。誤下內陷。俱宜用此。

洋參 五錢 焦朮 三錢 炙草 二錢 黑薑 三錢 西砂 炒

半夏 錢各一

如身重嗜卧。厥逆。身目黃為陰黃。加附子、雲苓、茵陳。身目

黃。小便不利者。為陽黃。用五苓散加茵陳。吐甚加生薑。吐

蚘去。炙草加烏梅、川椒。渴欲飲水。倍加參朮。心下悸。加

雲苓。當臍有動氣。去焦朮加肉桂。下利甚。倍白朮。

少陰經證方

黃連解熱湯 治邪傳少陰。真陽素旺。肌膚燥。神氣衰減。舌燥。口渴。心煩不眠。小便短。脉沉實。

黃連 黃芩 白芍 阿膠 雞子黃
錢各二 三錢 枝二

以連芩芍三味煮出渣入阿膠熬化少冷入雞子黃攪溫服。日三次。如咽痛加蘇荷桔梗甘草大力。

附子溫經湯 治少陰證。真陽素虛。身重惡寒。四肢厥冷。目瞑。踈卧。少氣懶言。腹痛作瀉。脉沉細。

附子 黑姜 黃芪 焦朮 砂仁
錢各三

半夏 故紙 益智
錢各二

四逆湯 治陰邪直中少陰。手足厥冷。下利清穀。多寐。脉沉細。

附子 黑薑各五錢 炙草二錢

如面赤加蔥白二莖 嘔加生薑 咽痛加桔梗 腹痛加

酒芍 小便不利身重疼痛或咳此為有水氣去乾薑加焦

朮茯苓

厥陰經證方

石膏潤喉湯 治邪傳厥陰火旺上攻而為喉痺或四肢熱厥

舌卷消渴心中疼熱陰囊縮脉沉實

石膏 天冬各三錢 雞子白一枚 玉竹五錢

如熱甚加黃連知母阿膠

黃連逐膿湯 治前證下攻而便膿血

黃連

生地

阿膠各三錢雞子黃一枚

附子異味湯

治厥陰證寒甚陰厥嘔吐酸苦小腹瀉下利清

穀脉沉遲

即前附子温經湯去故紙益智加川椒吳萸

如陰陽錯雜腹痛心煩飲冷飲而即吐煩渴轉增腹痛加劇

另用黃連浸汁冲服名陰陽合救湯

白通加猪膽汁湯 治直中厥陰陰盛格陽熱藥相拒不得入

故加寒味以立從治之法與前陰陽合救同意

附子五錢 乾薑一錢 葱白三根 童便半杯 猪膽五茶匙

先將上三味濃煎冲下二味服 如氣虛加洋參

六味回陽飲 治一切虛人陰寒。或誤服寒涼攻下。陰陽將脫。

等症及痘科危症。

元熟一兩 當歸四錢 洋參五錢 炙草一錢 黑薑

附子各三錢

如虛陽上浮。加雲苓。汗多加蜜芪。肝經鬱滯。加肉桂。

有表證及頭痛。腹痛。俱可加北辛。虛寒呃逆。加丁香。泄

瀉。去當歸。加焦朮。烏梅。

凡病總不外六經。一經見證。即治一經。經腑兼見。即當表裏

兩解。若太陽與陽明同見。即用香蘇飲。加葛根。兼少陽。加柴

胡。兼口渴。而小便利。即以三陽表藥。加入五苓散之中。兼

目眩口苦咽乾加黃芩兼心煩口渴飲冷合用白虎湯若三陽表証與三陰裏寒同見謂之兩感即當用解表於溫經之內若裏重於表者但當溫裏不可解表所謂溫中則寒自散補正則邪自除無論傳經合病併病兩感直中治法總不外此。

神授祛風除濕湯 治氣血虛損賊風深襲久成痺痛不仁癱瘓等症

黃芪

四錢 焦朮 五錢

山藥 四錢

炙草 一錢 枸杞 三錢

兔絲

四錢 巴戟

杜仲 各三錢

生地 一兩 當歸 六錢

川芎

三錢 生棗仁

茯神 各四錢

桂枝 二錢 白芷

天麻 威靈仙 海桐皮 南藤 千年健

牛膝 木瓜 骨碎補 枳殼 木香

三稜 三七 沒藥 木通 丑牛

半夏 花粉 瓜蒌 丁香 乾薑

肉桂 附子各二錢

右藥共三十八味。若浸酒。戩分量加。照人氣體增減可也。

觀音救苦膏

生地 一兩 當歸 一兩 麻黃 細辛 羌活

獨活 防風 白芷 杏仁 川烏各七錢

草烏 一兩 巴山虎藤此藥重慶街買 生薑 火蔥各四兩

全蝎

蛇蛻

牙皂

枳實

厚樸

檳榔

香附錢七

三稜

莪朮各一兩

巴豆仁

桃仁

大戟

芫花錢七

甘遂

大黃各二兩

花粉

五倍子

元參錢七

黃連五錢

黃柏

肉桂

各七錢桂去粗皮研末另包俟膏熬成起鍋時洒入

胡椒

花椒

海椒

各二兩

草麻子

一兩木鼈一兩

大蒜十個山甲七錢

蜈蚣十條

右藥共四十四味。

係降乩加過與古方不同各剉碎入真麻

油七觔。天平秤春秋泡五日冬泡七日夏日不可熬外研

陀參四兩。絹篩篩過黃丹貳觔十兩各另包後入每油一觔。

下丹五兩六錢。熬法。先擇吉日。預期齋戒。設大士香位。默祝弟子。謹得神授良方。立願施送。現色檢藥。泡就擇期。某日熬煉。竊恐弟子藥有未真。火不識候。懇求大士慈悲。施靈丹於膏內。驗火候之恰好。令此膏濟人。藥到病除。區區微誠。立求感通。此意每早晚及熬膏時。俱要祝告。熬時再請藥玉門下採藥童子。火祖門下掌火郎君。并請當方土地龍神護佑。熬膏清吉。此膏隨熬幾單。量油多寡。鍋宜濶大。擇淨地為竈。不許婦人雞犬及不潔之人往來。其竈不宜太大。視鍋內油痕所至為準。初時油與藥共貯。鍋中大火熬開。後即宜用文火。緩緩熬取藥汁。以新鮮小桑條。緩緩攪之。至山

甲成珠而色黑。鍋內起青烟。此時汁已盡出。務須急攪。恐藥渣起火。隨將鍋抬放空處。另安好鍋一口。上擱小筲箕。鋪棕三片。用鐵瓢將藥昏在箕內。濾渣。俟油滴乾。用壞鍋一口。底敲一眼。蓋以小瓦片。用石於露天。埧擱起。下用空碗。正對鍋底。小眼接油。後將藥渣移放鍋內。用火從上燒之。其油汁自隨鍋眼滴下。碗中。仍將此油傾入大總油內。將大鍋拭淨。貯熱油。其中大火熬極熱。方下陀參末。後以文武火煉之。泡子如多。噴冷水數口。其泡自散。煉至陀參起黑泡。方可下黃丹。初將熱油下大鍋時。即着二人。另用好鍋。將黃丹儘炒。越炒越紅。炒黑亦不妨。俟陀參煉好。即鏟起。聽用。下丹時。須將鍋

拾至露天。壘空處。攔穩。令一人持大桑枝。不住手儘攪。又令一人持鏟。撒丹。頃刻撒盡。泡子一發。即用清水噴之。俟丹完。泡定。復移鍋竈上。煉其老嫩。下丹後。要大桑條。大圈攪三轉。又在鍋底小圈攪兩轉。週而復始。不使丹沉底。結餅。倘若停手。結餅必須傾出。將餅鏟脫。不然。恐放炮為禍。膏藥太老。則不粘。太嫩。則必走。宜分四時。取其合式。法在煉以文武火。如泡漲。仍噴冷水。另用小桑枝撥開浮泡。挑底下者。滴入清水。碗內試之。總以滴水成珠。直沉到底。顏色純黑。不帶黃色為度。此時仍宜煉。以文火。隨用指取水底之膏。拈攏數珠。團成一丸。捏去覺微硬。頂指隨手搓開。成片細滑。如緞子。復捏攏。

又能成丸。如此兩三次俱不糊指。却又有此。微結肉。此時火候到矣。即將鍋抬開。畧攪一陣。入肉桂末。再攪冷。傾入砂鍋內。入井。退火半月。如初熬。掣不的火候。用筭於大士香位前。稟之。取渣亦可。稟余學煉時。用此有準。貼法。先用煨薑搽患處。後拭乾。始貼。二三日後。覺癢難忍。將膏揭開。內必拔出水氣。或起紅米。是藥色見效。膏上用紙展乾。肉上用帕揩乾。復用火烘化。貼上。其癢即止。內常服甘草湯。各善提水。應之於內。易效。此膏凡風濕疼痛。頭風。貼患處。傷寒。瘟疫。貼臍上。服甘草酒。發汗。遺精。白帶。小兒疳疾。貼臍上。瘡毒。疔子。初起可散爛。瘡可以拔膿。生肌。臛瘡。攤絹貼。外用竹葉蓋布。

包每日洗換。瘧疾喉痛九種氣痛痞積大小便不通婦人難產俱作丸酒吞丸如綠豆大每服七粒體弱者只可三粒吞後宜吃油暈庶不嘈人膏內有大戟羌活芫遂皆與甘草相反外貼則必內服甘草若內服則甘草又爲大忌慎之能熬送者大有陰功。

附簡易方

傷寒初起發熱惡寒晝夜不眠頭身疼項脊強三日內宜發表生薑五大片火葱二十根同搗白米一撮煮粥二碗老醋半杯熱服汗出即瘳胸滿者忌服又蘇葉一味煎湯熱服二碗蓋被出汗又黑豆一合炒焦以酒淬熱飲蓋被出汗

又芝麻二兩炒研。酒引取汗。又皂角一枚燒赤為末。水調服。陰症更妙。又杏仁三十一粒。胡椒三十一粒。共為末。薑汁和丸。貼手心一時。自然汗出。虛人可用。又水調芥子末。填臍內。用熱物隔衣熨之。兼治瘟疫初起。傷寒胸膈不寬。一切積聚。及中氣虛弱。不堪攻擊。不能作汗等症。生薑。生蔥。白。生蘿蔔。此味加倍。如無以子代。共搗炒熟。分二包輪換熨之。或單用大蒜搗熱熨亦可。

吐法 凡邪實上焦。或痰或食。或氣逆不通。欲吐不能者。蘿蔔子搗碎。以溫湯和攪。取淡湯徐徐飲。少頃即當吐出。即有不盡。亦從下行。又食鹽少許。於熱鍋中炒紅色。乃以水入。試

其滋味稍淡乃可飲之。每用半碗。漸次增飲。自然發汗。以病去爲度。

傷寒實熱秘結一切陽邪積滯凡氣積食積蟲積血積等症。

川大黃錦紋者一觔。牙皂角炒黃一兩六錢。共爲末。湯浸蒸餅爲丸。綠豆大。每用五分。或一二錢。酌用開水吞服。

表症兼內熱發狂無汗。大梨一個。生薑一兩。共搗取汁。入童便一碗。重湯煮熱服。大汗出愈。

傷寒譫語發狂火症。蚯蚓糞涼水調服。甚者搗蚯蚓沖服。

又芒硝三錢。雞子清。白糖涼水下。

諸風。紅浮萍七月半。採置篩中。下威以水。曬乾蜜丸。每服三

錢大能發汗祛風。

中風不省人事。柏葉、葱白共搗如泥。好酒煎服。

中風痰厥氣絕心溫。菳水一盃溫而灌之。

半身不遂。芝麻、桑葉共為末。沖酒服。

風癱。油核桃搗如泥。黃蜡三錢。滾黃酒沖服。發汗。每隔三日

服四錢。又五月採肥猪苗晒乾為末。煉蜜丸。久服。又地

下挖一坑。用地瓜藤燒極熱。以小便淋之。乘熱卧坑中。上覆

以被。令出汗。

大麻風。蝦蟆一隻。泥裹燒熟。去泥。乘熱搗盪。沖黃酒一小碗。

蓋定燉一刻。只服酒取汗。日服一次。三日即愈。外以浮萍煎

湯頻浴更妙

女人六十四種風

紅花浸火酒早晚服出金匱

天竺前衛

避賊風

每月建對衝之風謹當遠避或以紅囊貯椒佩胸前

瘟疫

瘟疫乃天地運氣所化天符司之以罰惡然平
人亦有被其觸染者總由正氣虛耳其邪由口
鼻入伏於膜原初起惡寒繼但發熱頭疼舌有
白胎脉數切忌溫補助熱寒涼凝滯宜從汗解
入胃則滿悶煩渴舌黃胎脉洪不食或便閉等
症即宜大下虛人胎微亦宜兼補吳又可論疫
之有十傳病變極多與傷寒畧同而實異宜細
察

惠濟真人神效丹

治瘟疫及有餘雜症

貫衆一觔 蒼朮

扁豆

紫蘇

蘇荷各四兩

陳皮 二兩
藿香 三兩
降香 四兩
檀香 三兩
香附

查肉 各四兩
寸冬 二兩
連翹 四兩

右共為末。用老薑二觔。搗汁拌藥。再同貫眾膏搗勻。煉蜜為丸。每重三錢。外以硃砂二兩飛淨。明雄二兩為衣。大人每服一丸。小兒半丸。孕婦忌服。如時行瘟疫。發熱頭痛。薑蔥引取汗。四時感冒。中寒中暑。薑湯下。傷風咳嗽。氣逆痰喘。蘇子湯下。山嵐瘴氣。不服水土。檳榔草菓湯下。寒熱瘧疾。柴胡陳皮湯下。鬼附昏迷。東向桃枝湯下。急慢驚風。勾藤湯下。霍亂吐瀉。木瓜湯下。心腹疼痛。胸膈飽脹。檳榔山查湯下。赤痢。當歸湯下。白痢。淡薑湯下。

冷真人逐疫丹 治疫初起。惡寒發熱。頭身疼痛。胸滿等症。

蒼朮一觔 薑製 草菓 檳榔各八兩 厚樸薑汁炒 枳殼麩炒

陳皮各一觔 桂枝四兩 芳野 獨活 川芎各二兩 柴胡

甘草各一觔

右依炮製。共為末。虔誠向東九拜。收貯。施藥時。看人氣體。每

服三五錢。薑葱引。如三四日內熱者。加黃芩、黃柏、天花粉。

引。舌胎帶老黃色者。大黃引。五六日頭身猶疼。不得汗。

者。去桂枝。用黃芩、花粉、大黃引。口渴。粉葛引。惡心。藿香。

升麻引。

達原飲 治瘟疫初起。伏邪未潰。人事慳慳。先憎寒而後發熱。

體倦神疲。語言不爽。飲食無味。胸脇苦滿。其脉不浮不沉。而
數。或頭身痛。此熱邪浮越於經。不可認爲傷寒。輒用麻桂。宜
此方達之使潰。

檳榔 二錢

厚樸 一錢

草葉 五分

黃芩 研

知母 各一錢

甘草 五分

水煎。午後服。經也。加羌活。

如頭痛身熱。項脊強。腰背痛。此邪溢於太陽。目痛鼻乾不眠。此邪溢於陽明經也。加葛根。

寒熱耳聾。嘔而口苦。脇痛。此邪溢於少陽經也。加柴胡。

服此湯後。不從汗解。而從內陷。舌根先黃。漸至中央。邪漸入胃。依本方加三陽表藥。再加大黃。薑棗。各三消。飲外消。內消。

不內外消。故曰三消。本方藥味戔分。隨症加減。不必泥。

紫泉仙解疫湯

治疫稍輕而體稍虛。或由傳染者。服一二劑。

蒼朮 三錢

石菖蒲 二錢

檳榔 三錢

木香

陳皮

藁本

全歸

茯神 各二錢

甘草 一錢

生薑 引

如兼外感身麻。加麻黃。汗多加蜜芪。陰虛內

熱。加生地。白芍。黃芩。不寐。加益智。棗仁。生熟各半。頭痛

加柴胡。嘔吐。加藿香。砂仁。手足軟弱。加杜仲。桂枝。

白虎湯

治邪包離膜原。通身發熱。大渴。大汗。脉長洪。而數。宜

此辛涼。以解散漫之熱。

方見風寒門。宜加甘草。

大承氣湯 治五六日後頭身不痛而熱未除舌胎帶黑黃色
急宜大下熱退則止

大黃

芒硝

捲樸

枳殼

二觔

右共為末每服二三錢生薑引作嘔畏藥者蜜丸吞

如熱

邪傳裏但上焦痞滿者去芒硝名小承氣湯無痞滿惟宿
結而有痰熱者去枳樸加甘草名調胃承氣湯大下恐傷
陰血俱加生地白芍為引

冷真人招安散 治大下後正氣不升火邪未盡

生地

三觔須另搗開
水泡取汁用

沙參

一觔

黃芩

一觔

黃柏

四兩

知母

花粉

各一觔

柴胡

二觔

右共爲末。每服二三錢。淡竹葉引。冲生地汁服。

以上數方。爲施選者設。故藥味重加。再能將藥引另辦。問明

情形嗜好。加入末內。更爲方便。若欲作煎劑。須照戩分減之。

病愈宜少食淡粥。靜養。倘愈而復發。仍依前方服。若下後

元氣大虛。宜附子人參。以回其陽。不可偏用寒涼。

普濟消毒飲。治大頭瘟。及撐耳黃。咽喉不利。口渴舌燥等症。

升麻七分 柴胡

薄荷

桔梗

僵蠶

陳皮各一錢 元參

黃芩

黃連各五錢

連翹

藍根無青代 牛蒡子

馬勃

甘草各二錢

右共爲末。湯調時時服之。

治撐耳。重用柴胡。加丹皮。

呂祖延生酒

蘭花朵一百 蒼朮四兩 白芷 蘇葉各二兩 藿香

乳香各四兩

右泡酒十觔。露三夜。逢立春服之。可辟一年瘟疫。入病家。慮其傳染。服之亦效。

紫泉仙辟瘟丹

春蘭三朵 蒼朮 陳皮錢一

疫盛行時。每日侵晨。泡開水服。

紫泉仙祛邪囊

菖蒲節九 硃砂 雄黃

右藥不拘多少布包佩之嗅鼻。

附簡易方

天行時氣初覺頭疼口渴內熱脉洪者 粉葛四兩。豆豉一斗。
煎好。另入生薑汁。温服取汗。

大熱大渴目紅便赤脉數 石膏一兩。嫩竹葉一百張煎水服。

或生藕梨汁。冲白蜜亦妙。

發黃 麻油半盃。雞子清一枚。和水服。 又女人假髮燒研。滾

水下。

發斑 白礬滑石。共爲末。水煎服。 又青黛調水服。 又雞子

清猪膽汁醋。同煎服。取汗。

發狂 雞子清白蜜芒硝三錢。爲末。涼水調服。又苦參爲末。

薄荷湯下。

浮腫

生甘草黑豆炒煎服。

頭面腫

生甘草一兩。銀花二兩。煎服。少加黃酒亦可。

兩腮腫發頤

生甘草青黛銀花瓜蔓水酒煎服。

陰腫

黃柏羊屎煮水洗。

咽腫

射干猪脂各一兩。合煎取汁。噙化。

噦水

枇杷葉去毛炙香。茅根各五錢。煎服。

呃逆

枳殼五錢。廣香一錢。共爲末。滾水調服。一錢。

又黃蠟

燒烟薰一二次即止。

結胸 牽牛子一錢為末。白醴開水下。又苦參為末。醋煎服。

取吐。

腹脹 桔梗陳皮半夏生薑煎服。

病後餘毒手足腫痛欲斷 淡豆豉微炒前服。又黃柏數兩。

煮水漬之。或羊屎猪蹄煮水漬。

食復勞復 蕪葉煎服。蘆根生薑豆豉亦妙。

陰陽易病頭痛手足拳小腹痛腎縮不救即死 生薑二兩。大

葱七枚。酒煎服。外仍以葱炒熱熨氣海。勿令冷。又手足甲

二十片。中衣襠一片。男用女。女用男。共燒存性為末。溫酒服。

辟瘟方 貫眾白礬各置水缸中。或燃蒼朮大黃亦妙。如有染者。

急取病人衣服於甑上蒸過。床脚各灸三艾火。勿令人知。則一家不染。又大黃馬骨裝紅布袋內佩之。男左女右。又每月建平日以火麻子十四粒投井中。又五月初七日以新布囊貯赤小豆入井中。三日取出。男吞七粒。女吞十四粒。竟年不病。又五月陶井井邊宜植吳茱萸。又六月六日採馬齒莧曬乾於元旦煮熟。鹽醋醃食。一年免疫。

採病法 先以清油搽鼻。或塞雄黃。察位而入。勿與病人對坐。坐勿倚壁。去勿叫謝。如嗅穢氣出而吐之。每逢壬寅甲寅己卯乙卯庚午壬午忌採病。又食燒酒大蒜可辟瘟。

不染奇術

九天高明大使神功妙濟真君驅瘟遣瘟消災真符 黃紙硃書左手五雷訣右手舉筆咒曰洞天赤文丹靈耀虛驅瘟攝毒奉命天書金錄玉簡蒐鬼悉驅太上有勅元君安居急急如太虛紫清律令勅貼堂門上俱可



抱樸子赤靈符 隔年五日硃書此符着心前能去瘟疫百病

正月元旦佩之



關帝辟瘟令

黃紙硃書籊籊籊此三字貼大門上。

辟瘟令咒

如前硃書唵嘛呢吽烘及畔吡此六字佩身上或

不時誦此咒可避邪疫

元皇誥

威音上聖無極至真歷九十七化而飛身降百千萬

壇而演法大洞仙經千聖不傳之秘典大洞寶錄萬邪歸正

之靈童法雨沾來慈雲四起神符到處疫氣全消大悲大願

大聖大慈九天金闕元皇上帝無量度人驅瘟解厄天尊稱

呂祖降筆原委 巴邑居士王汝汾因母患病服藥不效乃齋

戒求此示云爾母平素信善爾誠信可許授爾元皇誥可朝

夕虔誦神靈護佑王生遵訓合家虔誦不懈請醫調治不日

而愈。後教人處誦亦極靈異。因捐資附刻。庶為傳布。

瘧疾

此病因風寒客於半表半裏。陰陽相搏。而疾作。故為寒熱頭痛等症。治宜和解。消化痰食。頭痛者兼解表邪。寒多宜溫熱。多宜涼。久宜補中氣。不可妄服草藥。損傷脾胃。

祛瘧湯

治瘧初起。除濕消痰。理氣解表。有疏導開竅之功。輕者一二劑即愈。

者一二劑即愈。

蒼朮

雲苓 各三錢

半夏

炙草

青皮

陳皮

檳榔

厚樸

柴胡

各二錢 威靈仙 一錢

生薑引井河水煎。空心服。如頭痛加白芷、川芎。

呂祖破瘧散

治瘧屢發。形氣尚實。多熱者。

常山

草葉

各八兩

檳榔

一觔

貝母

知母

各四兩

八

甘草八兩

右共為末。用向東桃枝七個。向西柳枝七個。醋泡一時。水煎為引。未發前服。每用三五錢。如乾嘔多寒者。加胡椒末引。或用小柴胡湯。加常山。方見風寒門。

溫胃休癘飲 治久癘。誤服寒涼。傷胃作嘔。

洋參 三錢 焦朮 四錢 炙草 一錢 雲苓 三錢 老薤 研

黑薑 各二錢 安桂 一錢

紅棗引 如血虛多熱。加元熟。首烏。平歸。



癘疾初起 常山草葉。滑石。甘草。共為末。調薑湯服。又常山

酒炒三錢。烏梅四個去核。共爲末。調酒服。又東向桃枝熬
水露一宿。早晚空心服。又牛膝根二兩。搗煎燒酒服。以渣
包手脉上。男左女右。旱蓮草搗包。以古錢壓亦可。又九瓣
大蒜去皮一個。搗融。打生雞蛋一個攪勻。用滾燒酒冲服。外
摘桃樹葉尖七個。搓丸塞鼻孔。男左女右。即離原睡之床。
久瘧不止。燕屎攪燒酒。臨發前熏鼻口。含上桂。或以菖蒲煎
酒服。如體旺者。用陀參末一錢冲酒服。

不
行

患瘧久不止。以帶掛患者頸前。比前心。轉向背後。兩邊絆頸
帶止處。各燂一燈火。即愈。又執棗一枚。向日默咒曰。吾有

棗一枚。一心歸大道。優池或優降。或劈火燒之。念七遍。與患者食。

暑症

暑症當分陰陽。言熱得之為陽暑。其症脈虛身熱。有汗口渴。心煩。溺赤。貪涼得之為陰暑。即感寒也。然陽暑有傷。有中。有閉。傷暑。煩熱。口渴。中暑。汗出昏悶。不醒。內伏暑氣。外為風寒。所閉。曰閉暑。亦有因暑而兼痧者。當作痧治。此症極多。詳疫痧合編。

六一散 治傷暑。煩渴。小便不利。

滑石 六兩 甘草 一兩

右共為末。每服三錢。燈心湯下。加硃砂。名益元散。瀉火鎮

心。或再加葛粉尤妙。

消暑丸 治中暑濕勝昏悶等症。

半夏一觔 醋煮雲苓

甘草各八兩

右共為末。薑汁和丸。鹽湯下。汗多黃芪湯下。

香薷飲 治閉暑蒸熱滿悶頭痛等症。

香薷 厚樸 扁豆 枳殼 炙草 五分

生薑引 如兼風寒加秦艽。蔓荊。荆芥。搗薊。如羌活。勾藤。

口渴霍亂嘔吐心煩加黃連。轉筋加木瓜。雲苓。

生脉散 治熱傷元氣氣短多汗口渴等症。長夏宜此益氣。

沙參 三錢 麥冬 五分 北味 七粒

如虛汗甚多加洋參。蜜芪。甘草。怔忡加遠志。茯神。

甘露丸 行路帶服止渴去暑。

寸冬

烏梅肉

柿霜

蘇荷

蘇葉

細茶各等

右共為末入沙糖和丸噙化。

附簡易方

一切暑熱煩躁

菘豆煮粥食。

傷暑 炒芝麻為末水調服。

中暑昏絕大汗 街心上吐大蒜等分搗和井水澄清去渣

服即蘇

貪涼陰暑腹痛 硫黃火硝鎔化共為末每服一錢 又桐炭

燒紅淬水去炭飲水妙 又醋煮大蒜一個食之

痧症

痧由外感厲氣惡毒入於氣分則氣脹作嘔入於血分則為痛為痰深入則凶危立至皆邪氣有餘之病也治宜調氣行血解鬱若屢發者病愈必補氣健脾以固根本自無屢發之患

塘西痧症方

茅山蒼朮

色黑而小現砂者一兩米泔水浸

丁香

三錢

天麻

一兩

麝香

三分

蟾酥

四分

明雄

水一兩

大黃

一兩

甘草

五錢

微炒

右共為末。擇天醫吉日於淨室中用蟾酥以燒酒融化和末作丸。如蘿蔔子大。硃砂七錢。水飛為衣。晒乾磁瓶收貯。如感風寒。痰涎湧塞。頭痛惡寒。腹脹者。先將二丸研末吹鼻。或納舌下。覺麻吞下。再服六七丸。開水下。中寒陰陽反錯。吐瀉腹痛。手足厥冷。轉筋難過者。用法如前。中暑頭暈眼黑。

絞腸腹痛閉悶不省人事及斑痧等症用法如前。山嵐瘴
氣夏月途行及空心觸穢口含三丸邪氣不侵。癰疽疔毒
及蛇蝎毒蟲所咬。搗末好酒調塗。凡氣悶驚魅水瀉自縊
跌打死者只要畧有微氣將此藥吹鼻灌口俱可活活後仍
服調理藥。但自縊者須輕輕解下不可割索觸氣下抵魄門
上急吹氣入耳。小兒急慢驚風吹鼻即甦。隨以此丸調灌。
此係急救仙丹。常帶身傍利已濟人。但孕婦忌服。小兒亦
不可多服。

呂祖截痧丹 通治男婦發痧頭悶作嘔心腹絞痛等症。

陳皮 四兩 西砂 丁香 一兩 藿香 五錢 廣香 二兩

麝香一分 乳香 沒藥各一兩 蒲黃五錢 吳旦一兩

官桂五錢 蜜芪 炙草各一兩

右共為末。每服二三錢。生薑引。

觀音救苦散 治諸痧。

白礬四兩 黃丹二兩 火硝一兩 明雄 硃砂各五錢

右共細末點眼角。如喉症吹入。瘡毒蟲傷。唾津塗。

行氣湯 專治氣鬱。

枳實 蘿蔔子 烏藥各一兩 鬱金二錢 連翹八錢

右共為末茶調服。

散血湯 專治血滯。

赤芍

丹皮

紅花

葫草各一錢

烏藥五分

香附三分 荆芥

蒺藜

銀花錢一

附簡易方

乾嘔霍亂俗名絞腸痧欲吐不吐欲瀉不瀉變在須臾 生明

礬二錢陰陽水調服或加黃荆子明雄 又蕎麥炒黑為末

開水下 又生芋頭二片搗汁和開水服

陰痧腹痛手足冷身有紅點俗名羊毛疔 火藥三錢陳壁土

泡開水為引外以燈火燒紅疹或以針挑出血 又白蜡化

開水服後以火蒸生薑細茶黃蘗煎湯一碗服之再飲酒數

杯覆被卧以汗出為度即愈 又羊毛燒灰沖酒服

烏痧脹偏體紫黑

鹽炒和陰陽水吐之輕者用細疏蕪菜油

油內入鹽少許刮頸骨兩脅背脊及脇肋胸前如頭額不

便刮用麻蕪油搽之大小腹亦然重者麻刮兩手脚腕橫紋

當中名委中穴者細筋青紫用磁鋒或銀針刺出惡血兩旁

硬筋不可刺腿上大筋不可刺再刺十指背離甲二分出血

虛損

近時人先天不足者多且後天又多斲喪七情六慾無非戕我之神思慮見聞皆能損我之氣以效三陰虧損者居多顧陽虛易復陰虛難療慎服藥尤宜善保養病變多端類方如左

翠湖真人五臟同補湯 治陰陽兩虛漸至衰弱肝腎虛而眼

花耳鳴口乾舌燥腰膝酸痛遺精白濁心虛而神不守舍跳

動不寐脾虛而四肢無力飲食不化肺虛而氣短咳嗽自汗

眩昏等症此平補無瀉之劑

元熟一兩棗皮四錢光條巴戟錢各五當歸六錢

酒芍二錢志肉一錢棗仁六錢生熟茯苓洋參各三錢

蓮肉五錢芡實四錢炙草錢半北味一錢寸冬二錢

龍眼西棗引若為丸加戩分如欲單補上焦心脾則減補

腎之品多汗加蜜芪牡礪胃弱加肉桂焦朮去寸冬

腰痛加杜仲多濕便濁加雲苓前仁

六味地黃湯治陰虛一切等症隨宜加減為丸亦可

熟地一兩棗皮光條錢各三雲苓粉丹

澤瀉各二錢

本方加當歸酒芍名歸芍地黄湯滋陰補血。本方加鹽柏
知母名陰八味壯水以制陽光尺脉旺者宜之。本方加肉
桂附子名陽八味補火以消陰翳尺脉弱者宜之。陽八味
加前仁牛膝名金匱腎氣丸治陽虛鼓脹。陽八味加牛膝
冷服能引火歸元肺熱者再加元參麥冬。景岳變六味八
味爲左右歸飲丸與此同理但純補不瀉隨宜審用。本方
加五味名都氣湯治勞嗽。再加麥冬名八仙長壽湯治陰
虛消渴咳嗽諸症。陰虛兼脾弱者本方加入蓮肉芡實龍
眼肉以健脾遺滑者再加人參金櫻膏爲丸。本方加杜仲
牛膝治腎虛腰膝酸痛。本方去丹澤加韭子益智治腎虛

小便頻數

呂祖八仙壽神丸 治陰虛多火咳嗽骨蒸等症。

首烏十兩元熟 生地 天冬 寸冬各四兩

骨皮八兩洋參四兩雲苓八兩

右俵炮製為丸作湯亦可。忌葱蒜蘿蔔諸豆胃弱忌服。

呂祖滋陰補血湯 治陰虛心熱或常頭痛。

元熟二兩棗皮四錢羌條五錢當歸六錢炒芍三錢

五味一錢寸冬三錢玉竹四錢

龍眼七个引。如上實下虛加牛膝枸杞。骨蒸多汗加骨

皮。無火加洋參虛火上浮加元參。血熱妄動加生地。

痰咳加川貝。怔忡不寐加炒棗仁。硃砂。小便不利加雲苓。大便燥結加茯苓。

馮公解鬱湯。治肝脾血虛。火鬱煩熱。目疾脇痛等症。

當歸 六錢 炒芍 粉丹 各二 棗仁 四錢 焦朮 三錢

炙草 陳皮 各一 蘇荷 八分 柴胡 酒炒 牛膝 各二

此逍遙散變方最能快脾解鬱。

呂祖保真湯。治心腎不交。煩躁怔忡等症。

當歸 六錢 棗仁 四錢 熟地 一兩 棗皮 三錢 光條 五錢

甘杞 三錢 兎絲 五錢 五味 一錢 寸冬 四錢 硃砂 一錢

龍眼煨心引。如氣虛加洋參。

呂祖旋神飲 治病同上。

當歸五錢 炒芍三錢 炒棗仁 茯神各四錢 紫石英三錢

熟地一兩 兔絲 寸冬各三錢 菖蒲一錢

龍眼棗子引。如痰咳。加川貝廣合。遺精。加遠志龍齒。

馮公寧靜丹 治心血虛耗煩躁不寐。

熟地一兩 龍眼肉五錢 當歸四錢 棗仁五錢 柏仁霜一錢

茯神三錢 寸冬 川貝各二錢 硃砂錢半 水飛

燈心竹茹引。

馮公止汗湯 治男婦心熱有火。血虛多汗。

熟地一兩 龍眼肉五錢 當歸六錢 炒芍三錢 棗仁

茯苓 蜜芪 蓮肉各四錢 炙草二錢寸冬

竹茹各三錢 硃砂二錢 牡礪三錢

紅棗桑皮引。如女病加香附無火。去竹茹。次服生脉散加

棗仁。終以歸脾湯加熟地光條。

馮公滋陰斂肺湯 治陰虛汗出宜此收斂。

洋參 生地 首烏各四錢 五味一錢寸冬

浮麥各三錢

馮公保陰斂神湯 服前方汗稍止宜此培補。

熟地二兩 棗皮三錢 龍眼肉 坪歸各八錢 丹參三錢

炒棗仁錢七 茯苓四錢 蜜芪八錢 蓮肉四錢 炙草二錢

羚羊角二錢水 紫石英二錢水

西棗引 如心氣虛加洋參 煩渴加寸冬 無火去羊角

拂雲大士納氣定喘湯 治肝腎虧損元海無根氣短似喘脉

見細數若妄用破氣等藥則速其危矣

熟地二兩 當歸五錢 洋參隨宜 炙草 五味各二錢

寸冬 懷膝各三錢

川稅引 如元陽虛者加肉桂故紙 嘔惡惡寒加煨薑

歸脾湯 治思慮傷脾怔忡健忘吐血一切上虛等症

防黨五錢 密芪 焦朮各三錢 炙草二錢 雲苓三錢

當歸三錢 志肉七分 棗仁三錢

龍眼薑棗引。如陰虛多汗。加熟地。光條酒芍。中虛多餒。

加熟地。咳嗽。加白芨百合。脾經血熱。加紫胡炒梔。

痛。加木香。吐衄。加梔子。烏梅。川椒。

香。尋子。復陽起。憊湯。治脾陰虧損。四肢不舉。懶言嗜臥。困倦。

垂危等症。

洋參二兩。焦朮五錢。炙草二錢。元熟一兩。當歸六錢。

棗仁四錢。肉桂。桂枝。各二寸。冬四錢。

薑棗引。如汗出。加黃芪。無火。去寸冬。痰多。加茯苓陳。

皮。肝腎虛。加杜仲。牛膝。虎骨。去桂枝。

附簡易方

氣血虛凝滯一身痛 全歸、玄胡各二兩、肉桂五錢末酒下

思慮勞心 每晨龍眼、陝棗蒸開水服

盜汗 桑葉為末米湯調服 又防風為末浮麥湯下或牡礪

火煨醋淬為末浮麥湯下外以五倍子為末唾津調塗臍間

枯礬亦可

腎虛 鹽水煮黑豆常食

虛火炎上 四季豆煮粳米粥食

陰虛火旺 人乳藕汁白蜜甜酒原汁等分熬膏滴水成珠每

晨沖開水服

脾胃虛弱 山藥二兩糯米一升炒共為末每晨用半盞入胡

椒末少許。沙糖一匙。開水調服。又黃豆、糯米共爲末。煮湯。

粳白饊點服。又芡實煮粥。日服。又胡蘿蔔燉羊肉服。雞

豚亦可。又黃精丸蒸晒常服。

虛黃 健豬肺洗淨。入真麻油四兩。線扎肺管。炖服。重者再服。

命門火衰 日以冷水吞川椒四五十粒。又常食核桃。又

能飲者。以香加皮、黑豆、淫羊藿泡酒常服。

癆病 桂元肉、牛乳各半。酌熬膏。兌甜酒服。又天葵子四兩。

炖健豬肚。食連用三四個。兼治遺精。

傳尸癆及童子癆 屋上白色猫屎。黃泥包。柴火煨爲末。沙糖。

薑湯冲服。每服五錢。日二服。四日止。

不詳奇術

降火。子午卯酉常以舌抵上腭。令華池神水充滿口中。正體舒氣。以意目力送至丹田。口復一口愈多愈妙。此以天一之水培補真陰。功勝草木多矣。

寧神。常閉目寧心。凝神入氣。瞬息而太和元氣週流一身。

十宜。髮宜多梳。面宜常搽。目宜常運。耳宜常彈。舌宜抵腭。齒

宜常叩。津宜常嚥。濁宜常呵。胸宜常護。腹宜常摩。肢節宜常

揉。皮膚宜常乾沐浴。穀道宜常撮。大小便宜閉口咬齒。足心

宜常搽熱。半夜搽百下能通百脈交心腎

八勁。合掌翻肩去三焦。左肝右肺似開弼。調和脾胃雙舉。不

五癆七傷往後。煦周公之禮行三遍。騎馬扳繩。飲食消搖。頭
擺股除心病。搬脚至臍。壯腎腰。

腫脹

此症專主脾胃氣水虛。實四字盡之。按之無窩。易起氣也。擣之有窩。難起水也。實者用消導。不可過於攻伐。消導不行。即宜溫補脾胃。使陰隨陽化。氣行水行。

張三丰伐木丸 治肝強脾弱。心腹中滿。或黃腫如土色。

蒼朮 二觔米酒。四兩同炒。 綠礬 一觔醋。內火燉。

右共為末。醋九甜酒下。

消導腫脹丸 治虛中挾實。氣水兩腫。

焦朮 各二兩 砂 一兩 棗肉 一兩 當歸 二兩

川膝 一兩 肉桂 八錢 丁香 一錢 木香 各二錢 沉香 四錢

甘遂八錢茵陳錢半青礬八兩硃砂

辰砂各五

針砂四錢

右共為末。煉蜜丸。綠豆大。每服四五十九。甜酒送下。

五皮飲 治胃經聚水表裏寒熱諸水腫通治之劑。

陳皮 大腹皮 茯苓皮 桑皮錢各三 生薑皮八分

如腰以上及四肢腫屬表宜發汗加防風紫蘇秦艽荆芥。

腹中脹滿加厚樸蘿蔔子山查麥芽腰以下腫宜利小便加

茯苓澤瀉車前赤小豆防己葶藶大便不通宜下之加葶藶

大黃此均屬裏也 寒者加乾薑肉桂附子 熱者加黃連

黃芩黃柏 挾痰者加半夏薑汁 虛者加洋參魚朮茯苓

婦人經閉血腫者加歸尾赤芍紅花桃仁既消後宜加

味理中湯方見風寒門或金匱腎氣湯溫補脾腎

全真益氣湯 治中氣虛腫兼濕微滯者

洋參 一錢 蜜芪 焦木各三錢 炙草 一錢 雲苓 三錢

腹皮 三錢 改仁 三錢 陳皮 二錢

薑皮引 如濕勝者加車前仁 胃寒加乾薑肉桂 脚腫

由氣陷者用補中益氣湯方見脾胃門

金匱腎氣湯 治腎經聚水肢腫腹脹小便不利或痰喘氣急

即虛損門六味地黃湯加桂附前仁牛膝

如屬陰虛去桂附加麥冬大劑與之或可回生於萬一

附簡易方

鼓脹

葶藶入猪肚內。線縫。沙鍋炖食。勿入鹽。

又多年舊鼓

皮三錢。瓦焙爲末。酒調服。

又黃牛糞。男牯女犍。四五月取

淨者。陰乾。焙爲末。每服一兩。冲酒三碗。煎至一碗。去渣飲酒。

三服愈。

又葢屋陳稻草煎湯。傾入盆內。先坐盆上熏之。待

溫洗腹。小便隨下。黃水宜數次熏洗。

氣鼓

五穀蟲洗淨。炒黃爲末。和飯爲丸。開水下。

水濕腫脹

青礬一兩。食鹽三錢。入鯉魚腹內。泥包。火煨存性。

爲末。每酒調服三錢。

又甘遂。丑牛。各二錢。共爲末。用猪腰

剖開包藥。濕紙裹燒。空心食。大便下膿則愈。外以車前仁大

蒜田螺共研熬膏攤貼臍上。又雞屎白炒酒煮澄清飲之。

水腫腹大有聲皮黑。苦瓠青蛙酥炙土狗共為末酒調服。

血症

凡吐衄便崩等症有實火虛火有陽虛陰寒與脾虛不統有陰虛格陽及痰滯積久實火宜瀉陰虛宜滋陽虛宜溫脾虛宜健格陽宜引火歸元痰血宜散暴吐宜祛痰降火導之下行久則宜養陰補脾脾旺則能生血若失血過多宜急固氣氣存則血可復。

才反散 治吐衄初起乃祛瘀生新止血之良劑

大薊 小薊 老絲瓜 荷葉 蒲黃

茜草 茅根 亂髮 山梔仁 大黃

右等分燒灰存性共為末每服三錢藕節湯調服。

一陰煎 治一切陰虛動火血隨而溢。

元熟五錢 生地 白芍 丹參 寸冬 各三錢

牛膝二錢 細甘草一錢

如火盛加女貞子龜膠。氣虛加泡參或洋參。汗多煩躁。

加北味。心虛不眠加當歸棗仁。胸脇脹滯吐血加茜草。

茅根三七磨服。後服八仙長壽湯收功。方見虛損門。

鎮陰煎 治陰虛於下格陽於上真陽失守血隨而溢肢冷脉

細速宜用此。如治格陽喉痺及一切上熱下涼俱宜冷服。

熟地二兩 肉桂 製片 炙草各一 牛膝二錢

澤瀉錢半

水二鍾煎食遠服。如氣脫加洋參。嘔惡加黑薑。

孫真人補中散血湯 治脾肺鬱滯臟寒血凝而吐。

洋參

焦朮

全歸

炙草

廣皮

錢各一

枳殼

鬱金

白芨

紅花

杜仲

錢各二

牛膝

安桂

錢各二

童便甜酒引。

如咳痰加茯苓半夏。

嘔惡加黑薑建蓮肉。

歸脾湯

治思慮傷脾不統血或吐崩便下。

方見虛損門。

人參湯

治吐衄咯血不止垂危氣脫速宜用此挽回。

人參兩

右為末雞蛋白調新汲水每服二錢。

如畏腥單以人參煎湯。

任服各獨參湯。治大吐大崩。

澤蘭湯 治跌打閃挫。瘀血積久而吐。

方見腰痛門

滋陰止血湯 治血熱下行。或遠行便血。酒痔等症。

生地 五錢 生芍 二錢 地榆 三錢 元參 四錢 寸冬 三錢

甘草 一錢

木耳三錢。為末冲服。如火盛。加槐角。氣虛下陷。加洋參。

升麻當歸。日久宜收瀉。加臭椿根皮。酒客。加粉葛。

附簡易方

止鼻衄歌 石榴花瓣可以塞。蘿蔔藕汁可以滴。火煨龍骨可

以吹。水煎茅根可以喫。又牆頭苔蘚可以塞。車前草汁可
以滴。火煨蓮房可以吹。水調鍋煤可以喫。又筆殼草根搗
甜酒冲服。又大蒜搗餅。隨左右貼足心。或以新汲冷水。隨
左右洗足。或以冷水拍後頸窩及濕帕貼頂門。

齒縫出血。冷水漱。或百草霜摻。又枯礬苦參共研末。搽

又草决明煎水漱。又竹茹四兩。浸醋一宿。含漱。

火症吐血。韭菜連根洗淨搗濫。入童便布絞取汁。重湯煮熱。

澄清飲之。又側柏藕節茅根煎水。甜酒引。又細白皮紙。

入瓦罈內燒灰。每服三錢。開水下。半月除根。

勞病吐血。乾紅茶花每朵重三錢者。炖猪精肉。五鼓時與食。

澤蘭亦可燉。又白芨爲末調藕粉服。

身上無故出血。生猪肉一塊貼之。

小便下血。旱蓮草、車前草共搗汁煎熱空心服。又苧麻根。

煎湯頻服。又茅根、車前草煎湯沖髮灰服。又狗地茅根。

皮、牛膝根煎湯服三次。又馬鞭草搗沖酒服。

酒毒便血。梔仁焙爲末冷水調服。或側柏葉炒黑及柿餅燒。

爲末俱米飲下多服。

虛損便血。陳棕頭髮燒存性共爲末米飲下。或烏梅二兩燒。

爲末調茶服二錢。又臭椿根皮、紅酸漿草、地甜酒服。

遠年便血。新磨豆漿帶渣入鍋內炒燥爲末每服三錢如下。

紫色白糖調下。紅色沙糖調服。每日三次。起死回生。

狂癲癩

此症有狂癲癩之別。狂多由痰火。癲因鬱怒。或有邪挾之。五癩分五臟。多由氣虛。生痰。火症宜涼。痰宜化。鬱宜舒。邪宜驅。虛宜補。不可執一。

天師瀉火伏狂湯

治登高罵詈。面目赤腫。舌如芒刺。飲水多。

痰胃火實熱等症。

石膏 四兩 知母 五錢 元參 半斤 寸冬 二兩 甘草

泡參 各五錢 半夏 兩半 芥子 一兩

水竹葉百個引。先用糯米二合。煮湯煎藥。彼索水時與飲。隨索隨與。飲盡必睡。再用元參八兩。寸冬四兩。煎湯候之一醒。呼水。即以此湯與之。如痰盛加膽星。小便赤加木通。

大便結加元明粉調服。

天師救呆至神湯 治憤怒抑鬱羞恚成癡。

洋參 當歸 白芍 生棗仁 菖蒲各一

鬱金 五錢 柴胡 甘草 各一 神麴 五錢 茯苓 三兩

半夏 一兩 南星 五錢 附子 一錢

水十碗煎至一碗灌之。羊角去尖。插入口灌。聽其自睡自醒。

呂祖醒迷丹 治猪羊癇時發顛撲。

洋參 三錢 牛黃 五分 靈仙 三錢 防風 小茴 錢各二

上桂 一錢 白菓 六個 硃砂 二錢

此方人參補氣牛黃化痰靈仙有一走難過之勢然非肉桂。

終不能溫以行之。太行不效。終非善治。白菓斂肺。硃砂定心。防風小茴。又行中而不峻者也。信是善方。然必有緣方驗。

附簡易方

呂祖歌 莫說癩來莫說狂。今朝留下草頭方。香椽葉是驅痰藥。梧桐枝名降火湯。竹葉木瓜皆有益。金萱黃菊兩無傷。撮來件件皆仙餌。一笑天然壽命長。

火症發狂 白頭蚯蚓數條。研爛井水調服。

風痰迷竅 猪心血甘逐三錢。硃砂一錢。飛過共爲末。空心煮猪心湯下。以瀉下惡物爲度。不瀉再服。

心虛志邪 不見水猪心一個。入麝香一分。菖蒲二錢。棗仁三

錢硃砂一錢。泥裏煨為末。分數次滾水下。

羊兒癩。白礬一錢。苦瓜蒂七個。無根水送下。吐痰五日再服。

此方兼治痰火熱咳。

狐魅邪祟。諸般醫治不效者。手足大拇指用軟繩縛定。灸少

商穴四處。一齊着火。灸三壯。灸後用川貝硃砂各三錢。研末

酒下。或以歸脾湯加入更妙。方見虛損門。又或請端人唸

雷祖玉樞經。文昌大洞經。可以驅邪解厄。

頭痛

頭為諸陽之首。腦額屬太陽。眼鼻屬陽明。額角屬少陽。風寒浸入三陽。皆能頭痛。當分經用藥。至因痰火者。宜清降陰虛。補陰陽虛。宜補陽。若夫混腦垂之說。乃孽症。當別求治法。

驅風明目散

治偏正頭風痛不可忍。睛珠欲裂及風熱目疾。

養金丹頭痛

細辛一錢 羌活

防風

白芷各二錢

川芎

薄荷 荆芥

殭蠶

蟬退

菊花各三錢

甘草一錢

薑葱老鷹茶引。眼科赤腫。加白蒺藜赤芍。

王野人行血定痛湯。治血虛生火。因火生風。此治風先治血。

血行風自滅之說也。下方同。

當歸四兩 木通五錢

甜酒浸三日。冲水熬。熱服。以醉為度。醉後仰臥。復用。

王野人補血散風湯

熟地五錢 當歸三錢 川芎

酒芍

連翹各二錢

水煎濃。以蘇荷、冰片各二錢。共為末。沖服。續進。

王野人滋陰潤肺湯

治陰虛頭痛諸病。

元熟四兩棗皮

元參各二兩北味五錢麥冬二兩

牛膝一兩

如火感頭痛牙疼。加知母、石膏。

加味補中湯

治陽虛兼外感頭痛。

黨參六錢蜜芪五錢焦朮三錢炙草二錢坪歸四錢

升麻錢各二柴胡錢各二陳皮一錢北辛七分川芎

蔓荊錢各二

薑棗引。如痛在頂。加藁本。痛在額。加白芷、羌活。腦痛。

齊金丹。頭痛。

而吼。是風熱加蒼耳。知母。無外邪。但清陽不升者。加附子。玉竹。天麻。去北辛。葛。荊。

附簡易方

風痰火。葱白。生薑。細茶。核桃肉。等分。共搗水煎。熱服。取汗。

頭風痛。生蘿蔔汁二匙。仰臥灌鼻中。立止。

風痛不醒。地膚子同薑搗。熱酒沖服。汗出即瘥。

偏正頭風。硫黃一錢。川椒三分。共為末。作丸。左痛塞右耳。右

痛塞左耳。又瓦礫燒紅。醋淋布包枕。睡半時。被蓋出汗。

血虛頭痛。大當歸泡酒常服。

腦疼。絲瓜藤近根三五尺。燒存性為末。每一錢酒下。兼治鼻

中流黃水有蟲食腦名曰腦漏。

眼目

諸症非風火實熱即氣血兩虛風火宜散實熱宜瀉虛則宜辨陰陽而補之內外兼治方易收功切忌過服寒涼與多點洗涼藥要之目屬肝腎虛者居多總宜保精閉目靜養

日遊神撥雲散翳湯

治眼目外障雲翳暴赤腫痛畏日多眵。

生地六錢 當歸七錢 防風三錢 薄荷

芥穗

木賊各二 白菊 蒙花各三 蒺藜

蟬退各二

紫茸三錢 甘草一錢

燈心薑蔥引。如內熱加黃芩黃連甚者加大黃。肝脾火

加柴胡赤芍甚者加膽草。傷酒加葛花。頭痛多涕加細

辛羌活生薑。痛瀉多眵加生梔子青箱子。脹痛加青皮

檳榔。夜間目珠痛。加夏枯草。此方服三四劑。後續服。

呂祖明目湯

桑菊四兩 黑芝麻一兩 桑葉五十片 甘草八錢

每日煎服。後食葶薺四兩。至七日再服。

歸芍地黄湯。治肝腎血虛。內熱風火。依後加用多服。

即虛損門六味地黄湯。加坪歸白芍。

如肝火甚者。加柴胡。梔子。火退則止。此方去歸芍。加枸杞。

菊花。名杞。菊。地黃湯。治內障一切虛損。以此為主。作丸亦可。

如尺弱寸浮。陰盛格陽。宜引火歸元者。用陽八味。加牛膝。

冷服。或鎮陰煎亦可。方見虛損門。與血症門。

海島仙退翳散 治諸般翳障。

葶薺一兩磨漿澄粉 麝香用水飛去浮沫

洋片各一分 銀硃四分

甘石一兩入砂鑽鹽泥封固白炭火煨三炷香久取起研細以水十碗逐次傾飛晾乾黃泥作二餅用薑十餘片鋪底將藥末放薑上仍將薑蓋定泥餅封好又火煨三炷香久取起加上四味同研極細磁瓶收貯勿令泄氣點眼最妙製煉時須齋戒沐浴在潔淨地不可令婦人雞犬見

提藥方 治翳障久不愈者。

五倍子一兩 川芎七錢 大黃五錢 蔓薺 餓馬蝗草

明鏡草 菊花各二錢 糠頭花一兩

右數味。用大瓦鑽水煎。漲以竹筒插湯中。布封鑽口。含筒吸熱氣熏之。勿抵舌。須用單被將人頭覆着。冷則去之。或用以洗。早晚行之。內須先服散藥。外點眼藥。始可熏提。七日自散。

包藥方

治雲翳風火。

蛇退

一錢

羚羊角

三錢

麝香

冰片

銀硃

各一分

赤小豆

三錢

右數味研細。如翳重。用黃豆。腫痛。用黑豆。綠豆。昏暗。三豆俱用。將豆嚼爛。作餅。血筋多。加三七末。老翳不散。加麻黃末。或啄木鳥舌末。淡紅無火。加洋參肉桂末。以末先放餅中。打底。後放前藥。新青布包餅。臨卧貼眼上。外用帕扎。早起去之。臨

晚再包。

搽藥方

治爛弦風眼。

甘石一兩 銅綠一錢

右將甘石火煨。研極細。以麻油搽碗中。用藥末蘸上。覆碗燒。陳艾烟薰黑。刮下。加銅綠再研。調麻油搽弦外。

取蟲方

治爛眼癢極有蟲者。

花椒十餘粒

韭菜五莖

猪肚漩刮下

右三味和搗。用白麻布隔眼外包。夜半取之。

藥艾方

治火眼及風痛。頭風牙疼等症。

川烏

草烏各五錢

麝香一分 血竭

硃砂各二錢

硫黃二兩 火硝一兩 乳香五錢

右數味研極細。以刀一把用麻油搽之。將藥摻上。火烘刀背。俟乾取下收貯。遇病和熟艾捻米大置患處灸之。

附錄

赤眼火翳

食鹽為末。用小燈心點翳上。

又雞冠血。鯉魚胆

點。

又羊胆入蜜。雄猪胆入白礬。陰乾點。

又老鼠刺皮。蒸

乳點。

又大蜘蛛去頭足。入乳蒸三次點。

又每日以鹽水

漱齒洗目。常以舌舐拇指甲。揩目。或令大日以舌舐數次。久

之真氣薰蒸。自然毒散。或日以潔淨開水。淨布乘熱淋洗。濁

則更換。至水清乃止。

又地胡椒塞鼻。能散翳。

又鳴腳板

草搓貼耳上角。又久不愈者。青岡樹木耳炒。木賊去節等分共爲末。茶調服。

內障 鯉魚胆腦拌和點。

迎風流淚 腊月桑枝上葉煎湯頻洗。

風眼爛弦 青鹽常洗。或苦瓜葉煎水洗。外以猪大腸內垢刮

下塗眼邊。蟲自出。

老眼昏暗 每晨手搓決明子四十九粒。開水吞。又蔓青子

三升。煮熟晒乾爲末。每晨井花水調服。一年能夜視物。又

青皮煎水。每逢正月初三。二月初四。三月初四。四月初九。五

月初五。六月初四。七月初九。八月初十。九月初五。十月初五。

冬月初十。腊月初四。向西默念阿彌陀佛。眼光聖母。跪而洗之。又決明子。菊花。黑豆皮。綠豆皮。苦蕎皮。作枕。能明目。

不藥奇術

洗眼 每晨用開水一碗。默唸咒曰。救苦觀世音。施我大安樂。賜我大方便。滅我愚痴暗。除却諸障。礙無明。諸罪惡。出我暗室中。使我視物光。我今作此偈。洗懺眼目罪。普放淨光明。願現微妙相。如此七遍。吹氣入水。洗眼畢。水傾屋上。

吹犯翳咒 天靈靈。地靈靈。家先香火不安寧。厨竈前頭多穢犯。挖窖動土侵龍神。弟子唸來神即曉。各安方位守家庭。我今拜請三光至。開爾翳障霎時明。一切火風皆滅沒。神光依

舊復天真吾奉

太上老君急急如律令默唸一遍手用

劍訣左眼號霄字右眼號霄字左右俱重號雷字隨吸氣一

口吹之又咒曰天上金雞叫地下錦雞啼兩雞來相鬥萬

毒化為泥吾奉太上老君急急如律令手號散字於翳

上運神以手如抓出跌脚叫一聲曰散二咒須練習始靈

耳鼻

腎開竅於耳精氣足則耳目聰明虛則或聾或
寒則清涕鼻塞寒濃涕乃風寒入腦阻隔清道天
寒則鼻常塞者元陽虛也

填精益氣湯

治年邁及病後耳聾

熟地 二兩

枸杞

兔絲

菴蓉 各四錢

杜仲

故紙

當歸

洋參 各三錢

蜜芪

焦朮 各四錢

災草

建蒲錢各一

龍眼紅棗引。

如命門火衰加桂附多服方效。

柴芍地黃湯

治陰虛濕熱膿耳及陰虛燒熱不解等症。

即六味地黃湯加柴胡白芍。

如火盛加元參炒梔子。

無火久不愈加生芪苡仁土茯苓。

黃梅村吹耳散

治耳聾及喉鵝爛瘡。

麝香

洋片

各一分 硃砂

枯礬

銀硃

明雄

錢各一

輕粉

五分

龍骨

一錢

甲珠

二片

右共為細末鵝管吹。

蒼耳散

治鼻淵濁涕不止。

蒼耳子錢三白芷錢二辛夷錢二蘇荷一錢龜板一個酒炙
右共為末。葱茶清調下。食遠服。

附簡易方

撐耳風 山胡椒搗醋調敷。輕者燈火灸兩虎口軟彎處。右痛

燒左。左痛燒右。甚者內服普濟消毒飲。方見風寒門。

耳鳴 骨碎補燒去毛。鹽水炒為末。煨猪腰食。

耳心痛癢 鬱金泡水滴入。或葱汁滴磨刀石上。鐵漿滴。又

蛇退焙為末吹。又杏仁炒為末。葱涎和丸。綿裏塞。兼治耳

聾有膿

耳膿 先以皮紙摵淨。後用菖蒲根汁灌入。盪洗數次。又木

鼈子磨水滴馬前子亦可。雞冠血鱔魚血俱妙。又枯礬爲

末吹。或鞋底陳土吹。兼治頭瘡。

少年耳聾。木耳醋炒。白糖拌食。又細辛爲末。蜡九綿裹塞

耳。又大蒜挖空一頭。入炮熟巴豆仁。綿裹塞。并治牙疼。

又老鼠胆滴。久年亦效。又鯉魚胆滴。

百蟲入耳。花椒醋浸。少滴入。葛苴汁。雞冠血。亦可。又貓

尿更妙。取尿用生薑搽鼻。即出蟲。入不可抓搽。致其深入。

鼻赤。硫黃爲末。調茄汁搽。又白鹽和津唾常搽。

鼻塞不通。菖蒲皂角共爲末。綿裹塞。輕者葱管塞。

鼻中瘰肉。枯礬爲末。和猪脂綿裹塞。數日即落。

齒牙

痛症有風火虛蟲之別實者易治虛者難治少者易治老者難治總宜保之於未病方可至老無虞若不善保養過中年以後精血漸衰鮮有能免者也

清散實火湯

治風火牙疼。

細辛一錢

防風

荊芥

石膏錢二

甘草一錢

生地五錢

丹皮

青皮各二錢

生薑細茶引。

如上四門牙痛屬心加黃連。

下四門牙痛

屬腎加黃柏知母。

左上牙屬胆加龍胆草。

左下牙屬肝

柴胡。

右上牙屬大腸加枳殼大黃。

右下牙屬肺加桔

梗黃芩。

或并加元參升麻亦可忌食煎炒火酒。

陰八味

治命門火熾脈滑實有力而齒痛者

即虛損門。地黃湯加黃柏。知母。胃火盛者加石膏。

陽八味。治陰盛格陽。脈寸浮尺弱。虛火牙疼。

即虛損門。地黃湯加肉桂。附子。再加牛膝。

紫泉仙固齒丸。治蟲蝕齒痛。

烏梅肉。白芷各三錢薄荷二錢明雄一錢硃砂各錢半

右共為末。煉白糖為丸。彈子大口噙化。



諸般牙疼。細辛。陳艾。火葱。黑豆。川椒。煎水頻漱。又蜂房。鹽。

椒。煎水熱漱。又馬齒莧。嚼汁含之。又楊柳根。熬水。漱出。

痰涎。又火硝五錢。元粉五分。冰片。明雄。各一分。共為末。搽。

患處。又端午日採雞腸草爲末搽牙。

腎虛牙疼。骨碎補爲末同鹽日搽。羊脛骨亦可。

灸法。艾梗點紅燒齒痛處。沒之再燒。七次痛止。又於耳前

髮鬢尖內有動脈處。隨痛左右用小艾炷灸五七壯。如再發

再灸不必貼藥。

蟲牙疼。巴豆肉川椒共爲末飯丸。皮紙包裹痛處。又霜殺

老絲瓜燒存性爲末搽牙。

取牙不犯手。草烏。萆撥。各錢半。細辛。川椒。各三錢。共爲末。每

用少許點在患牙內外。其牙自落。又茄根馬尿浸三日炒

爲末點牙即落。茄子亦可。

牙齦腫痛 磁鋒刺出惡血不刺久成牙漏潰爛極苦

保齒法 每出小便緊閉牙關勿言使腎氣不洩 又桑葉汁

和食盐漱齒 吐掌心洗眼固齒明目或常以冷水洗齒俱妙

口舌

咽喉

加味甘桔湯

炙草

大力錢各二

脾開竅於口心開竅於舌心脾和則口舌知味
咽者胃之系喉者氣之管咽以納食喉以納氣
喘即咽之底處也皆關要所係病宜急治凡病
挾熱者六七挾寒者二三風寒包火者八九初
治宜疎風解毒繼則瀉水養陰若元氣漸虛急
顧脾胃命火失位引火歸元倘過服寒涼真氣
虧敗則難挽回外有喉症專科一書論証極詳
其方亦備恭看可也

治一切口舌咽喉腫痛等症

桔梗錢各二

蘇荷五分

荆芥

貝母

竹葉燈心引。如陰虛加生地。元參。寸冬。陽虛加洋參。

有腫處加銀花。喉火盛加射干。豆根。胃火盛加石膏。

心火盛加黃連。口渴唇焦便赤加山梔。黃芩。黃柏。

鎮陰煎。治陰虛於下。格陽於上。為喉痺腫痛。宜引火歸元。

方見血症門外。以熱水洗足。再用附子。吳萸。共搗貼足心。

冰片散。治一切口瘡。咽喉諸症。或用刀針後吹之。

冰片 一錢 硼砂 五錢 明雄 元明粉 靛花 各二

銅青 五分 人中白 錢五 雞肫皮 錢一 川黃連 錢二 黃柏 蜜

蒲黃 炒 灸草 各三錢

右共為極細末。吹患處。一方加兒茶八分。珍珠一錢。麝香。

三分牛黃熊膽各一錢

附錄方

口唇縮小 青皮燒灰每服二錢酒下外以此灰調猪油搽

腫者以青皮為末調醋搽

口唇乾裂 桃仁搗猪油敷青皮亦可

口臭 細辛三錢豆蔻二錢共為末噙 又大黃燒研搽牙

口舌生瘡 青銅錢六十文燒紅投酒中服酒效 又樸硝含

之 又生薑搗汁漱吐蘿蔔汁亦可 又五倍子焙研末敷

咽喉腫痛諸症 牛膝根二三兩搗汁開水冲噙服

喉腫不通 墻上壁錢瓦焙白礬枯髮共為末吹入 又巴豆

去殼綿裹左右塞鼻。

喉痺

大梨搗汁飲。或切片泡涼水頻飲。蘿蔔汁徐咽亦效。

又射干豆根爲末。或噙或吹俱效。硼砂樸硝共爲末吹亦可。

又燈心燒灰和鹽吹。又烏魚胆和水灌入將死亦活。

又蚯蚓十四條搗汁吞外以白麪和醋塗喉。又病人頭頂

上有紅點用針挑破。或生薑搽頂心髮。又若牙關緊閉搗

草麻子作撚燒烟熏吸即通。又磁鋒刺大姆指合并肉縫

甲角少商穴。右患刺左。左患刺右。重者左右俱刺。須先用手

勒繩纏爲妙。按喉痺已成惡血不散。針破爲上策。

纏喉風。蛇蛻。灸黃。當歸等分。共爲末。酒調服一錢。又猪牙

皂搗細。以好醋調入喉內。四五次。痰大吐痛立止。或塗頸上。乾即易之。其乳即破。

咳嗽

不外內傷外感外感當辨風寒燥熱內傷宜辨陰陽虛實風寒宜散燥熱宜清降陽虛宜溫補脾胃陰虛宜潤肺滋水內外虛實不可錯認若悞治必增病

止嗽散 治外感咳嗽

桔梗炒

荆芥

紫苑蒸

百部蒸

白前蒸各二錢

炙草

陳皮各一錢

生薑引。如風寒初起。寒熱往來。加紫蘇。柴胡。風盛。加桂

枝。防風。寒盛。加麻黃。羌活。細辛。暑氣傷肺。渴煩便赤。加

黃連。黃芩。花粉。濕氣生痰。痰涎稠粘。加茯苓。半夏。桑皮。生

薑大棗。燥氣焚金。乾咳無痰。加柏子仁。貝母。知母。瓜蒌。此
 外感之治法也。咳而喘息有音。甚則唾血。屬肺臟。加紫蘇。
 赤芍。丹參。咳而腰背痛。吐涎。屬腎臟。加附子。咳而兩脇
 痛。不能轉側。屬肝臟。加柴胡。赤芍。枳殼。咳而喉中如梗狀。
 甚則咽腫喉痺。屬心臟。倍桔梗。加牛旁子。咳而右脇痛。陰
 引肩背。甚則不可以動。動則咳極。屬脾臟。加葛根。秦艽。欒金。
 咳而遺尿。屬大腸腑。加焦朮。赤石脂。咳而遺尿。屬膀胱
 腑。加茯苓。半夏。咳而嘔苦水。屬膽腑。加黃芩。半夏。生薑。
 咳而失氣。屬小腸腑。加芍藥。咳而嘔。嘔則長蟲出。屬胃腑。
 去甘草。和烏梅。川椒。乾薑。有熱。佐以黃連。久咳不止。三焦

受之脾胃必弱。令人多涕唾。面目浮腫。氣逆腹滿。不食。以止咳散合五味異功散。即四君子湯加陳皮。此外感不化。移於臟腑之治法也。

驅寒丹 治陰寒咳嗽。

皂角 去皮 炒薑

桂心 去皮

右數味等分。共為末。煉蜜丸。梧子大。每服三九。禁油葷葱麪。

楊仙補肺散寒湯

治氣血兩虛。肺寒而咳。

洋參 三錢 蜜芪 四錢 炙草 一錢 茯苓 三錢 熟地 一兩

當歸 四錢 附片 一錢 桔梗 二錢

薑棗胡桃引。如氣滯加陳皮。嘔加焦朮黑薑。

立止咳嗽丸 治久咳薑湯下。

款冬花錢五 五味子錢三 粟殼二兩 洋菸一分 燒灰

潤燥化痰膏 治肺燥痰火。

蜂蜜 麻油 薑汁 竹瀝錢各五

右先煉蜜油。後加下二味。鑽貯。常以開水點服。

四陰煎 治陰虛癆咳。多服。

生地五錢 白芍 寸冬 百合 沙參

茯苓錢各三 甘草一錢

如虛火上浮。加元參、牛膝。水虧。加元熟。痰盛。加川貝、阿

膠。乾咳潮熱。加天冬、骨皮。血熱吐衄。去甘草。加炒梔、茜

草。多汗不眠而渴。加棗仁五味。後服八仙長壽湯收功。

娛老丹 治老年咳嗽虛喘。

洋參五錢 苡仁二兩 橘餅一個 核桃肉兩 白糖二兩

右數味炖猪粉腸或心肺。加百合麻油更妙。

加味二陳湯 治風寒實咳。

陳皮 半夏 茯苓各二錢 炙草一錢 蘇梗

百部 桔梗各二錢

生薑引。如寒盛加乾薑。有火加元參。傷益加飴餈。

二服全愈。後服墨魚骨火煨為末。大人五錢。小兒二錢。沙餈

開水服。即可斷根。

附簡易方

風寒咳嗽。體壯者。紅浮萍煎湯服。體弱者。生薑、陳皮、紫蘇。

五皮風黃。饴炖服。稍久者。白蜜薑汁開水冲。日三服。

久咳。白蜜炖猪心肺食。又款冬花燒烟吸之。

癆咳。廣百合、款冬花、熬膏服。又白蜜薑汁各四兩。梨汁、蘿。

蔔汁各半斤。人乳一碗。共熬膏。早晚開水冲服。二料全愈。

老年痰嗽。胡桃肉、生薑各一兩。研膏入煉蜜為丸。彈子大。卧。

時噙化。一丸。氣喘難卧。服此立定。又米饴、白蜜、猪油熬膏。

冲開水服。兼治虛秘。

年深喘哮。雞蛋三個。畧敲損。尿內浸三日。煮食。

外感失音 生薑陳皮甘草桔梗沙糖煎服 寒甚者肉桂嚼

嚙汁

虛癆失音 猪油一斤煉去渣入白蜜一斤童便四兩再煉收

貯開水冲服 兼治久咳虛秘無火去童便

欲好聲音 甜杏仁一斤去皮尖搗蒸加牛酥煉蜜丸米飲下

脾胃

脾胃為後天化源其性喜燥惡濕虛冷則寒從中生邪實則壅滯隔碍中氣不運百病乃出宜節飲食少思慮忌生冷凡治病勿傷胃氣久病宜保脾胃土蓋土能生萬物他臟皆取資焉

平胃散 治傳食痰飲痞滿嘔瀉及山嵐瘴霧不服水土

蒼朮

二錢酒浸

厚樸

薑製

陳皮去白

炙草

各一錢

薑棗引

如傷食加神麴麥芽或枳實 肉積加山查

痰

多加半夏。嘔吐。蒼朮換白朮。加藿香。砂仁。脇痛。加枳殼。
白芍。柴胡。腹痛。加廣香。甚者。加薑附。小便赤。加猪苓。澤
瀉。大便秘結。加大黃。芒硝。濕勝冷痢。加五苓散。黑薑。吳
萸。方見風寒門。

四君子湯。凡男病體弱者。以此為主。隨症加減最穩。

甜黨五錢有力者可焦朮三錢雲苓三錢炙草二錢
用洋參更效

薑棗引。如外感風傷衛。加桂枝。白芍。杏仁。防風。白芷。川芎。
陳皮。半夏。寒傷營。加麻黃。羌活。北辛。柴胡。咳嗽。加蘇葉。
杏仁。氣不順。加厚樸。藿香。芥子。腳氣寒。加羌活。獨活。秦艽。
檳榔。木香。甚者。加麻黃。肉桂。濕熱。加苡仁。牛膝。防己。木瓜。萆

辭。食積加神麩。麥芽。山查。砂仁。脾胃弱不思飲食加光

條。扁豆。黑薑。心虛加志肉。棗仁。龍眼。大便數加桂附砂

仁。澤瀉。嘔吐痰咳加陳皮。名異功散。再加半夏。名六君子

湯。再加藿香。砂仁。名香砂六君子湯。去茯苓。加黑薑。名

理中湯。再加青皮。陳皮。名治中湯。俱治胃寒諸症。欲氣

血平補。加熟地。當歸。川芎。炒芍。名八珍湯。再加蜜芪。肉桂。

名十全大補湯。十全去川芎。加陳皮。志肉。薑棗。名八參養

營湯。治一切虛症。

補中益氣湯。治內傷身熱。惡寒。頭痛。脉洪大而虛。或兩寸脉

沉。陽虛自汗。或喘。或渴。或氣虛不能攝血。或瘧痢脾虛。久不

能愈一切清陽下陷中氣不足之症俱用此加減

潞黨 三錢 蜜芪 焦木 各二錢 炙草 一錢 當歸 二錢

陳皮 七分 升麻 五分 柴胡 三分

薑棗引 如自汗加麻黃根浮麥升麻川蜜炙 勞力感寒

本方加表藥 口渴加乾葛寸冬 陽虛咳嗽加五味冬花

脾胃虛寒加桂附黑薑有痰加半夏前胡 泄瀉去當歸

柴胡加光條扁豆澤瀉 夢遺精滑加前仁金櫻龍骨牡蠣

脚膝無力痛痺加杜仲牛膝防己木瓜華薛

觀音大士健脾勝濕湯 治心火不生脾土酒濕浸淫等症

潞黨 一兩 焦木 五錢 蓮肉 四錢 芡實 三錢 炙草 二錢

志肉 一錢
棗仁
雲苓 二錢
苡仁 五錢
澤瀉 二錢

陳皮 一錢
葛花 二錢

龍眼川桃引 如無酒濕去葛花 氣滯加砂仁白朮 脾

氣下陷加密苳升麻 肝強脾弱加肉桂 惡心呃逆加黑

薑胡椒丁香藿香扁豆之屬 泄瀉加光條扁豆良薑

濟時道人調元粉 治脾胃虛弱久病最宜

防黨 四兩
光條 八兩
建蓮 六兩
茨實 八兩
核桃肉 四兩

陝棗肉 黑芝麻 花生 各六兩
椒紅 四錢

右藥水拌蒸三次炒陰米半升炒共為末加白饅開水調服

附簡易方

胸膈不快

青菜子炒爲末。薑湯下。

又陳佛手柑煎服。

酒肉脹悶

鹽花搽牙。溫水漱下。二三次。

肉傷胃

猪骨燒末。開水下。

胸中有物硬如龜

殭蟲爲末。冲白馬尿服。即化。

停食

酒麴穀芽炒。煎水服。

卒然噎食

橘皮一兩煎服。

噎隔

舊鐵銹刮下。飯尖七個。滾銹成丸。開水下。三次。

反胃噎疾

大雪梨一個。以丁香十五粒刺入。浸紙包。五層煨。

熟去丁香食之。

又薑汁一分。甘蔗汁二分。和勻。每服半碗。

日二服。

又柿蒂三個。搗好酒調服。又油透木梳。燒灰爲。

末酒調服。又干槌花即鑿柄木燒灰酒調服。又飲驢尿
病深者七日當效不可過多。又青礬醋調貼脚心。
呃逆不止。紙撚通鼻取嚏。又燒酒一杯新汲水一杯對冲
服。又薑汁和蜜熟服。胃熱者竹茹陳皮煎服。胃寒者
丁香柿蒂煎服。又雄黃爲末煎酒嗅鼻。氣不歸元者刀
豆米炒黑爲末開水下。

不樂奇術

飲食不消。口呼出濁氣三五口以手握拳向上掙三五次。向
背下築三五次。兩拳當胸左右轉腰三五次。或跪一隻脚伸
一隻兩拳掙地。聳肩三五次自消。

腹痛

痛症宜分氣血。食蟲寒熱虛實。氣痛無定。血痛有定。食痛脹甚。蟲痛飢甚。虛者喜按。實者拒按。大約寒則凝滯。熱則流通。痛則不通。通則不痛。痧症之痛。切忌溫補。須詳辨認。

觀音救苦丸

治九種心腹痛一服除根

炒薑

良薑

白蔻仁

廣香

玄胡 錢一

乳香

沒藥 各五

靈脂 一錢

杏霜 錢半

巴霜 五分

右共為末。煉蜜丸。梧子大。硃砂為衣。每服一九。男用左手。女用右手。先以鹽一撮。放手心內。拌研丸藥。砂仁湯下。

排氣飲 治氣逆脹痛等症

枳殼

陳皮

捲撲

烏藥 各二

木香 一錢

藿香

香附

澤瀉 錢二

寶金丹 腹痛

八十七

如嘔而兼痛加半夏丁香黑薑食滯加山查麥芽老積
加三稜莪朮脇痛加青皮白芍柴胡小腹痛加小茴
寒疝加肉桂炮薑吳萸北辛荔枝核去藿香熱疝加猪苓
澤瀉懷通檳榔橘核去烏藥藿香

藍仙伐木逐寒湯治男婦肝強脾弱寒犯臆中痛連脇背

當歸五錢川芎炒芍靈脂醋製柴胡

管仲錢各三焦朮五錢蒼朮二錢良薑三錢肉桂

沉香小茴錢各一

生薑引如左脇痛加青皮右脇痛加鬱金單脇痛不
宜補者小柴胡湯加青皮枳殼香附方見風寒門

逍遙散

治木鬱忤土鬱滯不通而痛者經云木鬱達之

焦術 三錢

炙草 二錢 當歸 五錢 炒芍

柴胡 三錢

蘇荷 一錢

煨薑引

如痛甚加香附木通

肝火甚者加丹皮梔子

附子理中湯

治厥逆陰黃吐瀉中寒腹痛脉沉細陽脫等症

附片 二錢

洋參 五錢

焦朮 四錢

炙草 二錢

黑薑 三錢

右共為末每服四錢作湯亦可

如發黃加茵陳

吐瀉甚

者加丁香胡椒肉桂灶心土煮水煎藥

吐衄去甘草加川

椒烏梅

胃口多滯加砂仁草蔻

心悸加茯苓

胸又骨

及乳傍痛屈虛者加四物湯蜜芪砂仁附米方見婦科

大營煎 治精血虧損心腹作痛及腰膝疼痛。

熟地 七錢 枸杞 杜仲 牛膝 各三錢 當歸 五錢

炙草 二錢 肉桂 一錢

如寒滯在經不能流通必加附子方效。氣虛加洋參焦朮。

嘔惡加黑薑。腰膝痛加續斷木瓜。肝腎陰寒小腹痛。

疝氣本方去炙草加烏藥沉香小茴吳萸荔枝核之屬。一婦

人經遲血少多痛加丹參西砂香附帶濁加故紙。

附簡易方

九種氣痛 香附玄胡俱醋炒良薑酒炒等分共為末每用三

錢薑鹽煎湯沖服。又老薑切片桐油煎酥為末再用葱開

水冲服。少許兼治羊毛疔。又陳石灰一兩研末水澄清去粗泥垢。加白礬生熟各五錢薑汁獨蒜共爲丸。梧子大燒酒下十三丸。又食鹽一錢生薑七片煎服。又陳佛手柑炒爲末。兑酒服。又花椒生芝麻共爲末冲酒服。又芝麻炒黃好醋一盞煎服。又新棉花子炒研每服三錢數服除根。諸般氣痛外治。竈底熱灰和醋熨。或炒白芥子食鹽細糠生薑火葱蘿蔔。隨便宜用。熱熨冷換。

五臟寒痛 胡椒硫黃共爲末冲燒酒服。又吳萸熟艾水煎服。又川椒水浸閉口以井水空心下四十九粒。

胃腕食滯脹痛 牙皂燒烟筒盡爲末燒酒下一錢或用吐法。

胃虛作痛。好燒酒浸大冰餠一塊。將酒燒燃。俟其自息。打碎。

冰餠水克服。

脾胃虛寒作痛。肉桂、白蔻、砂仁、入肥鴨肉炖。和鹽醋任意服。

心腹惡氣作痛。生艾搗汁飲。乾則濃煎。

急心痛。螺螄殼燒為末。開水下。又竈心土為末。開水調服。

暴熱心痛。掘黃土成坑。入淨水攪清飲水。兼治熱痧。

積年心痛。鵝腿晶釀醋煮。頻服不發。

厥逆腹冷痛。連蒂老絲瓜燒存性。為末。沖酒服。又雞蛋煮。

熟去殼。放臍內。一時一換。數次。冷氣收入。蛋內。即愈。又以。

二酒壺盪燒酒。將酒傾出。以壺口合於臍上。吸之。輪換效。

瘀血作痛 韭菜汁熱酒冲服 又桃仁七粒炒研酒下
心腎血虛作痛 婦人油頭髮燒爲末酒冲服 又代煎滾刀
皮燒末米飲下

癥瘕積聚血包作痛 樸硝大黃大蒜共搗熱貼上以熨斗運
蟲痛 檳榔百部各一兩煎服 又馬齒莧鹽炒一碗空心食
又苦楝樹皮炖精肉月頭服數方兼治小兒蟲積

不藥而愈

鬼氣腹痛 令患者靠壁或柱旁將痛處挨比在壁柱上即叫
過開以手自按其痛處行術者於所比上號擗字唸咒曰掀
天揭地大吉昌老君命吾摸肚腸一摸三百六十骨節二摸

心肝脾肺腎腸三摸邪魔瘟疫去。四摸五鬼見閻王。五五一十五老君命。吾來摸肚吾奉。太上老君急急如律令。

腰痛

腰痛有風寒濕熱瘀血腎虛之別。風寒宜溫散。濕宜燥熱宜涼。若因挫跌撲宜散瘀血。虛損宜補肝腎。此症屬虛者居多。必先固精養血。方是治本之道。

獨活寄生湯 治風寒濕氣及脚膝疼痛。

獨活 桑寄生 防風 秦艽 威靈仙

細辛 安桂 茯苓 炙草各一錢 當歸

牛膝 狗脊各二錢

生薑引 如濕甚身重加蒼朮羌活 腰背畏寒加附子。

澤蘭湯 治閃挫跌打瘀血內蓄轉側若刀錐之狀。

澤蘭 二錢 歸尾 五錢 赤芍 丹皮 紅花

桃仁 各二錢 廣七 一錢 牛膝 三錢

水煎熱酒冲服。如二便不通。加大黃。非此不救。

馮公補血散瘀湯 治久年跌閃老疾。脇脹腰痛。

生地 五錢 熟地 一兩 坪歸 一兩 丹參 五錢 乳香

沒藥 二味 然銅 醋炙 血結 各一錢 杜仲 牛膝

續斷 碎補 各三錢

酒引。或加紅花二錢。服二劑下黑血。效。

當歸地黃飲 治腎虛腰膝疼痛。

當歸 三錢 熟地 五錢 棗皮 光條 杜仲

牛膝各三錢 艾草一錢

如下部虛寒。加入參、枸杞、故紙、川桃肉、桂、附子、遺精。去牛膝。加金櫻子。

附簡易方

脹滯腰痛。八角茴炒研。酒服。絲瓜子。刀豆殼。俱可外以黑豆

炒熟。布包熨之。

風寒濕痺。川烏生搗。加鹽水攤貼痛處。

挫閃腰痛。神麴一大塊。燒紅。淬酒一碗飲。

傷力腰痛。脇脹。口血腥臭。紅牛膝根。白牛筋條。根刺。九加根。

倒竹傘根。三月苞根。澤蘭根。炖酒服。將渣搽患處。

腎虛腰痛 杜仲故紙鹽水炒入水煎繼用羊腰四個去脂膜
 入藥煮熟再入韭椒薑鹽醬醋作羹空心食三次猪腰亦可

前陰

遺精症滿而遺者無害惟五藏俱虛遺滑無常
 最為難治初起宜清瀉君相之火無火宜補心
 脾固腎氣 濁症有二一由敗精濕熱滲入膀胱
 一由心脾腎虛不能統攝一宜分利一宜培

諸症

補大因與遺消同治 淋閉二症因濕熱壅塞
 者多因氣虛火衰者少初起宜清火分利久宜
 補氣以化精 痲痺縮腫有火有寒宜脈症互參
 補凝滯 陰痿

寧志湯 治君相火熾夢遺而小便痛澹中病即止

志肉 一錢 棗仁 茯神 錢各三 生地 白芍

丹參 苦參 寸冬 蓮心 鹽栢 錢各二

甘草 前仁 錢各一

賽金丹 前陰

九十二

燈心引。如心火盛加光連。相火旺加知母、膽草。

丹邱、仙子固精湯。治脾腎虛損，禁後即苦遺滑。

洋參 蓮肉 芡實各三錢 炙草 志肉各一錢

棗仁 茯神各三錢 五味一錢 元熟一兩 棗皮

光條 兔絲各四錢 巴戟三錢 前仁錢

龍眼肉七個引。如有浮火加元參、寸冬。無火滑甚加金

櫻、龍骨、牡蠣。此方作丸亦可。

葶藶分清飲。治濕熱白濁。

葶藶 焦朮 雲苓各三錢 前仁 蓮心

鹽柏各二錢 甘草 菖蒲各一錢 丹參二錢

白雞冠花引。如久不愈者。用前固精湯。

五淋湯 通治五淋。

當歸 赤芍 赤茯苓 白茯苓 滑石

桔梗 黃芩 炒梔 甘草

燈心引。如大便閉。加元明粉。大黃。

補中益氣湯 治氣虛便閉。

方見脾胃門。再加白寇。桔梗。車前。牛膝。或肉桂更妙。

金匱腎氣湯 治命門火衰。陰無以化。而便閉者。

方見腫脹門。

五苓散 通治七疝。

方見風寒門

如卧則入行立則出為狐疝多屬風痰加桂枝防風陳皮半
夏。囊冷結硬為寒疝加吳萸附子。陰莖腫或潰為膿名
筋疝加黃連炒梔。氣鬱則脹怒罷則散為氣疝加檳榔木
香川練子。狀如黃瓜在小腹兩傍橫骨兩端名血疝加歸
尾紅花。囊腫如水晶或搔痒出黃水為水疝加木通前仁
囊大如斗不痒不痛名癩疝屬濕加蒼朮滑石。

右歸飲 治命門火衰陰痿陰縮

元熟一兩 棗皮 光條 枸杞 杜仲各三

肉桂 附子 炙草各一

如陰痿無子。加菴蓉、仙茅、韭子、川桃、人參、鹿茸。陰縮
腹痛。加吳萸、北辛、當歸。

竹葉湯方

遺精 白鮮皮、三百草、煎甜酒服。再加仙茅、椿根、炖雞服。又

荷葉為末。冲甜酒服。又蘇麻一升炒研。每晨開水下三錢。

又遺滑精 金櫻膏、芡實粉為丸。多服。又茯苓、五倍子炒。共

為末。麪糊丸。又每晨吞北五味三十粒。又韭子酒浸炒。

同雞內金為末。甜酒下。又石決明麪煨熟。去粗皮。龍骨煨

飛。共為末。服。夜卧。總宜側跨一隻脚。忌仰睡。

熱淋 粉丹五錢。炖淡酒服。又茅根半觔。水三碗。煎至二碗。

冷飲三服。又馬齒莧搗汁飲。又芹菜煮湯常服。

遺溺。雞內金並腸燒為末。酒調服。又台烏為末。飯後米飲。

下。又紙一張。放簾下。隨尿浸陰乾。燒為末。沖酒服。

氣虛多小便。羊肺少入羊肉。炖服。又白菓仁。七生七熟食。

小便火閉。車前草搗汁。入蜜沖服。外用田螺一個。和鹽生搗。

敷臍下。一寸三分。又白菊根葉搗汁。沖淡酒服。野菊亦可。

又椿子根煎服。兼治水腫。但勿過下。又蚯蚓七條。搗和。

涼水。澄清飲水。又土狗焙研。黃酒下。

老年虛人氣閉。火葱切炒。布包更換熨小腹。或同蜜搗包外。

腎。又萵苣菜搗敷臍上。又鹽填臍上。艾火灸之。

疝氣

陳皮九錢。荔枝核四十九個。炒黃。硫黃五錢。火化投水。

去毒。共爲末。飯和丸。梧子大。每服十四五丸。溫酒下。又久

燒砂鍋一個。打碎。同麻油炒烟盡爲度。研末。煉蜜丸。溫酒下。

又牛鼻繩結子一個。燒存性爲末。滾酒沖服。兼治乳痛。

又川椒。紅葦麻子。去殼。青鹽各五分。石決明煨一錢。共爲末。

裝稀布袋內。痛在左。則捏左手。在右。則捏右手。外用棉花將

拳厚裹布包。再以毡帽套於拳上。用帶捆緊。勿令洩藥氣。解

衣而卧。患處亦用棉花覆之。輕者即愈。重者換藥連包三夜。

無不愈者。

陰冷

胡椒白礬黃丹芒硝。共爲末。唾搽手心。男左女右。合陰

上令極熱汗出兼治小腹冷痛。

陰痿 淫羊藿、羊油炒。純酒常服。又原蠶蛾爲末沖酒服。

陰縮 硫黃三錢沖熱酒服。無藥急灸臍下。又火硝一錢鹽

湯下。又挖耳草根葉爲末沖燒酒服發汗忌風。又生薑

去皮潤菜油貼大臍再以極熱帕子貼肚臍須兩塊更換。

陰腫陰痿囊風 蛇床子、荷葉、浮萍煎水熏洗香薷亦可。

火症陰腫 馬鞭草搗敷內服龍胆瀉肝湯。

莖中痛 甘草稍、車前草、苦練子煎服。

囊腫核痛 牛屎燒灰和酒敷。又白礬二兩、雄黃一兩、甘草

七錢煎水洗之如神。又棉花子鑽煎將腎囊坐入薰之俟

湯冷則止。二三次散其冷氣。

偏墜腫子 絲瓜葉炒黑雞蛋壳燒灰各三錢温酒引

不藥奇術

倒陽法 如陽舉以心下注丹田提縮陽物呼吸氣三五口俱

從丹田出入自倒 又以紙撚攪耳心

後陰

泄瀉多由脾虛不能運化以致偶傷生冷及酒
食油膩即苦泄瀉宜温胃去濕行氣逐寒久則
宜補胃固腎兼補命門 痢疾多發於夏秋因
生冷濕熱積滯而成大法先宜推蕩分利邪毒
去盡然後温補收功切忌收瀉太早反多變症
秘結宜分虛實脫肛多由中寒氣陷至痔漏
外科門覓方

諸症

呂祖治泄痢三方其一 治白水瀉。

炒芍一觔 柴胡八兩 厚樸一觔姜制 木香八兩 南山楂

猪苓各八兩 澤瀉一觔 車前仁八兩 炙草四兩

右共為末。薑引。每服三錢。如吐加藿香。腹硬加枳殼。

其二 治白痢。

捲撲八兩 檳榔一觔 木香八兩 吳萸四兩 車前仁八兩

炙草四兩

右共為末。薑引。每服三錢。如腹冷痛加黑薑官桂各四兩。

其三 治實熱火症紅痢。

光連四兩 槐花 地榆各八兩 生軍四兩 紅花二兩

右共為末。燈心引。每服二三錢。數方依法製。合時向東九叩。

抑扶煎 治寒濕生冷傷臟作瀉及霍亂實邪初起等症

黑薑 二錢 炙草 一錢 陳皮 厚樸 烏藥

吳萸 猪苓 澤瀉 各二錢

如寒甚加肉桂 濕甚加蒼朮雲苓 氣滯痛甚加木香砂

仁 脾胃弱加焦朮

呂祖溫胃固腸湯 治脾胃虛寒作瀉夾濕者

洋參 三錢 焦朮 光條 蓮肉 各五錢 炙草 二錢

肉桂 一錢 良薑 松花 烏 茯苓

苡仁 各三錢 澤瀉 二錢

紅棗核桃引 如瀉甚加豆蔻或故紙黑薑 久瀉加五味

粟殼醋炒。

呂祖補火止瀉丸 治命門火衰不能生土久瀉不愈者。

熟地 八兩

棗皮

光條

枸杞

杜仲

故紙 各四兩

鹿茸 三兩

洋參

蓮肉 各六兩

豆蔻 四兩

炙草

肉桂 各二兩

右共為末煉蜜丸梧子大每服四十九淡鹽湯下。

承氣湯 治實熱秘結。

方見風寒門。

濟川煎 凡虛弱便閉不堪攻擊宜此主之。

升麻

枳殼 各一錢

蕊蓉 三錢

當歸 五錢

牛膝 三錢

澤瀉 二錢

如氣虛加洋參。水虧加熟地麻仁。有火加條苓。

附註

水瀉 車前子一兩。肉桂五分。水煎服。兼治小便不通。白饴

一兩。雞蛋清一個。火酒一杯。煎服。

泄瀉不止 糯米浸一宿。漫火炒極熟。爲細末。加山藥末二兩。川椒少許。每日用白饴開水調服。大有滋補。胃寒加黑薑。

赤白痢 不問老少。孕婦。馬齒莧搗汁一茶杯。和雞蛋清。炒熱。

服之。再服即愈。又陳皮。陳艾。生薑各二錢。食鹽一錢。水煎。

服。又老薑細茶。煎服。又久年老蘿蔔。帶莖懸空。厚下者煮。

水服。又好黃土水。煮去渣溫服。又端午取葶藶入瓶中。

以火酒浸黃泥封口。遇患者與二枚空心原酒下。

熱毒血痢。大黃當歸煎服。又金銀花四兩水煎服。又食

鹽紙包火煨研末調粥飲三次。又大蒜搗貼足心及臍。

下痢後重。蘿蔔子炒為末開水服三錢。

久痢。烏梅大棗各七個粟殼三個甘草燈心共搗煎酒服。

又五倍子一兩生熟白礬各五錢為丸白痢水酒下水瀉米

湯下。又石榴皮茄根焙共研米飲下。或沙糖下。又高粱

子炒焦水煎服。又醋炙黃雌雞吃。或小茴炒炮小母雞食

噤口痢。五穀蟲洗淨。瓦焙黃研末新汲水下。又沙糖半斤。

烏梅三個。煎水時服。又鯉魚重一斤者。如常烹薑醋煮湯。令嗅之。欲食隨意盡飲妙。又生大附子切片。放初發石灰礦子上。俟熱貼臍上。冷即換之。

大便不通。萱草根。同生薑搗汁服。外用獨蒜煨熟。綿裹納入。

冷即易。又桃花瓣。收存水煎服。鮮者更佳。又葱管蘸蜜。

粘皂角刺末。納入。又豬膽汁灌入。

老人虛人。陰結氣閉。當歸。白芷。共為末。每服二錢。蜜湯調服。

又蘇子。胡麻。各半。合同研。浸水。取汁一碗。煮粥服。

二便俱不通。甘遂。麩。包煨熟。去麩。丁香。各一錢。共為末。飯丸。

薑湯下。一炷香時即通。又芝麻。細茶。共為末。滾湯下。又

露蜂房爲末。酒調一錢服。兼治赤白痢疾。又六七月間。於牛糞中尋大蟻螂一個。反上焙乾。大便閉。用上截小便閉。用下截。二便俱閉。並用。研末。新汲水下。

脫肛

芭蕉嫩根搗汁水。酒兌服。渣和醋炒熱。攤地上。用綿隔

坐之。

又烏苞刺根煎水。酒兌服。外用馬前子焙爲末。麻油

調搽。頻治可以斷根。

又五倍子。明礬共爲末。煎湯熱洗。

又草麻子。搗貼頂心。則不下脫。

又石灰炒熱布包。令坐其

上。冷即換之。

又蟬退爲末。清油搽肚上。蜘蛛燒末亦可。

又蜘蛛作餅。貼肚臍。

又雄雞血。乘熱淋之。即收。

火症脫肛

內服槐花末。外點冰螺散。又人解熱尿淋。

脚膝

按脚膝筋骨俱屬肝腎與脾三陰經虧損風寒濕三氣乘虛內陷以致拘攣疼痛痺麻木不仁等症若非因風濕而肝腎陰虛精血不能營養筋骨者則宜專補肝腎

温經逐濕湯

治脚膝筋骨寒濕所浸疼痛等症

熟地 一兩

當歸 五錢

川芎

酒芍 各三錢

肉桂 二錢

炙草 一錢

廣香 七分

獨活

防風 各一錢

茯苓

石斛

酒炒

杜仲

牛膝

續斷

木瓜

各三錢

生薑桑枝引

如氣虛加人參白朮初起勿加

風濕重能

飲者加巴山虎五加皮泡酒常服

腎虛加枸杞

馮公補血健步湯

治風濕熱浸淫兩脚疼痛或痒成黃水瘡

生地 五錢

當歸 八錢

酒芍 三錢

防風

天麻

虎骨錢各二 苡仁一兩 牛膝

續斷 防己

木瓜 土茯苓 石斛

柴胡錢各三 甘草二錢

銀花四錢

生薑甜酒引。多服。後用補中益氣湯。加枸杞、兔絲、肉桂、附子、懷膝、木瓜、茯苓、石斛。方見脾胃門。

馮公熏洗方

木香 白芷 川芎 荊芥 蔓荊

靈仙 南藤 紅藤 蛇床 川椒

煎水洗。一日三次。忌風。洗後用黃芩葉為末。濕摻。乾油搽。羽衣仙子養陰健足湯。治陰虛血熱。足脛疼痛。

熟地 兩 當歸 四錢 柴胡 菊花 各三錢 苡仁 五錢

牛膝 三錢

如足後跟及石熱痛。加白芍、丹皮、鹽柏。次服補中湯。加玉

竹、苡仁、牛膝、木瓜、石斛。後服地黄湯。收功。方見虛損門。

生芪湯 治鶴膝風

生黃芪 料遠志

牛膝 各三兩 石斛 四兩

水十碗。煎至二三碗。加鬱金、銀花各一兩。再煎至一碗。多空心一氣服之。服後覺兩腿如火之熱。即蓋被睡。汗如湧泉。待汗盡後。徐徐去被。再服後伸筋丹。除根。

邱祖伸筋丹 治脚膝折損。愈後失補。筋縮疼痛。

洋參六錢 蜜芪一兩 白朮土炒 芡實各五錢 炙草二錢

肉桂一錢 附子二錢 熟地一兩 當歸五錢 川芎

枸杞 鬼絲 杜仲 沙蒺藜 桑寄生

柴首 牛膝 續斷 木瓜 各三錢

棗子甜酒引。泡酒服亦可。外常以藁本陳皮骨碎補吳黃葉煎水洗避風後服十全大補湯加牛膝木瓜方見脾胃門

附簡易方

兩脚腿膝冷痛 生薑生艾生葱。共搗炒燒酒。布包熱熨。又

川烏為末。醋調攤布上貼。又糟房出甑熱糟。多用罨之。

脚氣疼 蘿蔔煮湯洗。冬瓜皮更妙。兼治慣生凍瘡。

遠行快足 先以防風細辛烏藥共爲末入履內行快不痛
遠行足痛 白糖兌酒服 如腫及生石癰 草鞋水浸濕磚
燒熱踏之自消或打腿腕刺血

筋骨疼痛風濕脚痺 淫羊藿五加皮紅牛膝桑枝浸酒常服
筋骨拘攣 松節一兩乳香一錢石器炒焦共爲末木瓜煎酒
下 又續斷牛膝虎骨龜膠等分浸酒服

手足筋縮 紫草燒存性爲末酒調服 又左轉藤浸酒日服
骨痿無力 製何首烏一斤經牛膝半斤共爲末蜜丸酒下

不樂奇術

脚轉筋 男子以手挽下陰女人扯奶子自舒或唸木瓜

舒筋法 筋縮不能伸用竹筒尺餘繫繩挂腰間坐則舉足搓

滾之久當有效 又常獨站一足用力擺其一足

婦科

婦人諸病半與男子同治但男以氣為主女以血為主胎前產後經期崩帶之異耳婦人多鬱多寒多血虛氣痛等症然性多偏信坐視藥婆每致自悞為丈夫者當理論之

四物湯 凡婦女諸病以此為主照症加減

元熟一兩 當歸五錢 川芎二錢 酒芍三錢

水煎服有火地黃白芍生用 如血枯經閉腹痛加紅花牛

膝香附肉桂積滯者更加莪朮 熱入血室兩脇作脹加粉

丹柴胡酒苓青皮 胎氣不安加蜜芪焦朮砂仁杜仲膠珠

附米有火加寸冬黃苓脹滯加枳殼蘇梗胎漏加地榆續斷

艾葉糯米百粒酒引。陰癢。加五加皮澤瀉土茯苓。陰挺。
加柴胡炒梔黃芩粉丹。血熱脚後跟發燒。加生地丹參紅
花黃柏。苾仁牛膝。後用六味地黃湯。加元參骨皮牛膝。兼治
頭頂心痛。外感燒熱。加柴胡。內熱。加黃芩。無汗。加蘇葉。甚
者。加麻黃。有汗。加桂枝。頭痛。加白芷。身痛。加羌活。防風咳嗽。
加杏仁。防風。蘇葉。前胡。桔梗。俱用生薑引。內傷脾胃弱。經
不調。腰腹疼痛。小產。及產後血虛。加參朮苓草。各八珍湯再
加黑葛。安桂。枸杞。杜仲。附米。小茴。益母草之屬。隨宜加。八
血崩。用八珍湯。加蜜芪。杜仲。故紙。續斷。有火。加黃芩炒梔。地
榆。槐花。金櫻子。根為引。俱去川芎。白帶。用八珍湯。加光條。

杜仲故紙五倍子萸薜升麻 血虛筋骨疼痛用八珍加黃

芎肉桂各十全大補湯再加杜仲牛膝續斷丹皮兼風濕加

防風秦艽 一身麻木及口舌麻並用十全湯 若陰盛陽

衰胃寒嘔吐泄瀉經閉不調氣脫血脫六脉沉細宜參芪朮

草薑桂砂附等藥不可用四物湯以補陰

逍遙散 治婦人鬱怒成疾兩脇作痛等症

方見腹痛門有火加丹皮炒梔痰氣上壅加青皮白芥

青雲子拈痛湯 治婦人血氣痛

元熟一兩 當歸四錢 川芎 炒芍各三錢 肉桂一錢

陳皮 檳榔各二錢 香附 元胡 靈脂三味醋製

沒藥製各二錢

生薑益母草引。如有表症。加細辛、蘇梗。氣虛去檳榔。

嘔惡加炒薑。痛在小腹。加烏藥、小茴、吳萸。

葛仙翁廣育丹 兼治經水不調、腹痛帶下。

元熟六兩 當歸四兩 酒芍各三兩 杜仲

續斷俱鹽水炒 阿膠各二兩 此味和 廣皮五錢 元胡一兩

香附四兩 酒醋米泔便各製一兩

右共為末。煉蜜丸。如經先期色紫。改兩為錢。作前劑。加黃

芩、薑引。過期色淡。加肉桂、黑薑、熟艾、薑引。服至經盡止。

呂祖士子丸 男子服補益。孕婦服即雙胎。夫婦俱服。可以種

子火多者不可服。

洋參 當歸各四兩 菖蒲 油樸 吳萸各一兩

白芨 白薇 牛膝各五錢 乳香 沒藥各三兩

細辛五錢 雲苓二兩 桂心 附子各一兩

右共為末。壬子日修合。煉蜜丸。如紅豆大。每服十九空。心酒下。此與各虫斯衍慶丸大同小異。

固胎毓麟湯 胎前預服。免至墮胎難產。且能培兜先天。

蜜芪 焦木各三錢 炙草 雲苓 縮砂各一錢

廣皮六分 兔絲 覆盆 故紙各二錢

煨薑引 若體弱加潞黨參 陽虛暫加附子 血虛加當

歸熟地杜仲。火旺去砂仁加條苓。凡孕婦有病宜早治。務令病愈復元飲食加健方無後患。此方多服最穩。佛手散未產可安胎。臨產可催生。

當歸一兩 川芎七錢

水七分酒三分煎服。如橫生倒產加黑豆一合炒焦淬入水中。和童便一半煎服。此方單治血虛如氣虛者宜重用參芪。死胎不下用平胃散加芒硝方見脾胃門。臨產代參湯預製以防難產及產後昏暈。

龍眼肉

蓮肉

各四兩

右二味和蒸數次。臨產食可代參。鹿鞭亦可代。

加味芎歸湯 大能催生。

當歸 一兩 川芎 七錢 婦人亂髮 如雞蛋大 龜板 醋炙 一塊

水煎酒引。是死胎亦下。如氣虛困倦。加洋參肉桂隨宜。

生化湯 產後宜服此湯。去瘀生新。免產後生病。

當歸 六錢 川芎 四錢 桃仁 黑薑 甘草 各一錢

水酒童便煎服。如兒枕痛加安桂。血熱加酒芎。

通脉湯

生黃芪 一兩 當歸 白芷 各五錢

酒水煎服。如新產無乳。加紅花。久無乳者。用七孔猪蹄。

一對。煮湯去浮油。煎藥覆面睡。即有乳。或用八珍湯炖猪蹄。



血氣痛。香附一兩。荔枝核五錢。燒焦為末。鹽湯下。良薑代荔枝亦可。胃腕當心而痛者。以廣香換香附。

女人臟燥。悲笑狂罵。如有神鬼。甘草三兩。小麥半升。紅棗十

個。以水六碗。煎至三碗。分三次服。此症孕婦多有

女人下寒。雞蛋開口。去清少許。入硫黃三錢。胡椒七粒。火煨

存性為末。酒調服。

女人血枯。白鵝血。甜酒兌服。有血積。宜飲白鴨血。

赤白帶下。扁豆為末。米飲下。又石菖蒲。故紙。共為末服。

又管仲醋炙煎服。崩漏同米炒。每二錢。酒醋下。又雞冠花

爲末。每二錢酒下。白者用白。赤者用赤。又三百草。炖猪精肉服。又硫黃入豆腐內煮。取出爲末。酒服三錢。又墨魚骨爲末服。元氣虛憊者。用蓮肉。芡實各五錢。胡椒錢半。白菓紅棗各十個。共爲末。炖烏骨雞服。

行經腹痛。丹參一兩爲末。酒冲服。經盡而止。

行經不止。紅雞冠花晒乾爲末。血崩亦妙。忌魚肉葷辛二口。

又梅葉棕皮炒黑。共爲末服。又蓮蓬爲末。酒下。

血崩。畢斗草炖雞食。又金櫻子根炖雞食。又陳棕燒灰。

存性。爲末。酒下。又葶薺一歲一粒。燒存性。研末。酒下。

經閉。茜草根一兩。煎酒服。又鼠薺燒灰。酒調服。

經閉逾年。腹脹腰痛。白芥子二兩。炒爲末。每服二錢。酒下。

又晚蠶砂一兩。炒黃。炖老酒。日服一大杯。即通。

經閉成癥。威靈仙三兩。甚者五兩。台烏一錢。韭菜白二錢。母

雞一隻。如常治淨。以藥納在腹內。砂鍋裝定。甜酒水各半。淹過雞。上用大土鉢覆之。周圍泥封固。以糠殼火從申炖。至子雞鳴時。將肉與湯任意頓食。後食乾物壓之。又臭椿皮在上中者佳。只用內白皮二觔。入鍋內熬。濾去渣。再熬成膏。攤布上。先以薑揩去垢膩。後以火烘熱。膏藥少撒麝香於中。貼血包上。俟其自落。初微痛。後周圍破爛出水。即愈。

調經種子

桑寄生五錢。扁柏二錢。龍眼肉七個。常炖酒服。

久不孕 二月丁亥日取桃花杏花陰乾爲末戊子日并花水煎一日三服。又雌雄蠶蛾八十一枚焙乾爲末煮棗肉和丸每酒下一錢夫婦並服。

驗胎 川芎陳艾醋煎服是胎必動否則非。

孕婦腰痛慣墮胎 續斷二兩酒蒸杜仲四兩糯米炒爲末山藥糊丸每服八九十米湯空心下戒惱怒酒醋猪肝發火等物。又建蓮炖猪肚食。

胎前發瘧 夜明砂三錢空心茶調服。又良薑六錢猪胆浸

一夜東壁土炒大棗三十枚去核焙共爲末開水冲服。

胎前下痢 烏雞子一枚去清留黃入黃丹一錢在內紙包煨。

乾爲末。米湯下三錢。

胎腫 羌活同萊菔子炒。去萊菔爲末。每三錢酒下。

胎動衝心 葡萄煎湯飲。

胎動不安 梁上塵。灶額墨烟。等分。每服一茶匙。酒下。

胎動下血。血痛。捨心。葱白煎濃汁飲。未死即安。已死即出。不

效。加川芎。粳米煮粥食。

胎漏 魚膠炒黑爲末。酒調服。蓮蓬亦可。

臨月易產 榆皮焙爲末。日三服。又常食麻油。豆腐皮。

催生 白芷。百草霜。等分。共爲末。每用三錢。或加麻油。蜂蜜。雞

蛋。以童便。米醋。和如膏。用沸湯調下。或酒煎。入童便少許。

又黃葵子炒七十粒研末酒調服。又灶心土爲末酒調服。

又路旁草鞋鼻燒灰酒下。又鐵錘燒紅淬酒溫服。又

九月九日取高粱根陰乾燒存性爲末酒下。以上數方治

逆產橫生俱效。

橫生倒產 蛇退一條火煨爲末滾甜酒冲服即順。

胞衣不下 牛膝一錢芒硝二錢水煎冲童便半杯服立下。

又生艾葉一把搗汁先將香油煎開冲艾汁服外取本婦鞋

灸熱熨小腹。又芡實葉或紅菱葉晒乾每用一張煎濃汁

兑酒服。又濾漆布燒存性爲末兑甜酒服自下。

子死腹中婦人面赤舌青腹冷便是。久年灶心土三錢七分。

爲末。藕蓮房煎水調服。

產後 總宜以童便紅糖沖酒多服。去瘀免後日血氣痛。

產後血不止 鍋烟煤調酒服。

產後血暈 荊芥穗炒研每服二錢。以童便和酒熱服。如口閉

灌鼻。外用鐵錘燒紅。放醋碗中熏鼻。又能解穢。又韭菜切

入有嘴壺內。用醋煎滾。以壺嘴塞產婦鼻孔。即活。

產後尿悶 陳皮煎水服。損尿胞 白芨白牡丹根各一錢

黃絹一尺煎濃湯服。忌言語。

脫肛子腸不收 鯽魚頭燒乾爲末。半搽半服。

乳汁不通 絲瓜連子燒存性。爲末。酒調服三錢。覆被取汗。

又萵苣三根搗泥好酒調服。又對葉草鰕汁冲酒服。又

黃沙鯁煎豆腐不用鹽油下酒吃三日即有。又山甲炒珠

爲末五錢米泔水下。

回乳 神麩炒研酒調服二錢。

吹乳 當歸甘草各五錢瓜萼一個乳香沒藥各一錢酒煎服。

取微汗渣外包。又金銀花蒲公英火葱酒水煎服渣外包。

又男子髮垢爲丸三粒酒下。

乳腫 絲瓜囊燒存性爲末冲酒服取汗即愈。

乳痛 蒲公英楊雀花根火葱各一兩川芎白芍香附各三錢。

水煎冲酒服。又橘柑葉香附子水皂角芋麻頭同搗包。

乳癖 白芥子搗和水攤貼以平爲期 又油菜葉搗敷二次

乳瘡 芝麻炒爲末燈盞油調塗

乳癰 芙蓉根搗取汁黃酒沖熱服即腫立消其疼須忍

陰癢 蛇床子一兩白礬五錢煎水洗之 又桃仁雄黃共爲

末。搽豬肝上塞入陰中。

陰腫 燕白研膏入乳香末貼敷

陰瘡 鮑魚膽搽

斷產 值行經日用四物湯加紅花油菜子一勾搗水煎服二

次。又產後紫葳鳳仙花子玉簪花根丹砂爲丸服 又肉

桂麝香紅花冰水爲丸牛膝湯下 又故蠶紙燒爲末酒調

服。又灸臍下二寸三分。陰動脉中三壯。

不樂新術

婦性多妬。取本婦月水布。包蝦蟆於廁前一尺。入地五寸埋之。

不孕。將夫婦生庚。用香虛寫於乳香湯中。夫持碗咒曰。天精地血。兩結成人。上氣下降。一物成形。早晚各默唸三遍。畢。授與婦人向東吞之。共行四十九日。無病者。可以有孕。

轉女成男。受胎三月之內。取雄雞尾九尺。置婦臥席下。床下懸捆太斧一把。刃向下。勿令人知。又佩明雄一塊。重九錢者。多食雄雞。外圍弓絃。可免小產。

靈其文干

號日遊大

將軍押煞

此符能制神殺穰胎效驗甚速若有觸犯胎神將符粘於動作遠處

奉勅

聖人勅

靈符救母

此保胎符內下七字要明寫如孕婦有犯胎神凶危將符焚化調開水服之胎自安

催生 取本人家中快子一枝左手向上拏莫封口默唸咒曰

金兜肚銀兜肚是男是女懷中坐十月懷胎已滿一時臨盆

生出三遍畢暗將快子向下陰一比交與來人照樣拏回插

在產婦衣領背心中即下 又桃仁一個劈開一瓣書可字

一瓣書出字甜酒吞 又將本年憲書有印信殼面扯來不

要人見火化酒調與服即下

內外吹乳 朱書十一地支於本婦簪上本命所屬不書

小兒吹乳 默唸咒曰青頭女子有難截起香山兩岸清泉聚

位普陀山還待我如來吹散共七遍後用口吹之

兒科

小兒之症非感風寒即傷飲食大法外感表散不可太過傷食消導中病即止切勿忌服寒涼
越伐致作吐瀉久成慢驚尤忌食肥甘生冷久
成疳疾虫症至其痘宜溫補疹宜清涼亦當變
通凡稟弱者宜培補脾胃不可輕服小科藥婆
等丸

六君子湯 治小兒裸症以此作主隨症加減

即脾胃門四君子湯加陳皮半夏

薑棗引 如氣虛加蜜芪 血虛加當歸 燒熱加柴首白

芍不作汗加蘇葉再不作汗加麻黃蜜炙搗茸頭痛加白芷

川芎身痛加羌活防風咳嗽加杏仁痰甚者加半夏芥子澤瀉嘔吐加砂仁藿香炮薑食積加神麩麥芽肉積加查肉腹脹加檳榔厚樸木香腹痛加木香炮薑寒疝加細辛吳萸小茴乾薑肉桂熱疝加猪苓澤瀉木通青皮檳榔川練子泄瀉加厚樸澤瀉日久者加光條扁豆故紙黑薑脫肛加蜜芪升麻虻蟲加榧子史君子烏梅川椒虛喘去陳皮半夏加元熟歸首胡桃肉

懷嬰丸

治小兒外感發熱惡寒咳嗽食滯嘔吐等症

黨參

焦朮

蒼朮

炙草

雲苓

羌活

獨活

川芎

升麻

芍藥

養金丹 兒科

百十一

粉葛

前胡

桔梗

枳殼

陳皮

厚樸

檳榔

台烏

藿香

淨半

右藥只芍藥。炙草各五錢。餘皆一兩。共為末。酒水和丸。如菉豆大。硃砂為衣。量兒大小。大則每服五六顆。小則二三顆。先服薑蔥紫蘇引。取微汗。二服薄荷燈心車前草引。三服薑棗引。咳加桑皮。嘔加灶心土引。

育兒丸 治小兒內傷。食積嘔吐。腹痛泄瀉等症。

焦術

蒼術

薑汁炒

雲苓

去皮

肉蔻

煨去油

安桂

去皮

廣皮

炒

油樸

薑汁炒

神麩

炒

猪苓

澤瀉

右藥只薑蔥三個。餘皆一兩。共為末。酒水和丸。如菉豆大。百

草霜為衣。每服七八顆。先服煨薑。壯心土引。二服吳茱。

胡椒引。

肥兒丸

焦朮

光條

蓮米

芡實

各一兩五錢上
三味飯上蒸熟

炙草 三錢

茯苓 一兩

澤瀉 炒

陳皮

各四錢

神麩 五錢

杏肉

一兩

五穀蟲 錢五

右共為末。煉蜜丸。常食。白饴調末服亦可。或加炒陰米打糕。亦妙。如外熱加柴胡三錢。內熱口乾便結加黃連酒炒三錢。骨蒸加地骨皮五錢。肚脹腸鳴加檳榔五分。廣香一錢。泄瀉加肉豆蔻三錢。麵煨。瘦極成疳加蘆薈三錢。

治疳散 凡疳初起。枯瘦嗜食。面白齒血。肚大筋青。脚小便滑。久之眼珠斜。不易治也。

青皮三錢醋炒 青相子二錢滑石三錢雞肫皮四錢夜明砂三錢

史君子肉一兩火尖炮 穀蟲五錢微炒

右共為末。開水調服。如濕熱。加蘆薈。蕪荑。目不能視。加

穀精。銀精。火燉。

逐疳丸 治一切黃瘦。肚大腹痛。蟲積實症。神效。

全蝎炒去足 殭蠶炒各一錢 胆星二錢 麝香五分 雄黃三錢

巴霜五分

右共為末。神麪糊丸。如菜子大。硃砂為衣。每服一九。白湯下。

養血鎮驚湯

治小兒血虛生風實熱急驚之症

生地

當歸各三錢

川芎

白芍各二錢

薄荷

荊芥

勾藤各一錢

犀角磨水

胆星五分

燈心車前引

如熱甚而渴加黃芩粉葛各一錢

逐寒蕩驚湯

治小兒虛弱轉為慢驚嘔吐泄瀉等症

胡椒一錢

丁香十粒

炮薑

肉桂各一錢

右共為末。灶心土煮水澄清煎藥。頻頻灌之。

加味理中地黃湯

治小兒慢驚氣血大壞。補天救本之功。有

難以盡述者。

洋參

密芪各二錢

焦木三錢

炙草

乾薑

肉桂 錢一 熟地 五錢 棗皮 一錢 枸杞 故紙

當歸 棗仁 錢二

生薑大棗核桃引仍用灶心土煮水煎加附子五分另煎冲入量兒大小分數次灌之如大熱不退加白芍咳嗽不止加粟殼金櫻子泄瀉不止加丁香服一劑即去附子只用丁香七粒隔二三日再用附子二三分若虛寒至極不妨用至一二錢小兒吐瀉未甚只用此湯一服即愈或小兒夜間發熱或時熱時止尚未成驚者均宜服之柴歸飲治痘疹初起發熱無論是非邪疑似之間均宜用此有邪可散有毒可托實者不致助邪虛者不致損氣

柴胡 錢半
當歸 三錢
芍藥
芥穗 各錢半
炙草 一錢

生薑引。如陰寒盛邪不解者加麻黃桂枝。虛寒加炮薑。

肉桂。氣虛加洋參。血熱加生地。陰虛加熟地。熱渴。

加乾葛。火盛加黃芩。嘔惡加黑薑陳皮。腹痛加木香。

砂仁。實係麻疹陽明火盛者用升麻葛根湯清熱解毒水。

痘同治。

補中益氣湯。凡種痘氣虛者初出痘時服二三劑易起發。

方見脾胃門。

六物煎。氣血兩虛者初出痘時用此方隨症加減服二三劑。

即四物湯加洋參炙草。

生薑黃酒引戡分輕重隨宜。如發熱痘初出加柴胡荆芥
防風。胃寒多嘔者加黑薑丁香。寒戰泄瀉去芍藥加黃
芪桂附炒薑。

大溫中飲。凡痘頂不起色不紅嘔吐泄瀉將欲塌陷等症。

黨參四錢 蜜芪 焦朮 光條各三錢 炙草二錢

炮薑 肉桂錢一 元熟五錢 麻黃六分 柴胡一錢

生薑引。灶心土水煎濃少加黃酒多次灌之。如汗多者減

麻黃。不瀉者加當歸。

大補元煎。治小兒慢服寒涼嘔吐泄瀉痘不起發危在旦夕。

速宜大劑連進與六味回陽飲相間服立見奇效。

防黨 五錢 焦朮

光條 各三錢 炙草

肉桂

附片 錢各一 元熟

棗皮

枸杞

杜仲

故紙

棗仁 各三錢

生薑三片。核桃三個打碎引。

如汗多加蜜芪。泄瀉甚者。

加粟殼龍骨。瀉止痘後並減去附子。調理數劑計日可復元。

六味回陽飲。治小兒痘症元氣將脫。它成慢驚。危在頃刻者。

方見風寒門。

如嘔甚者。加胡椒末五分。丁香十粒。肉桂二錢。灶心土煮水。

澄清煎藥。少少頻灌。二劑上減去附子。吐瀉少止。即進大補。

元煎。

白虎地黃湯 治痘症麻疹實熱口渴喜冷口臭二便閉脉洪

雜症實熱通用

石膏三錢 甘草一錢 生地二錢 當歸三錢 枳殼

澤瀉 木通錢一 大黃錢半

燈心引 服此熱退身冷即宜以荆防地黃湯調理 若二

便清白不喜冷飲此假熱症不可妄投此藥此乃備而不輕

用之方也

附簡易方

浴兒 桑槐梅桃柳折枝煎水浴

小兒三日開胃氣 碎粳米煎濃汁與兒飲二七日又與哺不

得輕服襍藥以損元氣。

小兒初生 韭汁少許灌之吐黃水下惡血 又青菓一枚燒

研入硃砂五分和勻嚼生芝麻一口和藥絹包棗核大安兒

口中令啞一時 又胎髮臍帶燒灰入硃砂少許共為末令

兒合乳吞之 以上三方俱令兒少病稀痘

小兒初生皮脫 黃柏炙為末和猪胆塗 又伏龍肝為末唾

津搽

小兒初生臍風 獨蒜切片安臍上艾火灸之 又杏仁搗敷

臍上 又蠶蠶為末蜜塗臍口

小兒初生不大小便 葱白四根乳汁半杯同煎分作四服即

通。又小便不通。杏仁二錢。大黃一錢。煎服。大便。戩分掉用。
初剝。薄荷炒。杏仁。元粉。共爲末。和麻油搽之。不生頭瘡。
感寒發熱。紫蘇生薑陳皮煎湯服。寅卯時。放人脇下。取汗即
愈。

咳嗽痰火。熟石膏。枯礬。共爲末。蜜水調服。又貝母五錢。甘

草生炙各一錢。共爲末。沙糖和丸。黃豆大。每服一九。米湯下。

急驚。地虱子七個。或九個。搗如泥。冲米泔水。白糖蒸熱服。

又剪猫兒尾血。和開水灌。

溲瀉。焦朮一兩。丁香松花各二錢。共爲末。白糖調服。一二錢。

又陳火腿骨。煨錮粳一錢。松花八分。共爲末。米汁糊丸。洋

麥湯下。又柿餅燒熱食。又黃豆炒黑煎湯服。

小兒痢疾。檳榔炒赤粟殼醋炒各五錢共爲末赤痢蜜調白

痢沙糖調服。又黑薑紅麥微炒煎湯服。又生薑汁研熟

雞子黃食。禁口痢臘肉骨燒存性爲末調服。

瘧疾。桃仁烏猫糞煎湯服。又胡椒二錢黃丹五錢明礬三

錢麝香五厘共爲末搽兒手心男左女右用帕包緊藥熱汗

出而愈。

肚大脹滿。饅頭一個皂礬三錢放入饅頭內蒸二次燒爲末。

沙糖調服不必食他物。飢甚只可飲粥服兩個即愈。又馬

料豆鍋粬俱炒共爲末沙糖調服。又雞蛋搗孔入大蜘蛛

一個濕紙包煨食。

凡小兒眼斜齒衄臍突肚大筋青尿白便澹足細皮黃肉瘦即
是疳疾。明雄一錢。黃丹二錢。共爲末。水飛。三歲內。每藥一
錢。分三次。五歲內。每藥二錢。分三次。用雄雞肝一具。銅刀割
碎。入藥蒸熟。五更空心與服。莫刺連服三次。又穀精草爲
末。如前法蒸食。又五穀蟲爲末。和飯食。又秋後蝦蟆去
頭足腸肚。陰陽瓦焙。塗青油。薑汁與食。六隻效。

疳痢 苦藟子生搗如泥。米粉和蜜作餅。蒸熟熱食。

蟲積 雷丸去皮炒。使君子去尖炒。各五錢。共爲末。分六次蒸

雞蛋加油。鹽。餓肚食。或單用雷丸末煎雞蛋。又葱汁和菜

油少許服。蟲化為水。又礦石灰化水。澄清飲汁。

小兒肥瘡。牙皂。花椒。細茶。水銀。共為末。調香油搽。又黃牛

皮燒灰。麻油調搽。

禿瘡。馬前子。黃丹。各五錢。共為末。調香油搽。先用刀剃過。

頭瘡。馬齒莧搗汁。和白蜜。豬油熬膏塗。兼治痘疹餘毒。年久

禿瘡。又芝麻嚼塗。不可亂搽毒藥。能損人。

頭疽初起。獨蒜磨。卧房干脚泥搽。即散。色成。用此泥煨過。

調麻油敷。圈留頂。刺出毒血。即愈。

口瘡。薔薇花煮濃湯。噙冷。即吐。春用根皮。夏用枝葉。又梔

子一枚。去子。填硼砂。火燒存性。為末搽。又大棗一枚。去核。

入人中白燒灰塗。又莧梗燒灰。米泔水洗後搽。又苦參。

瞿麥雞公尾蛇牙草明鏡草野黃麻雞蛋醋水鑽煨漲乘熱

熏俟溫洗日三次。

重舌 舊鏽鎖火燒打落鐵片爲末。冷水調服。

兩腮腫硬 桑柴灰入雞冠血二三滴。鹽水一匙。和勻搽。

臍瘡 洋參焙。胭脂。黃牛屎燒灰。共爲末。瘡濕乾。搽瘡乾。香油

調搽。又馬齒莧燒灰調敷。

汗後脚軟 棉花子炒香煎湯。每早服一茶碗。能站立後服補

中湯。方見脾胃門。

稀痘方 孕婦常以白芝麻二三升。置於出入處。隨時嚼服。小

兒不受胎毒

又除日以烏魚煎水浴小兒能稀痘

痘初發免險症

犬蚊子七枚研碎水酒各半冲去渣服冬則

蚊藏犬耳

又大黃蒼朮燒烟熏之

又荳菱掛房辟穢惡

痘將出

老絲瓜近蒂三寸者燒存性沙糖冲服多者可少

痘多不灌漿

白牛身上氣子二錢新瓦焙爲末龍眼湯下服

後即起黑衣虱在牛耳中取

痘毒

生螃蟹搗飛羅麵貼患處

痘疹發斑熱極

但令卧陰土上即能拔熱毒

痘潰不能着席

麥麩淘淨夾褥墊卧

痘不脫痂

白饴調開水常服

痘落眼中。青葉磨水點之。又五皮風搗爛包脉上。在左包

左。在右包右。兩眼左右俱包。

凡痘始終。采水柳煎湯浴之。並令少飲。皆效。

女兒纏足面黃肌瘦多鬱煩躁。逍遙散舒之。歸脾湯養之。方

見腰痛門。血症門。外以鳳仙花狗地芽黃楊根防風烏藥煎

湯洗。

指生雞眼。磁鋒刮至肉。以葶薺磨汁塗之。又蜈蚣泡青油

搽之。皮爛者。枯礬為末。搽之。

不藥奇術

藏胎衣。三日用鑽盛布封。埋百二十步外。月空生炁方。高煆

處令兒少病易養。一云火煨。

小兒初生不大小便。令婦人以水漱口。吮兒前後心及臍下。兩手足心共七處。每處吮七口即通。

神火灸小兒初生臍風及徂陽寒驚風並火閉痰閉氣閉卒死者。

一切實症。小燈心一根染以麻油。抱兒於避風處。照前穴。

道灸之。病輕及熱邪入裏並久熱陰虧者忌用。

外科

瘡毒多由氣血不和治者當分別陰陽虛實大
約痛者陽症癢者陰症實宜攻散虛宜內托潰
爛久宜溫補跌打宜散瘀刀傷潰爛治同爛瘡
近時外科寡識經脈患者須內外延醫兼治

仙方活命飲 治一切瘡癰陰陽惡毒未成即消。已成即潰。故

痰消腫化膿生肌。

銀花 皂角刺 甘草節 山甲錢各二 防風

白芷 貝母 花粉 陳皮 歸尾

赤芍錢各一 乳香 沒藥錢各七

酒水各半煎服

天師消毒至神丹 治一切瘡毒癰疽初起內服此藥外用艾

灸藥包自易見效

金銀花兩四 蒲公英兩二 生甘草兩一 天花粉錢五 大全歸兩二

水酒煎服二劑全愈 如病在上部加川芎中部加桔梗下

部加牛膝陰症服仙方活命飲其瘡多不起發不如此方之

穩 表症先用荆防敗毒散加白芷以散之或人參敗毒散

加黃連黃芩黃柏梔子連翹隨宜。陽症加元參一兩連翹五錢。陰症加黨參一兩附子三錢。苡仁一兩。體弱者加生黃芪一兩。

馮公消毒餅 治瘡毒初起未成可消。

麝香一分 冰片二分 水銀一錢 天葵子 玉靈仙

木魚草 山黃瓜 遠志 蚯蚓糞

右後六味搗爛作餅。前三味研末摻餅上。紅腫熱者加黃柏末三錢。磁鋒多疔瘡上出惡血用藥貼之。

呂祖散毒膏 若嫌前方藥貴用此。

火葱 薄荷 土貝母 生南星 茅根

赤小豆 萊豆 芒硝

右以礬灰浸水和搗。加麻油包。白蜜亦可。

托裡定痛湯 治瘡瘍不能起發或疼痛不潰。此方加減。

洋參三錢 黃芪八錢 焦木三錢 當歸一兩 炒芍三錢

苡仁四錢 防風 柴胡 乳香各二錢

甜酒引。在下者。牛膝引。如有火。加酒苓。腫。加土茯苓。

痛癢。加荆芥穗。成膿。加甲珠。天丁。去柴胡。血虛。加熟地。

川芎。陽虛胃寒。加肉桂。黑薑。陰症。加桂附。口渴。加寸。

冬。北味。便結。加大黃。氣血虛。不能潰膿。及色潰不斂。服。

十全大補湯。方見脾胃門。

化腐紫霞膏 此膏能潰膿化腐甚效。

巴豆五錢 草麻子三錢 人言五分 輕粉三錢 樟腦一錢

血結二錢 螺蛳肉一兩

右共為末。磁鑽封貯。用時麻油調搽硬肉上。以膏藥封之。

猪蹄湯 治瘡毒腐爛流膿。消腫散風。去腐止痛。如腐盡不用。

只以米泔水熱洗。令瘡潔淨。好上藥。不可過洗。傷水難生肌。

當歸 赤芍 羌活 白芷 蜂房

黃芩 甘草各等分

右為末。看症用藥多寡。先以猪蹄煎湯。去油。即用藥末一兩。微火煎。去渣。軟帛蘸洗。輕手搽盡內膿。再用帛疊數層。蘸湯。

覆瘡。輕按片時四五次。可以通氣血。洗畢展乾上藥。

馮公生肌膏 治濫瘡瘰疔膿盡不能生肉收口。

猪油不見水者十二兩 檳榔二錢五分 乳香

沒藥

血結各一兩 紫草二錢五分 草麻仁二兩 黃蜡

白蜡各一兩

銀硃 黃丹 朝腦各五錢 龍骨五錢

右藥先將猪油融化。後以檳榔下六味同熬枯。傾筭箕內濾去渣。復下二蜡熬化。試其老嫩。取火候適中。仍傾碗內。方下銀硃四味。用桑條急攪之。俟冷以油紙攤貼。
三仙丹 治一切瘡癰久爛。或有蟲不能收口。至楊梅大疔。乃下身諸毒。尤為奇效。

水銀

白礬

牙硝

各一兩二兩亦可

右三味乃諸丹之本也。昇成加麝香洋片各二分。同研名爲五寶丹。再加神砂三錢。硃砂銀硃珍珠掃粉建黨各五錢。名爲萬金丹。功效尤速。惟楊梅愈後必服後消風解毒一連二湯各一二劑。昇法擇吉日淨地無風處用小鐵耳鍋洗淨。先將硝礬研勻。放鍋底。後放水銀在中心。擇堅厚磁碗。用火烘熱。薑汁塗搽內外數次。拭淨。外用鹽泥扎縫。再用河沙半乾者蓋之。以蓋盡碗底沙與鍋平爲準。下用小泥竈。擱鍋。白炭五六觔燒之火候。先小中大終小。碗后放米四五十粒。燃香三炷。視米心帶黃黑色。將火退去。以鍋移在別處。俟

冷一夜。去沙泥。掃淨。輕輕起碗。丹盡昇於其中。刮下。兑和前所加諸藥。研極細。磁瓶盛之。蠟封其口。勿令洩氣。用時以濃茶洗淨患處。棉花少許塗丹上之。多寡隨宜。其丹底亦可以治疔痒諸瘡。勿棄。又從上降下法。亦用前三味。加皂礬鍋粃。鹽各一兩。用傾銀鑽子。硝燒不破者。裝藥水銀。放中炭火架井字樣。鎔化。看白烟起。圈便結胎矣。拈起。將鑽覆磁盤上。鹽泥封固。鑽口以盤坐水盆中。四圍用瓦片斜鋪蓋盤口。炭火燒鑽底。先武後文。以炭燼爲度。俟冷。揭開。其丹降在盤內。刮下收貯。聽用。此丹能化管提膿。如硬節瘰癧。不破者。磁針刺出血。飯和丹捻成鼠屎樣。按入。外以膏藥封之。其惡肉自

潰腐。此丹與內服二湯。係周鐵生傳。

生肌散

洋參二錢 白芷一錢 甘石煨童便碎 石膏煨 赤石脂

輕粉 兜茶各二錢 麝香二分 象皮炒 龍骨各三錢

右共研細末。以無聲為度。凡爛瘡。須以藥水避風日洗。用糟魚皮貼之。膿盡生肌。

生蟻蟲方

明鏡草三錢 冰片三分 蝦米三錢 大蚌殼一個

右三味。共為末。裝入蚌殼腹內。黃泥包固。白炭火煨存性。取出研末。吹口有孔處。蚌殼為末。調蜜搽面上。紅腫處先用。

鹽茶水漱口

經驗消瘰湯 治因氣血凝滯。痰火鬱結而成。服四五劑後續

進仙方及草還丹。忌鹽及動氣閉氣發物。

焦朮 雲苓 各三錢 青皮 香附 各二錢 當歸

白芍 各五錢 丹皮 白芨 柴胡 各三錢 蘇荷 一錢

川貝 半夏 元參 各三錢 黃芩 梔子 各二錢

甘草 一錢

紫雲仙散瘰湯 未潰能散。已潰能收口。

生黃芪 各五錢 柴胡 連翹 天葵子 夏枯草

海藻 海帶 昆布 各三錢 海螺 二錢 出銀魚內 椒存性為末

浮石二錢
為末

消癰草還丹

天葵子兩夏枯草四錢金銀花三錢蒲公英五錢何首烏三錢

扁竹根三錢枸地芽二錢

水煎沖酒服。或炖猪項圈肉食。如潰爛猶硬者。八珍湯加

桔梗香附川貝。不斂者。八珍湯加黃芪。方見脾胃門。

消癰丸

元參 貝母二錢牡蠣煨各四兩

右共為末。煉蜜丸。

包癰方 能消癰瘰。并一切腫毒。

天葵子 生半夏 土茯苓 九子蓮 赤葛

野芋頭 紅母猪藤根

右共搗和酒冷天熱包熱天冷包一包三日三包愈。

散瘰膏

全蝎 血結 松香各四兩 壁虎 一個 蜈蚣 二條

大馬蜂二個 金豆百顆 黃丹 六兩 麝香 三分

右藥先以麻油六兩和熬濾渣後復熬成膏後下黃丹俟熬好起鍋後始下麝香一方單以黃鼠狼去腸肚麻油熬膏黃丹收亦妙。經驗消瘰湯草還丹散瘰膏三方係黃寶臣先君端惠公所傳濟人有效之方也。

發背至神方

生半夏 南星各一兩 酒麪一元 哺胎雞子將出者一枚炙枯

右共為末。糯米飯和作餅。貼患處。即有熱氣。乾即易之。重者

一晝夜換十餘次。漸漸收小。即愈。

消風解毒湯 治楊梅瘡愈後。餘毒未盡。宜服此一連二方。掃

毒免發。體弱者求醫斟酌。

獨活 升麻 荊芥 殭蟲 全蟲

蟬退各二錢 花粉三錢 連翹 黃柏 猪苓各二錢

土茯苓 木通 前仁 歸尾 赤芍各三錢

大黃 樸硝各一錢 山甲三片 煅珠 蜈蚣一條

滋血化毒湯

泡參

黃芪

當歸各四錢

川芎

白芍各三錢

防風

桔梗各二錢

甘草一錢

黃花三錢

瓜蒌仁三錢

大力二錢

蒲公英三錢

紅花八分

銀花三錢

前方燈心引。

後方甜酒引。

拂雲仙痔漏消毒飲 治血虛濕熱下注疼痛。

熟地二兩

當歸六錢

川芎

炒芍各三錢

苡仁四錢

柴胡

骨皮

槐角各三錢

牛膝引。如下血加地榆木耳去牛膝。兼服補中益氣湯。加

龍眼熱甚加酒軍方見脾胃門。

胎元七味丸 治痔漏不拘遠近膿血通腸者服之化管除根

胎元

三個即男子臍帶焙乾存性用

陳棕

七錢數十年者佳燒灰存性

槐角

五錢焙

地榆

三錢晒乾

象皮

四錢醋炙

牛黃

三錢

狷皮

三錢醋炙

右共為末酥油和丸如梧子大若不成丸加糯米糊少許即成每服二三十丸空心滾湯下愈後宜多服補藥善養

以下刀傷跌打方

救急散 治一切金刃木石跌撲損傷兼能接骨

肉桂

續斷

碎補

川烏

草烏

各一錢

馬前子

七個

木香

紅花

廣七

乳香

沒藥

血結

各二錢

土鼈

三個

琥珀

硃砂

辰砂

佛金各一錢

右共為末。每服一錢。童便送下。若感風寒。加麻黃桂枝。生

薑。火葱引。傷在頭上。加升麻川芎引。兩膀手。加桂枝引。

胸前。加桔梗枳殼引。腰間。加杜仲引。小腹。加腹毛大

齒引。在腎。加故紙引。大便不通。加桃仁木通酒軍引。

脚下。加牛膝木瓜引。又方。加洋參三稜莪朮川芎血藤。然

銅甲珠為丸。更妙。

應驗奇方。治跌打刀傷。藥賤易辦。

馬前子一觔枳殼半觔

右二味。先將馬前子小便浸二十四日。加枳殼。又同浸二十

五日取起清水洗淨馬前子去皮。枳殼去瓢並切成片。晾乾以黃土炒至黃黑色。研極細末。瓦罎裝好。若甚重之傷。用藥四五錢。體壯者七八錢。加麝香一厘。研勻。照前方傷在何處。加引子。另煎沖酒調服。盡醉而睡。用被緊蓋。取汗。忌風。次日以鮮猪肉煮湯食之。外即以此末摻傷處。布包止血。結痂加味四物湯。治跌撲打壓。垂危等症。

熟地一兩 當歸二兩 川芎三錢 炒芍四錢 桃仁去皮

紅花各一兩 山查 大黃各二兩

用水三碗。童便半碗。煎至一碗。放傷者鼻下熏之。乘熱灌下。如在夏天。加黃連一錢。冬加肉桂一錢。

七厘散 治金刃傷令高枕穩卧。搽傷處定痛止血神效。

紅花 六錢 麝香 冰片 硃砂各一 乳香

沒藥各六 兒茶 一兩 血結 四兩

右八味須揀好真藥。共研極細。磁瓶收貯。封口。勿令洩氣。臨用時。乾搽傷處。內服用燒酒調七厘。不可多用。

附瘡癰簡易方

凡瘡毒初起 內多服金銀花酒。凡山野間諸品辛香者。多取煎濃湯。乘熱熏洗。布熨良久。務令藥氣蒸透。再用獨蒜切二分厚。搗焦艾如指大。灸之。痛燒至不痛。不痛燒至痛。為度。或以芙蓉根葉敷之。無不立消。又芙蓉葉土茯苓共為末。調

麻油好醋用筆照其腫處圈之愈小愈圈不用塗在腫上

又遠志煎酒服渣外敷。又單麻子搗敷。又馬齒莧煎酒

服外搗敷三次加石灰蛋清更妙。又葱搗和蜜塗。又凡

石如麥飯結團者煨醋焯數次研極細蜜調塗

一切火瘡熱毒。老黃瓜上開一孔去瓤入芒硝令滿懸陰處

待硝透露如霜掃下收存敷患處目病以人乳和點

一切癰疽無名腫毒不論陰陽。血龜板一個白蜡一兩用蜡

炙龜板酥研末調酒服每三錢取汗。又白芨五錢爲末廣

膠一兩鎔化和勻敷患處外以折皮貼之留一頭出氣數次

即消。又紫蘇陳艾指甲花梗煎水薰洗再燒乳香末薰之

又桑條如指大者粗細二根。炭火上燒着一頭。吹滅。用心熏瘡。如此數次。未成者消。已成者破。疼者不疼。不疼者若疼即愈。

瘡毒無頭不破。 蠶蛾一個燒灰。酒調服。繭亦可。

軟節不潰。 雄鼠糞一頭尖者是。研塗。兼可照眼。齧肉即瘡。

凡瘡起齧肉翻花。 烏梅燒存性。為末。摻之。能蝕腐肉。 有蟲

者。馬齒莧為末。調蜜敷。其蟲自出。

一切爛瘡不收口。 桑木灰。石灰。陳艾。煎水洗過。用桑葉醋煮。

一滾。貼瘡上。能生肌收口。 又熱豆腐貼上布包。日換二次。

後用瓠殼燒為末。調油搽。 又一味藥葉為末。摻。 又抱出。

雞兜之殼燒爲末。麻油調搽。又陳牛糞在山上者爲末搽。

又猫犬頭骨燒灰。搽。

一切疔瘡。銀花野菊。天葵子。蒲公英。紫花地丁。水煎沖酒飲。

取汗。羊毛疔亦可用。又白菊花連根葉。搗取汁。沖開水服。

渣敷立消。又白木槿花。或葉皮根俱可。和鹽搗爛冷包。神

效。又端午收肥猪苗爲末。酒調服六錢。出汗。又明鏡草。

嚼敷二次。畧消。加蒲公英。蛇苞葉同敷。又以磁鋒刺破。敷

葱蜜膏二時。疔出。醋湯洗。又患者耳垢齒垢。刮手足指甲

屑。和成丸。如豆大。放酒盃內。燈下炙少許。將銀針刺破疔頭。

以丸按入。外用綿紙津濕封之。仙方也。又取螞蝗置疔上。

以之後將蝗放水。

一切贅瘤。生馬前子。以葶薺汁磨塗患處。日晩三次。

諸般惡毒疥癬。驢糞燒灰。摻或醋調搽。

風癢疥癬。蒿苣菜煎水洗。蒿筭葉亦可。

頑癬有蟲。椒葱和香油雞蛋炒作餅。乘熱貼。

又木槿皮。雄黃共為末。醋調搽。又牛耳大黃磨醋搽。又黃丹五錢代。

照磨刀粉一兩。和勻。調香油搽。先用刀剃過。又浮萍石灰。

煎水洗。常以石灰調醋搽。又燈草極搽取蟲。

面部乾濕癬。生熟明礬為末。酒調塗。又竹虱子。地虱子。瓦。

上焙乾。共為末。黃糖水調服。

鵝掌風癬 礪砂五分。川椒八分炒。六爲末。調桐油搽。柏烟薰。

遍身惡瘡癩癢 地膚子半升。煎湯頻浴。

疥瘡膿泡 明鏡草花。椒煎清油。傾碗內。後入硫黃末。抓痒搽。

又青白礬。俱火煨。和硫黃清油。於手心搓熱。聞鼻搽瘡上。

天泡瘡 胡豆殼燒灰塗。凡手足背生瘡。年久難瘥。嚼胡豆敷。

血風瘡 熱黃牛屎捏水搽。

黃水瘡 花椒。硫黃。枯礬。韭菜根。同生豬油搗。火烘搽。

火丹熱毒 燕窩泥調雞蛋清敷。又馬齒莧搗汁搽。

飛蛇丹 苧麻根可洗可敷。又蛇退燒灰。調桐油搽。

漆瘡 杉木皮熬水洗。又白菜搗敷。或煎水洗。莧菜亦可。

又韭菜汁塗。又石灰水調敷。又蠟殼燒灰調麻油搽。

對口瘡。推屎扒新瓦焙為末。加水片。水調敷。外封萬應膏。

瘰癧。紅草麻子炒熟。布包搗去油。雞蛋清調。沖滾甜酒。早晚

空心服。每服大指許一丸。但終身忌食炒豆。又紅桿芋頭

切片曬乾為末。沖酒服。久之自效。又野菊根搗酒服。渣塗。

如難消要取。以巴豆人言。共火煨為末。先用艾灸一壯。上

藥三厘。用膏貼之。又大蜈蚣。瓦焙為末。清油調塗。潰爛

不愈者。杏仁羊屎各五錢。共燒研末。猪骨髓調搽。

擔肩瘡。磁鋒刺出毒血。取老鴨口沫。搓搽。

天蛇頭。山黃瓜搗加麝香包。又黑豆嚼敷。又明雄末入

猪膽內套指上。又雞蛋開一口，將指入內，待蛋化水，連換

三個。

努騎生腿。山慈菘、古石灰、鯽魚，共搗敷。又五倍子、百草

霜，共爲末，調醋敷。又生半夏搗包，亦散。又使病人反登

脚，一人捏拳，向脚腿用力，搗下三次。

玉莖潰爛。洋片三分，輕粉一錢，甘石火煨二錢，寒水石錢半。

黑鉛五錢，水銀二錢，先將鉛鎔化，後入水銀，鉛自酥，退火同

前數味，研細搽。又鼈甲燒研，雞蛋清調搽。

下部被毒藥，熏洗腫爛。一枝蒿、和菜豆嚼敷，或黃葛葉貼。桐

油搽。又甘草、青黛、元粉、輕粉，共爲末，搽。

腎囊風 黃柏甘草煎水洗滑石末搽。

楊梅瘡下疳 每日三服生槐花三錢酒下服至二升即愈。

又大癩蝦蟆一個裝入瓦罈用甜酒淹過罈口以濕紙封慢火煨煎至酒乾一半住火只飲酒服後被蓋取汗又白芷

三奈川椒大楓子木鼈子硫黃銅綠共研調麻油搽。

坐板瘡 舊鞋底灸熱熨瘡處三次絲瓜皮爲末燒酒調搽。

腸風臙毒 槐花炒水煎服槐實亦可。

腸風痔漏 大樹木上寄生取葉焙乾爲末米飲下。

痔瘡 水皂角根側耳根炖老鴨服或以木耳海帶白饅炖猪

大臙服外用團魚一個煮死取起連殼搗爛焙乾碗盛火燒

烟起置桶內人脫小衣坐桶上熏之。又野蘿蔔三月摘去梗葉一個炖肉食。外用皮硝五錢入小便冲開水熏洗效。

又馬齒莧多煮食湯洗。又白芥子花椒河邊柳根鬚一把煎湯熏洗其蟲頭黑身白俱從瘡出。又番木鱉磨水搽止痛。

又冰片入螺內化水搽止痛。又猪肚洗淨裝紅癩蝦蟆於內。扎定肚口煮熟只食肚與湯不用鹽再以大腸炖馬齒莧食。

脫肛痔。川椒日服數十粒。又猪肚洗淨裝紅癩蝦蟆於內。

外用冰片二分。兒茶熊胆各五分共爲末搽肛上即收。

痔漏有管。槐花臭梧桐子皮硝入猪大臍內炖服酒下二十

日效。又黃荊子一兩爲末每酒下二錢。又蠶蛾紙半張。

口甚妙。又萬年灰。雞蛋和餅。煨過退火。研搽。又黃丹。白
礬。共爲末。搽。又黑薑灰。搽布包。又龍眼核。去外殼。研細
搽。又桃子油。炕乾爲末。搽。又老木菌。燒爲末。搽。加麝香。
冰片。尤妙。又葱白。沙糖。研泥封口。又嫩苧麻葉。童便泡
七日。陰乾爲末。搽。又對葉草。空筒菜。蘇麻葉。桑白皮。搗貼。
俱堪止痛。又戴過舊毡帽。燒灰敷。
破傷風。牙關緊閉。昏迷抽搐。蟬退五錢。去頭足。研末。酒煎灌
下。蓋被出汗。又手足十指甲。香油炒黃爲末。酒調服。取汗。
箭鏃彈鉛入肉。巴豆肉五個。蟻螂一個。共搗敷。兼出竹木刺。
又乾莧菜爲末。和沙糖塗之。即出。又水銀能化鉛。

跌打損傷 生螻蛄大者一個小者三個。連殼搗極爛好熱黃酒冲服。隨量飲醉。過夜即愈。骨斷者將渣敷傷處。半日後瑟瑟有聲。脫處自接。若須上夾子者。以大蝦蟆搗如泥。塗杉皮扎定。若傷重將死。用野菊花連枝葉一兩。以童便一碗好黃酒同煎。乘熱飲之即愈。如無菊花。即以酒冲童便。菊花須於九月間採。連枝葉備用。

打傷頭面青腫 生半夏研末。好醋調敷。又葱熨法。治一切

跌打骨疼腫痛。又苧麻葉石灰同搗敷。能散疼接骨。

筋骨碎斷 五加皮四兩。黑毛小雞公重六七兩者。殺死乾拔去毛。連皮合加皮同搗如泥。敷傷處。白好對時取下。不可多。

貼過時。再用加皮五兩。酒煎服。盡量即愈。又視骨斷處。大小量用古錢若干。火煨醋淬為末。沖酒服。其骨自接。凡墮壓打死心尚溫者。抬於無風處。將病人盤脚坐。一人持頭髮稍放低。用半夏末吹鼻中。醒後再取嚏數十個。使氣上升。以麻油灌之。搗川桃肉四五個。熱黃酒沖服。飲醉如無川桃。以乾荷葉燒灰。童便調下三錢。日三服。

雜治

凡方可通治及一切經驗濟人小方有難以分類者因以雜治統之

武威丸 能辟疾病惡氣。五兵白乃盜賊鬼怪。一切凶害。虎狼

蛇虺蜂蠆諸毒。

鬼箭羽

蒺藜

各一兩

鐵錘柄

入鐵處一兩

五錢燒焦

雄黃

雌黃

各一兩

礬石

二兩

羚羊角

一兩五錢微

螢火

七少取一

兩酒浸

右共為末。以黃丹雄雞冠一具。雞蛋和搗千下為丸。如杏仁大作三角絳囊。盛五丸。帶左臂上。如從軍則繫腰中。居家則掛戶上。

太乙紫金錠

解諸毒。療瘡腫。主治甚宏。立見奇效。凡家居遠

遊仕宦。不可缺此。

大戰

毛次菇

去毛

千金子

去油

蚊蛤

各一兩

麝香

硃砂

五錢

右共為末。候端午七夕重陽。或天醫二德日。預期齋戒。須於

淨室中不令婦人雞犬見以糯米煮濃汁和九杵千餘下搗成錠重一錢每服一錢或五分病在上必吐在下必瀉吐瀉後以溫粥補之如傷寒發狂胸膈壅塞及瘟疫山嵐瘴氣薄荷湯下中風中氣口眼歪斜牙關緊閉骨節疼痛行步艱難及諸癩癰等症溫酒磨服諸般瘧疾不閉新久臨發時以東流水煎桃柳湯磨服痧症腹痛非常薄荷湯下傳尸癘諸藥不效者每早清水磨服頭痛不問久近入薄荷葉內同酒搗爛貼太陽穴上牙疼酒磨塗牙根含藥少許漱口吞下喉痺喉風喉疔乳蛾薄荷湯磨服心胃氣痛淡酒或薑湯下赤白痢腹痛後重薄荷湯下癰疽發

背無名疔毒及對口瘡。天舌頭痔瘡等症。磨酒服。外以涼水磨塗。跌打損傷。松節熬酒磨服。湯火傷。長流水磨塗。瘋犬蛇蠍及諸惡蟲所傷。毒重者磨服一錠。用他人口水磨敷患處。再服葱湯一碗取汗。飲食藥毒菌毒蠱毒及自死六畜肉毒。涼水磨服。凡五絕暴死。心尚溫者。薑水磨服。婦女經水不通。紅花湯磨服。婦人鬼氣鬼胎。菖蒲湯磨服。小兒急驚。痢疳黃腫。瘡癩。蜜水薄荷湯磨服。如牙關緊閉。磨塗牙上。稍開。以餘藥灌之。六畜中毒。俱可灌救。湯火傷。先飲童便一碗。無藥即以童便淋之。再以生大黃爲末。桐油調搽。又遠志。夏枯草。攪耳草。初用搗汁搽。又紅

刺藤根去心。搗爛浸水。取泡子搽。再以猪胆搽。用林檎子葉
焙爲末。搽上。又醫生芝麻。或茶葉敷。又老黃瓜。磁曇貯
之爛水。搽止痛不起泡。又芋頭爲末。搽之。初用磨水搽。
又金墨搽亦好。又陳石灰調香油搽。又水粉拌人乳。初
經極妙。又當時以雞血淋之。又淨鴨屎。瓦上焙研。調香
油搽。又雞蛋清和酒淋洗。又破鞋底燒灰。調香油搽。
又青苔猪鬃燒灰。調香油搽。又狗骨爲末。搽效。
解毒散。能解一切毒。并瘋犬毒。蛇蟲蚊等傷。毒氣內攻。眼黑
口噤。足僵。目直。勢在垂危等症。甘草一兩。明礬一兩。共爲
末。每服二錢。開水下。并外搽患處。起死回生。

人咬 熱尿洗去瘀血。以饅雞屎厚敷。或嚼生栗子塗。

馬咬 內服馬齒莧。外用艾灸七壯。馬屎人尿共燒存性爲末。

猪油調搽

瘋犬傷及搶影 受害病發。怕風心驚。惡大聲。口吐清水。咽喉

不利。皮起雞粒。寒熱往來。其證頗與傷風相似。但無頭痛。鼻

涕咳嗽。脉浮大之別。庸醫誤認。投以發表。瘋一出。必心慌發

狂。吐舌甚急。藥不下咽。十無一生。古人傳方未傳。証今爲詳

說。傳方終身忌食牛犬肉。白芷麝香。冰片。硃砂。神砂。雄黃。

椿樹皮。兔耳風。虎耳草。大力根。拐爪根。陽雀花根。水蠟燭根。

先以草藥熬水。冲官藥末服。又狗屎椒根。過路黃。連根苗。

各七錢。旱鏵頭草三錢。共搗去筋。用熱甜酒沖在碗內。炖一刻。用明雄末二錢。分兩次服。後吃清油黃豆。能吞則毒未盡。不能吞則毒盡矣。不必再服藥也。此藥百無禁忌。只忌瓦鑽熬。無論久暫。即已瘋者。只要能下咽。無不即愈。孕婦去鏵頭草。此方極簡易。極效驗。但有患者。須六日後。毒將發時。方可服。又肥猪苗一名蘇經草。一大把。熬米泔水。當茶多服。效。又水芹搗汁。和麻油服。菜油亦可。又刮金板搗汁。沖酒服。韭汁多服亦妙。又如咬傷血出。急於無風處。冷水洗出毒血。如皮未破。須刺出血。並宜以瓦松搗雄黃末貼。或乾人糞貼。艾火灸十四壯。又中毒者。頭頂上必有紅痣一莖。急

宜拔去。

尋常狗咬。甘草杏仁嚼濫敷。又草麻子搗敷。又木鬘子

燒存性爲末。調雞蛋清搽。又癩蝦蟆草嚼濫敷。又獨蒜

蚯蚓共搗敷。又鼠屎搗敷。又熱牛糞敷。

毒蛇傷。細辛雄黃各三錢。麝香一厘。共爲末。沖火酒服。又

芋麻頭搗和酒服。以渣敷之。毒從竅出。將渣棄水中。即不發。

若傷處有竅。是雄蛇。無竅。是雌蛇。以針挑破敷之。敷箭毒亦

效。又切大蒜。灸七壯。凡一切蟲傷。受風極危者。多灸二

三十壯爲妙。又菸油頻搽。蛇牙自出。

壁虎蜈蚣傷。薑汁調雄黃搽。又青苔塗之內服。敗毒散加

青苔。

鼠咬。猫糞塗。治鼠。冬青葉椿葉絲瓜根葉晒乾加砒霜。

狼毒。四季熏於室中鼠悉避。

臭蟲。青鹽煎水洗床帳。又樟腦五錢信石一錢鱧魚骨一

兩共為末放簾上。或和菜枯燒薰床下。又九頭獅子草取

回放床四角上用二三顆置草薦下任其自乾神效。即馬齒

跳蚤。天茄葉鋪於簾下。蚤盡死。木瓜切片陰乾鋪簾下亦妙。

又桃葉煎湯澆之。又樟腦燒烟薰簾被可去跳虫壁虱。

又小貓多生跳虫以樟腦和灰麵搽。蚤盡落。

虱子。水銀一錢銀硃一分棗子三個共搗濫布包帶身上。

又水銀搓線三根。十字橫勒在肩脇上二根。圍腰一根。虱自死。又百部、秦艽煎水洗衣。不生虱。

蠹。置鰻魚骨於衣箱中。蠹自絕。重九日收吳茱萸置厨櫃中。可辟蛀。

井泉田塘蟲蛭爲害。投馬骨即絕。螞蝗咬。蜜塗。

諸毒。蠶毒。生甘草細嚼。嚙汁。若中毒隨即作吐。即用艾草三

兩。生薑四兩。煎水溫服。又蠶毒在上。則服升麻吐之。在腹

則服鬱金下之。或合二味服。不吐則下。宋李燾爲雷州推官

鞠獄。得此方。活人甚多。見范石湖集。辟蠶毒。盛葶藶佩之。

斑貓毒。黑豆煮汁飲。或吃冷粥。砒毒。飲桐油即吐。巴

豆毒。綠豆煎湯飲。半夏毒。老薑搗汁飲。丹藥毒。黃花根

搗汁飲。服藥中毒。刮東壁土水調飲。桐油毒。咬乾柿餅。

多飲熱酒亦解。酒毒。鍋蓋上氣水。接一杯飲。外常以清冷

水漱齒。菌毒。嚼生銀花葉可解。肉毒及藥箭傷。蘆薈藥筭

搗汁飲。野菜死禽獸毒。頭垢為丸含之。滾水下。

誤吞五金。豇豆子焙焦為末。水醃調開水。冷服。二三次即出。

兼化骨刺竹簽。又食飽饒半飭。即從大便出。吞銅錢。

川桃。葶藶共搗取汁。沖酒服。

骨鯁。羊脛骨燒灰。米泔水下。兼化一切金銀銅鐵。自便出。

又即將箸倒過。隨意鉗肉一塊。急吞下。又烏梅肉五倍子。

等分共爲丸。噙化。又玉簪花根搗汁。滴入喉內。勿犯牙。

吞竹木屑。鐵斧磨水飲。吞竹葉。牛口涎沖水服。

刺入肉不出。或腫痛。牛膝搗爛敷之。又生地搗敷。又草

麻子搗塗。又松香爲末。封口布包。

鬼擊欲死。雄黃吹鼻。醋吹亦可。用人唾其面。以雞血塗心坎。

即甦。或殺以撲之。

睡魘。此濁氣頑痰所致。切忌以燈照面。大聲疾呼。但痛咬脚。

後跟及脚大指。并唾其面。筆管吹其兩耳。再以生薑汁灌之。

即醒。或非汁。葱白。鹽湯均可。

救荒辟穀。白米二升。洗淨晒乾。用黃蠟四兩。鎔化。將米入鍋。

內拌勻。勿令焦枯。每食一匙。三五日不飢。若欲食。得核桃一兩。食而解之。禁食別味他物。又芝麻去皮炒。紅棗去核蒸熟。糯米炒各一升。共爲末。煉蜜丸如彈子。大食一九。可度一日。遠行隨帶妙。又大豆生熟各半。令手搓光。暖熱徹豆內。先日不食。以冷水頓服訖。一切魚肉蔬食。不得復食。渴飲冷水。初小困。十日後。體力強健。不思食。

斬草 雲苓三兩。甘草二兩。各去皮。貫衆三兩。桃仁二十粒。杏仁一兩五錢。去皮尖。芝麻黑豆各三合。炒去皮。半生半熟。共爲細末。服之。任食百草。

避寒 乾薑。雄黃。丹砂。赤石脂。等分。共爲末。煉蜜同白松香爲

丸如梧子大。酒下四丸。服十日。冬不着棉衣。

延年益壽。嫩桑葉數十觔。流水洗去蒂陰乾。巨勝子減半。共

為末。煉蜜丸。如梧子大。每服百丸。白湯下。服一年。百病不生。

長鬚髮。早蓮草六月內採取。搗汁和薑汁。白蜜熬膏。沖甜酒

服。又黑芝麻丸。蒸九晒。為末。棗膏丸。白湯下。髮落不生。

全當歸。蒸黑和側柏葉末。為丸。甜酒吞。又東行棗根。橫

安飯甑內。蒸取汁塗。又羊屎燒灰。淋汁沐頭。又取腊月

猪鬃毛。火燒為膏塗。眉落不生。先薑搽。後用半夏塗。

狐臭。枯礬。朝腦。蛤粉。等分。共為末。搽之。

汗斑。川椒。陀僧。各三錢。硫黃。海螵蛸。各一錢。共研。生薑蘸搽。

脚汗 粉葛四兩。生熟白礬各二兩。共爲末。每用五錢煎水洗。

不藥奇術

救火法 左手捏三山訣。持雞蛋一個。右手捏劍訣。向蛋上書救。施發潤天尊聖號七遍。口亦默唸七遍。即投火中自滅。如不靈。連用七個即滅。

救燈上飛蟲 每夜初上燈時。執燈草誦咒曰。波利瑟吒護生。草救護衆生。離煩惱。一氣唸九遍。然後置盞內點之。又腊月四九內。雪水浸燈草。晒乾點燈。可救生。

救度魚鳥 凡遇人捕魚鳥。誠心默唸南無寶勝如來七遍。行步不傷蟲。端肅默唸。噫地。利日音利。娑婆訶三遍。

山行 唸林兵二字。却百邪。夜行 用手掠髮。邪不敢近。或

以中指書我是鬼三字。握固不怖。入水 呼弓隆不溺。

行船 寫土字於手。或禹字無恐。入火 呼執明不燒。

狗咬 濃墨蘸筆書五虎字於患處。運神如虎。拔毒。避犬。

道遇惡犬。即以左手大拇指掐寅上。吹氣一口。輪至戌上。招

之唸咒曰。雲龍風虎。降服猛獸。

辟蛇 端午午時。硃書茶字。倒貼之。蛇不敢近。佩雄黃亦妙。

辟鼠 值寅月。子日子時。硃書此。以虎符於灶上。勿令人見。

鼠即無矣。又正月壬辰日。塞鼠穴。或伏斷日。用荷梗塞穴。

辟臭蟲 遇除日。值畢宿。寫大將軍在此。下重寫掃去。除去四

字貼床上。又土王用事日抱鋪草。又遇春分秋分節於

床脚下擡一孔以米四十九粒去一粒孔中唸咒一遍曰秋

分節收木氣木氣絕米爛木氣絕去完仍以土掩之毋令人

見。又端午午時黃紙硃書張三賢少我木瓜錢一去青州

七八年十五字倒貼床上。又臘月二十四日謝未殘燭收

好俟來年五月五日午時不令人知點一枝放床下燭完盡

去。以上諸術俱要誠心然感方驗。

辟跳蚤 端午日用尉斗燒一棗置床下。又腊月子日晒荐

席或水日以淨水洒床席也。襪勿令人見。

辟蚊 日蝕時用紙搓左股繩先向外搓合向裡。月蝕時搓右

股繩先向內搓。合向外各長五丈。係小尺。又可合作一繩。如
筋大。以此圍卧處。則蚊不敢入。又清明節日未出時。採葶
薺。葶陰乾。作撥燈棍。蚊蛾不敢近。又端午日以燈草對日
唸咒曰。天上金雞吃蚊蟲。骨髓膚七遍。即以點燈。蚊自遠避。
驅蠅 端午以硃書白字。倒貼壁柱。或此日收浮萍投廁中。
又腊月八日。懸猪油四兩於糞坑上。

辟蟻 喂白雄雞可化白蟻。又清明日取薺菜。巴豆共研汁。
搽厨灶上絕蟻。

骨鯁 用水一碗向東默唸咒云。謹請太上東流順水。急急如
南方火帝律令。勅一氣唸七遍。吹氣入水中。如此七次。習靈

可以吞釘。又取骨一根。挿於患人頭髮內。勿言即下。

惡夢 卧時以鞋一覆一仰則無惡夢。

鴉烟

烟癮各隨五臟之虛而入。陽虛而骨冷。汗流。眼鼻淚涕。遺滑泄瀉。陰虛而骨痛。膚癢。心慌。腹脹。腰痛。便結等症。治宜解毒。殺虫。培補。為主。至擊脉。用神全在自己。痛戒不然。仙丹何益。

唐天君戒烟飲

甘草

韭菜

蜂蜜

各一兩

日服一劑。常以生藕嚼喫。服藥後必嘔吐。毒涎盡自愈。

扶陽解毒湯

肉桂

附片

各一錢

黃芩

二錢

黃柏

三錢

生大黃

一兩

水煎服。體壯者服三日即驗。若稟氣弱者。三黃等分。桂附多。

加再加生甘草一觔。白菊花半觔。煎膠。加龍眼肉。芡實。煨合
成丸。每早晚服百餘丸。忌吃烟。若仍前吃烟。此方無效矣。烟
病深者一月為準。如有雜病。照後方檢服。

紅鶴真人補正斷癮丸

治精氣虧損烟癮深者。

熟地 八兩

光條 五兩

當歸 六兩

棗仁

洋參

蜜芪

焦朮

各四兩

川烏

二兩

靈仙

一兩

枳殼

檳榔

各二兩

查肉

四兩

川貝

二兩

元參

三兩

甘草

二兩

銀花

四兩

蒲公英

三兩

山慈菘

酒軍

各二兩

右共為末。煉蜜丸。麝香硃砂為衣。如彈子大。癮發時嚼服。初

用薑湯下。次用薄荷烏梅湯。終用龍眼橄欖湯。服丸由少而

多吃烟由減而斷

土神雲飛龍斷癮九方其一 治冷氣入骨。

洋參一兩 肉桂二錢 薑汁一盃

其二 治筋骨疼痛。

當歸二兩 川芎三錢 肉桂一錢 羌活二錢 柴胡

續斷各三錢 牛膝一錢 骨碎補三錢

其三 治皮膚搔癢。

生地六錢 炒芍 天麻各三錢 防風二錢 柴胡三錢

銀花四錢

外用蛇床子煎水洗。

其四 治眼淚鼻涕

青箱子

錢二

青葙子

錢半

銀精

錢二

黃芪

一兩

白朮

五個

防風

二錢

蘇荷

一錢

桔梗

三錢

其五 治心慌煩渴

龍眼肉

錢五

棗子

七個

當歸

一兩

棗仁

六錢

寸冬

四錢

硃砂

一錢

紫石英

錢三

其六 治腰痛腹脹

元熟

二兩

枸杞

五錢

杜仲

四錢

當歸

一兩

沉香

錢半

其七

治夢遺精滑

熟地

二兩

龍眼肉

一兩

棗仁

五錢

洋參

三錢

蜜芪

二兩

豕瘟 梓葉飼之。宜常采切碎。入糟粕中。不特治病。亦易長。吹鼻方列後。

狗病 烏藥煎水啖。飼養易肥。甘草胡椒豬肝焙乾共爲

末。少許拌飯飼。

六畜辟瘟 蒼朮細辛川芎甘松降香乳香烈火焚之。疫氣遠

避。隣瘟 白芷川芎藿香藜蘆丹皮元胡皂角麝香硃砂

雄黃共爲末。吹鼻。日三次。令嚏。染者可愈。未染者可以却

染症。當歸萊豆黃連大黃共爲末。取鴨血和啖。宜大下者。

巴豆大黃蚯蚓共搗。調急流水灌。

賽金丹下編終

跋

上古之世人皆度百歲乃去良由真性渾樸不借修
為藥石自能各盡其天年降及後世人心澆漓情鎖
真如烟迷覺海遂至日戕其生而不知黃老以金丹
度世教人盡性以至命窮源溯流超出三界之外跳
出生死之關然火符金鼎龍虎功能終難概諸天下
則與其煉鉛汞而奪造化何如傳方藥以救生靈愚
與王子三山博採仙方廣搜奇秘序為上下二集質

諸黃君寶臣校閱繪圖精心繕寫顏其名曰賽金丹
伏望樂善君子翻刻廣布俾得家藏一編庶共慶安
全同登壽域則是書之濟人謂有賽於黃老之金丹
可也

純一徐半峰題

一編貯盡太和春採輯搜羅費苦辛珍重須知同拱
璧莫教負此有心人

松亭徐世璠題贊